

周
禮
輯
義

周禮卷之三

姜兆錫輯義

地官司徒第二

地官稱司徒者，徒之言泉，司徒掌敷邦教而安擾其衆，故名也。自唐虞以來，皆稱司徒，殷人稱

農父，酒誥農父若保是也。餘詳天官。

地官司徒總序

此次言王者設官分職以立地官，司徒之意乃第二官之總序也。

惟王建國，辨方正位，體國經野，設官分職，以爲民極，乃立地官司

徒，使帥其屬而掌邦教，以佐王安擾邦國。

邦教，卽六典之教典。周而導之曰安，安而順之

曰擾。書周官司徒掌邦教，敷五典，敷萬民。○按司徒主教之官，舜命契曰：汝作司徒，敬敷五教在寬。孟子亦曰：使契爲司徒，教以人倫。王制曰：司徒修六禮以節民性，明五教以興民德，齊八政以防淫。一道德以同俗，務王命，君牙爲司徒，亦曰弘敷五典，式和民則。凡此皆不專稱司徒任土地治財賦也。今司徒之屬如鄉大夫、州長、黨正、族師、閭胥、比長、與師氏、保氏、司諫、司教、誦人等官，無非教民之良法，惟是倉廩足而知禮義，而王道之始要在養生，送死無憾，是乃所以因其利而導之於義者，故以土地財賦之事屬焉。後

人徒見載師泉府等職遂不致本末以爲專掌財賦甚或以地官宜掌土地遂取司空之事歸之卒使司徒之本職不明而所謂使掌邦教者竟虛費矣豈不惑哉

地官司徒序官

此以下承上文序地官設官之數也

教官之屬大司徒鄉一人小司徒中大夫二人鄉師下大夫四人上士八人中士十有六人族下士三十有二人府六人史十有二人胥十有二人徒百有二十人不解地官而更詳教官者天也官掌邦教而言也司徒解大小者大司徒掌建邦教雖令帥六鄉而職實統乎天下故稱大而爲教官之長小司徒副之而所分主者六鄉爲多猶遂人之主六遂而已故稱小也鄉師佐小司徒以治鄉猶遂師佐遂人以治遂故又爲諸鄉官之長而稱師也

鄉老二鄉則公一人鄉大夫每鄉鄉一人州長每州中大夫一人黨正每黨下大夫一人族師每族上士一人閭胥每閭中士二人

比長五家下士一人

比長並上鄉比長皆公之○鄉謂上農百里內之六

之老是有也正師皆長也○有謂其才智亦猶有為徒之什長也五家

為此比有長五比為閭閻有胥四閭為族族有帥五族為黨黨有

正五黨為州州有長五州為鄉鄉有大夫每鄉凡萬二千五百家

自比至鄉地漸廣自比長至鄉大夫為漸廣而二鄉公一人尤地

廣而爵尊焉此上下所以通相屬也無徒役者鄉官故也遂大夫

之屬放此○註曰老為稱也一鄉一公六鄉則二公三公者上與

王論道中參六官之事外與六鄉之教是以屬之鄉為丘氏曰鄉

大夫猶有職掌鄉老惟大比賓賢能則與焉在制解公不辨鄉老

生論於天子而不為偏親教於鄉民而不為棄惟道所在上為德

而下為民是以司徒首重之俊鄉黨氏曰鄉大夫鄉也而謂之大

夫者王制諸侯之上大夫即鄉周禮凡鄉皆上大夫列職於朝名

之為鄉正其位也分治六鄉則名為大夫明齊王氏曰在朝為六

官在國中兼為鄉遂之官及都鄙之君故平居則六鄉各教其民

國有大事則各帥其民而至有大故各糾其民而守其有會同師

田帥民而至亦如之觀夏書乃召六卿即六事之人春秋列國三

鄉即三軍之將以此見古者公卿大夫靡不親民情意流通也其

族師而下不必皆王臣不過民中推擇因而秩之故曰使民興賢

出使長之使民興賢入使治之漢賜民爵一級以土蓋其遺法與

愚按族師以下擢鄉民爲之卽王制升於司徒曰選士也若其上黨正州長鄉大夫諸職王氏以爲六官之兼官而何氏則以爲致仕之鄉大夫者蓋致仕者位尊望重足爲鄉黨典率故與然致夏官司馬之職鄉遂官爲將帥之屬似非致仕者所勝而儀禮鄉飲酒主人就先生而謀賓介註謂主人爲鄉大夫而先生爲致仕之大夫士則鄉大夫之屬固非致仕者也豈致仕者居其鄉則鄉大夫爲父師士爲少師皆名先生其或爲鄉大夫至黨正之屬則名主人而亦或有異錄是翁起而爲將帥之屬者與

封人中士四人下士八人府二人史四人胥六人徒六十人積土曰封

掌設社壇爲畿封故名封人司徒諸官以下皆次此者重社稷也徒役多者畿封事廣也○胥氏曰俞氏謂封人封國造邑當爲司空掌邦上之事芬按左傳宣十一年楚城父使封人處事以授司徒而今職凡封國設其社稷之壇封其四疆則是司徒之屬明矣

鼓人中士六人府二人史二人徒二十人兼掌秦而官名鼓人者何氏謂金亦以節鼓也

舞師下士二人胥四人舞徒四十人掌教舞供祀及凡野舞之屬故名舞師舞徒給舞役者也

不言府史者無收藏若記載也後無府史者放此○明齋王氏曰按本職四祭切於民事故四舞爲民之通用舞師所必止此而已

若大司樂所教國子之舞，雲門、咸池、大韶、大夏、大濩、六武，皆郊廟之舞。樂師所教國子小舞之屬，亦畧如之。野氏並無與於此。彼舞師所教不及也。愚按大司徒以六樂防民之情，而教之和，而其屬鼓人舞師教止此者，先王之教先其易，後其難，易者通於中，難者加於外，異等其教之如此。連論鄉秀士升之司徒，而後司徒教之，司徒又升之學，而後大司樂之屬教之，此其爲之有本末，施之有次第也。餘見本疏。

牧人下士六人，府一人，史二人，徒六十人。掌牧六牲以供粢祀，故疏曰：謂養牲於野田者，對充人繫養牲於牢與國門而言也。

牛人，中士二人，下士四人，府二人，史四人，胥二十人，徒二百人。掌養

國之公牛，以待祀賓軍喪之屬，故名牛人而徒役較多也。餘見夏官羊人序官。○明齋王氏曰：牧人兼總六牲，而官爲下士，與雜人羊人夫人等同爵者，職止芻牧而已。牛人雖主一牲，然掌公牛，其用爲大，故官爲中士。若馬則尤重，故授人爲下大夫也。

充人，下士二人，史二人，胥四人，徒四十人。充猶肥也。凡祭牲，充人受之，牧人繫養充肥，故

名也。封人之後，次以數人至充人五職者。封疆既定，禮祀爲先也。呂氏釋書洛誥曰：人主臨鎮新都之始，齊威一心對越天地，達此精明之德，放諸四海，無所不準，乃平天下之要道。故周公卜洛成，而首以肇稱殷禮祀於新邑者告王也。

載師：上士二人，中士四人，府二人，史四人，胥六人，徒六十人。載之

一云猶任也。掌任上之法，以物地事而爲陽師。縣師道人均人之長，故名官而徒役多也。次此者，社稷爲民人之主，民人爲社稷之本也。先載師次以閭師。縣師者，又以見生息與賦斂其道相終始也。

閭師：中士二人，史二人，徒二十人。閭卽鄉法比閭之閭也。其職掌

掌國中而各掌其鄉，遂士掌四郊而各掌其遂，乃兼掌鄉遂令閭胥里宰徵賦之官，而官名閭不及里者，以內統外省文也。凡冢宰小司徒泉府質人朝士之屬，其言閭郊之義皆如此。舊註以閭師專主六鄉之賦，而縣師主六遂及北公邑者，失之矣。通六鄉六遂之賦而官役止此數者，蓋鄉與遂官各一人，史各一人，徒各十人，以令徵之而已。若徵則閭胥里宰主之也。

縣師：上士二人，中士四人，府二人，史四人，胥八人，徒八十人。縣卽

羣都

縣鄙之縣也其職掌徵賦之賦貢納林官縣士掌野而各掌其縣乃掌徵甸地公邑之賦之官而凡邦里稍都邦之公邑亦附焉其名縣者亦舉中以統內外也以上三陳處王國控制不得失於鄉若達各官之後又以鄉大夫以下各鄉官與大小司徒相連故不得失於各鄉官之前其次於此者亦居中以兼上下之意也餘見旅師

遺人中士二人下士四人府二人史四人胥四人徒四十人遺音位○

遺遺之也掌邦之委積以待施惠故名也以此次則師師師者亦以見聚散取予其義相表裏也

均人中士二人下士四人府二人史四人胥四人徒四十人均猶平也

掌均地政地守地職及凡力政之屬使名也此布糴粟米力役之屬所總待以平者而賦役之職於是畢矣

師氏中大夫一人上士二人府二人史二人胥十有二人徒百有

二十人師氏保氏皆教王及國子而師氏掌詔辯遺道尤尊故名其官且為諸官之長而徒役較多也其下保氏以諫惡佐教而司諫糾萬民司教教萬民國人和萬民婦氏合萬民皆是牧之義諸官次於載師各職之後者衣食足而後教化行也

保氏下大夫一人中士二人府二人史二人胥六人徒六十人

安保

也掌陳惡以安之故名也二官皆稱氏未詳註謂官有世功則以官族凡官稱氏者皆此類也一謂稱氏以別大師大保之屬也書周官大師大傅大保惟三公少師少傅少保惟三孤乃最尊之位二官雖有師保之責而德位非其比矣

司諫中士二人史二人徒二十人

以言諍人曰諫以道正人亦曰諫司諫掌糾正萬民之德行

義故名也

司救中士二人史二人徒二十人

常防禁萬民之衰惡過失故名也二司之教萬民猶師保之教

王若國子而司諫長善司救救惡亦師氏詔獄保氏諫惡之意也然其職皆以節巡問觀察以行之者蓋司徒以下乃專職教民攷史之官而二司猶今欽差提學使巡按御史之屬與

調人下士二人史二人徒十人

調猶和也掌調和萬民之難故名也

媒氏下士二人史二人徒十人

媒之言謀也掌謀合萬民之判故名也

司市下大夫二人上士四人中士八人下士十有六人府四人史

八人胥十有二人徒百有二十人其官為賈人以下八職之長故

司徒遂之遂人也賈人猶鄉師遂師也廛人猶閭師縣師之屬也

三職皆祀之命官而胥師以下六職則官所自錄用猶鄉遂之鄉

官肆長每肆一人猶鄉遂之比長鄉長也胥倍之而二肆一人

肆一人猶黨正鄰師也賈師又倍而二十肆一人猶州長縣正也

胥師為不倍者聽小治小訟其事煩矣此猶鄉大夫遂大夫也鄉

官有吏者市務視鄉務稍煩也

各無府與胥徒者市自在賈也

賈人中士二人下士四人府二人史四人胥二人徒二十人掌成

貨賄人民牛馬之屬而為之質劑故名官也

廛人中士二人下士四人府二人史四人胥四人徒二十人廛杜

市中空地也疏謂此載師職屋里在園中之地及遂人職夫一屋之屋爲貨賄停貯邸舍之稅非空地也其職掌敘屋之五種之布故名其官

胥師二十肆則一人胥二史賈師二十肆則一人胥一史司疏十

肆則一人司稽五肆則一人胥二肆則一人肆長每肆一人賈音古下

同疏暴過長上聲○胥亦才知之稱師其長也肆者行列之象二十肆而胥師主其政令以聽小治參訟之屬賈師畧如胥師主物價矣其下自十肆五肆而二肆一肆司疏主禁暴亂之屬司稽主察盜賊之屬胥主巡竒察之屬肆長主陳貨賄之屬故略以名也泉府上士四人中士八人下士十有六人府四人史八人賈八人徒八十人泉卽錢也掌市所飲之泉布故名其官而與市相次也

司門下大夫二人上士四人中士八人下士十有六人府二人史四人胥四人徒四十人每門下士二人府一人史二人徒四人

掌王城之門故名。註謂若今城門按縣主王城十二門也。或疑本職下士十六人。每門下士二人。當爲八門。今按匠人營國方九里旁三門。當以十二門爲正。其每門下士二人。乃在總掌各官之外。觀每門府史徒之數。與上府史胥徒之總數亦各不家可見。況司器職每關下士之數。亦在總掌各官之外乎。次此於市官後者。以主啓閉察貨賄之屬故也。郎氏曰。漢猶用士人。後世則奄人掌之矣。

司關上士二人。中士四人。府二人。史四人。胥八人。徒八十人。每關

下士二人。府一人。史二人。徒四人。

掌王畿之關故名。疏謂王城四面各五百里。百置三關。司關處

內總簡按其十二關。其每關下士二人。則在關門以上啓閉。畿察之屬也。其職掌國貨之節。以聯門市。故與司門連次。而其役往來各關。故亦多至八十人與。

掌節上士二人。中士四人。府二人。史四人。胥二人。徒二十人。節之

屬以達天下。故名。而

職與司關連次也。

遂人中大夫二人遂師下大夫四人上士八人中士十有六人旅

下士三十有二人府四人史十有二人胥十有二人徒百有二十

人遂謂王畿百里外之六遂也遂人主之而遂師佐之猶小司徒

於府者其職頒田里治溝塗凡鄉遂以往皆所統而文書獨繁焉

故也後凡史有數倍於府者並放此次此者由內及外之義也○

平仲王氏曰王國外之六鄉小司徒自治之又其外六遂特設遂

人分理之而木職所掌乃稱自野以達於畿是雖六遂外之都邑

皆遂人總之何也攷春官有都家宗人夏秋官有都家司馬及都

家士而司徒不設焉蓋禮政刑三典所謂禮樂征伐自天子出也

而教典陶淑於德行道藝食其地即當教其民故公卿大夫各掌

其教養之任王國不復設官而第以遂人總其要成與不然謂其

所掌自郊達畿反十數倍於六鄉也必不然矣愚按王氏論本官

獨不設都家之官其說善矣但木職所謂以達於畿者乃言溝塗

之制達於甸稍都鄙而非總教其德行道藝之謂也蓋自註家率

以遂人與匠人之田制分爲二法故其溝塗之制之達於畿者僅

有多末之辭而王氏遂誤以達於畿者爲遂

人總理畿內之謂耳詳見小司徒并攷攷

遂大夫每遂中大夫一人縣正每縣下大夫一人鄆師每鄆上士一人鄆長每鄆中士一人里宰每里下士一人鄰長五家則一人

鄆音纂長並上聲○縣鄆鄆里鄰皆遂之屬也視鄉之州黨族閭比黨地有遠近爵有尊卑而其遞相屬則一也詳見鄉老之屬○何氏曰鄉遂異名者遠近之等也先王立鄉遂之官以教民大司徒施教法於邦國鄆師使各教其所治則鄉遂皆在其中矣吳氏以鄉大夫以下屬司徒而以遂人以下屬司空何也莊渠魏氏曰國中百里外制六遂以剛六鄉王化首及於鄉其次及遂故遂官之屬其秩皆下鄉官一等

旅師中士四人下士八人府二人史四人胥八人徒二十人

旅謂族

也其職掌用三粟以惠其民而凡願為新阡者亦聽其治以安集之故名其官也胥為徒之什長而此職胥乃至數倍於常者事不其煩而緒稍為也○易氏曰旅如羈旅商旅之旅皆托於外永安其居新阡亦然故以旅名也孫氏曰先王之民入有保受山有節傳其有浮游旅寄於四方者蓋鮮今民以羈旅為名官以新阡為職豈非自狹徙寬上之人當勞味安定之乎愚按本職明著如此

而註疏乃謂此上縣師所徵野之賦貢者六鄉地狹閭師徵且斂之徵斂同官若六遂達畿外其地廣故縣師徵之旅師斂之徵斂異官也今以其說考之縣師之征賦雖廣而謂其地自六遂始則既夫閭師掌鄉遂而縣師掌凡公邑之本義矣且閭師主令閭胥里宰貢九穀之屬倉人主藏而廩人主頒之道人亦豈以一官徵且斂之謂乎攷本職首稱聚野之勑粟屋粟開粟以施惠散利乃遣人職中所謂野鄙之委積以待羈旅者而職末稱凡新阡之治又卽旅民始受田爲阡者也則不得以爲掌徵正賦之官益明矣而乃訓旅爲處謂爲遂官里宰之師也其牽率又豈待辨哉

稍人下士四人史二人徒十有二人

稍去聲○昨王城三百里曰稍載師以家邑之田任稍地

是也其職掌以縣師之法令郊甸稍都邦凡公邑之兵賦而名稍人者稍地居中以兼內外也○黃氏曰自甸而往而以稍名官者甸稍一法舉以包甸若大小都也薛平仲曰遂法稱凡爲邑者謂六遂若甸稍縣都之屬皆邑之所積也則稍人之職不以繼遂官乎得

委人中士二人下士四人府二人史四人徒四十人

委去聲○委猶積也遣人

掌邦之委積以施惠而委人亦掌野之賦斂新穀之屬以供用故名其官而徒役亦器如遺人也

土均上士二人中士四人下士八人府二人史四人胥四人徒四

十人均猶均人之均也均人掌均地政及力政之屬而土均掌平

氏曰事與均人相關均人止國中及四郊土均盡天下矣西貢庶土交正底慎財賦咸則三壤成賦中邦土均其遺法也

草人下士四人史二人徒十有二人草謂除草也疏曰其職惟有

草人者蓋殺草然後種焉故也愚按草人土化之法凡九其八爲獸一爲責責亦殺草之意也辨草人者其約詞與

稻人上士二人中士四人下士八人府二人史四人胥十人徒百

人掌水利以溉稻故名稻人事重故徒役多也○自送人至此凡十四官遂人以下八官通言治遂而已旅師以下六官通言凡

治野達於天下之事旅師至土均言征敵於終而草人稻人則言藝植於始也

土訓中士二人下士四人史二人徒八人掌訓道地以明土地善惡之辨故名也自此

至塲人凡十七官蓋因穀土以及庶土而大小遠近之事務矣園人塲人最居後者見鳥獸草木之奉雖殊異抑末耳

誦訓中士二人下士四人史二人徒八人掌訓說四方之事以詔王觀故名也

山虞每大山中士四人下士八人府二人史四人胥八人徒八十

人中山下士六人史二人胥六人徒六十人小山下士二人史二

人徒二十人虞度也度知其形勢及其中之所生而掌其政令故名書命益作朕虞是也澤虞放此

林衡每大林麓下士十有二人史四人胥十有二人徒百有二十

人中林麓如中山之虞小林麓如小山之虞衡平也木生平地曰林生山足曰麓掌巡

視其禁令而平其守故名也大林麓之衡衡卑於大澤大藪之虞而役尤多者其事較煩亦因見尊者職要卑者職詳之意也川衡

此放

川衡每大川下士十有二人史四人胥十有二人徒百有二十人

中川下士六人史二人胥六人徒六十人小川下士二人史一人

徒二十人名官及胥役並見林衡

澤虞每大澤大數中士四人下士八人府二人史四人胥八人徒

八十人中澤中藝如中川之衡小澤小數如小川之衡水流謂之

之澤水希謂之數名官及胥役見山虞林衡○陳君舉曰古者名山大川不以封皆天子使吏治之而納其貢賦伯禽侯於魯錫之山川乃天子之加賜非例也然周制山林川澤有虞衡之官疑若專其利而未嘗不與民共之特禁之不使戕賊而已此先王領於土官而不盡利以遺民之意也愚按官名澤虞而其下兼梯大數大澤夏官職方氏亦合稱澤數蓋對文數澤異號散文則數澤通以其水亦滋潤不常故也然考爾雅十數魯大野晉大陵秦陽陵宋孟諸楚雲夢吳越之閒具區齊海隅燕昭餘邪鄭圃田周焦獲是也而職方氏九州之澤數惟揚具區荆雲夢豫圃田青孟諸充大野并昭餘邪六者與爾雅同名其兩美養冀陽紆雍茲蒲三者則異矣豈強開分合紀載有異同而陵谷亦或有時變遷與

迹人中士四人下士八人史一人徒四十人

迹之言跡也跡知禽獸之處故掌邦田之

政而名迹人也○後儀王氏曰春秋時宋猶有是官左氏哀十四年迹人來告逢澤有介麋是也莊栗魏氏曰其官主知禽獸之處田獵用為耳目如兵法之有鄉道也

升人中士二人下士四人府二人史二人胥四人徒四十人

升告廣字

金玉之屬未成器謂之礦其職掌守金玉錫石之地而以時待取故名升人也舊作詩總角升今之升謂金玉未成而為礦猶童稚未冠而方升也今按升非二字音義並別其謬甚矣

角人下士二人府一人徒八人

掌以時徵角凡骨物於山澤之農故名也角人羽人有府無史者

事省府兼之也羽人故此

羽人下士二人府一人徒八人

掌以時徵羽關之征於山澤之農故名

掌葛下士二人府一人史一人胥二人徒二十人

掌以時徵絺絺葛之材於山澤農

名故

掌染草下士二人府一人史二人徒八人

染草若青藍皂赤黃紫刺之屬掌斂其物以

染故名也

掌炭下士二人史二人徒二十人

掌炭物之微令故名

掌茶下士二人府一人史一人徒二十人

茶茅秀也掌聚茶屬以供用故名

掌廩下士二人府一人史一人徒八人

廩大蛤也掌斂互物屬物以供廩氏之用故名大官

斂人掌取互物之屬者謂膳其物此掌斂互物之屬者謂用其穀也

司人中士四人下士八人府二人胥八人徒八十人

掌司爵之獻禁故名

場人每場下士二人府一人史一人徒二十人

掌場圃之用故名言每場衆謂也

平仲王氏曰場人掌國之場圃而樹之果蔬珍異之物掌圃非掌場也然春夏為圃季秋則築為場以納稼矣詩九月築場圃是也

不名國人而名場
人明不貴與物也

廩人下大夫一人上士四人中士八人下士十有六人府八人史

十有六人胥三十人徒三百人

藏米曰廩藏穀曰倉廩人總掌九穀特用之數而糧食榮盛之供其

專職也故名廩人次諸此者以上各官主生息徵斂而以下各官主收藏供給故為舍人以下諸官之長而爵以下大夫也徒至三百人者治糧供盛事尤煩於舍人舍人與

舍人上士二人中士四人府二人史四人胥四人徒四十人

舍謂官中

之次舍也掌平宮中之財守與凡米粟出入之辨故名舍人

倉人中士四人下士八人府二人史四人胥四人徒四十人

掌粟入之

藏辨物以待邦用故名倉人也

司祿中士四人下士八人府二人史四人徒四十人

祿國其義未詳註以為掌

班祿之官也
說見序職

司稼下士八人史四人徒四十人

種穀曰稼。敎之曰穡。掌巡稼而為耕鋤之法以明民急故名司

稼也。以上諸職其序有司稼而因有倉人而因有廩人而因有司祿若下文春人饔人饔人三職則又遞居其後矣。今恭以爵次之也。

春人奄二人女春抗二人奚五人

抗掄同音山。○杼曰抗。詩或春或抗是也。掌之故名其官以

下諸職用奄者猶天官酒漿以下之例也。其職掌其祭祀賓客饗食之米之類而其役女春掄與奚其少者蓋同屬職女奴之入於春者多矣。見其文於別職而沒其文於本官蓋輕之與。餘詳天官酒人。

饔人奄二人女饔八人奚四十人

饔音熾。書作饔。○炊米為饔。詩吉獨為饔是也。掌之故亦名其

官。女饔奚多於女春奚者數非獨多蓋皆民婦為之而其下無所入之女奴故也。說並見天官酒人。○疏曰其職凡祭祀供盛供王及后之六食凡賓客饗食供其簋簠之實乃不在天官膳夫之屬而與春人之屬為類者明地道之成也。

粟人奄八人女粟每奄二人奚五尺

粟鄭司農讀為鴛師之鴛掌供內外朝冗食之屬如鴛勞

然故名也女粟十六人數視餼為多而奚之少乃僅如春者供冗食亦尙能也

地官司徒序職上

此以下又承上文序地官分職之事也

大司徒之職掌建邦之土地之圖與其人民之數以佐王安擾邦

國

此首序大司徒卿一人之職而總舉之以天下土地之圖周知也圖知廣狹數知多寡安擾事見下文

以天下土地之圖周知

九州之地域廣輪之數辨其山林川澤丘陵墳衍原隰之名物而

辨其邦國都鄙之數制其畿疆而封溝之設其社稷之壝而樹之

田主各以其野之所宜木遂以名其社與其野

廣去聲○此言制畿疆社稷以明土

地之圖之事也周徧也九州職方氏揚荆豫青兗雍幽冀并也廣

積也輪經也東西為廣南北為輪積石曰山叢木曰林注漬曰川

鍾水曰澤高土曰丘大阜曰陵木涯曰墳下平曰衍高平曰原下

濕曰隰辨名則知所在辨物則知所宜邦國謂畿外之邦國都鄙

謂畿內之都邑制者裁定之意也畿卽大司馬九畿疆其界也封者封以上溝者溝其地社土神穀穀神詳見祭法壇卽壇也田主謂先齊神農見郊特性樹樹立也所宜木如松柏栗之類名其社與野謂爲其社與野之名號也○疏曰王三社三稷中門之外爲壇設大社大稷與王社王稷廟門之扉設勝國社稷侯國數亦如之壇外四面爲壁壁外爲壇不言壇舉外以見內也田主在籍田中依木爲之葉氏曰古者立君曰奉社稷取后夫人曰供社稷死國曰死社稷社稷重故封人掌設王侯卿大夫之社稷而大小司徒總以土會之法辨五地之物生一曰山林其動物宜毛物其植物宜阜物其民毛而方二曰川澤其動物宜鱗物其植物宜膏物其民黑而津三曰丘陵其動物宜羽物其植物宜稷物其民專而長四曰墳衍其動物宜介物其植物宜蕢物其民皙而瘠五曰原隰其動物宜羸物其植物宜叢物其民豐肉而庠會音怪阜皂同穀作核專作園羸獸同○此言辨五土物生以明土地之圖與人民之數之事也會計也動物謂天產植物謂地產民者萬物之靈故皆會計而計之

而因以施教也。毛物狐貉之屬阜物柞栗之屬山林之民得木之氣毛者木之象方者曲直之意也。鱗物魚龍之屬膏物桐漆之屬川澤之民得水之氣黑者水之色津者潤下之義也。羽物翟雉之屬麋鹿梅李之屬丘陵之民得火之氣專者火之象長者炎上之義也。介物龜鼈之屬萊物薺棘之屬墳衍之民得金之氣哲者金之色瘠者從革之意也。蟲物龜螭之屬瘞物雀雉之屬原隰之民得土之氣豐肉者土之體庠者亦稼穡之象之意也。○莊梁魏氏曰五地隨氣異形人物之生復隨形異稟蓋天氣爲父地質爲母聖人仰稽俯察以土會之法通計所生而知其宜所以通知地利而能盡人物之性也。因此五物者民之常

而施十有二教焉。一曰以祀禮教敬則民不苟。二曰以陽禮教讓則民不爭。三曰以陰禮教親則民不怨。四曰以樂禮教和則民不乖。五曰以儀辨等則民不越。六曰以俗教安則民不偷。七曰以刑教中則民不競。八曰以誓教恤則民不怠。九曰以度教節則民知足。十曰以世事教能則民不失職。十有一曰以賢制爵則民慎德。

親

十有二曰以庸制祿則民興功恤當作煥同暴○此承上文言

亦物也施猶布也五行寓於五地殺而爲物而民得其秀而靈者故因其常而布教也陽禮謂鄉飲酒禮陰禮謂昏禮祀尚敬使儀而不苟鄉尚讓故遜而不爭昏何一故和而不怨樂本自和故儀樂平中而不乖儀必有節故整齊畫一而不越俗各有安故教舞率作而不偷刑以弼教而協於中正故不越於暴誓以申令而闡其憂積故不怠於義以度制其節則無悖心而自知足以世事習其能則有守業而不失職詔爵以賢則不賢者愧而德益謹詔祿以庸則不才者奮而功可成凡皆以教制其失而導其宜也○明晉王氏曰五方風氣習與性成王制所謂廣谷大川異制民生其間異俗故云五物者民之常也變化氣質在於修道之教地官之教十有二此所以道德一而風俗同也平仲王氏曰地官以十二教治五物將使天地氣化不得以隔民而乃以俗教安何與夫聖人教民轉後其微治道亦去其太甚而已齊變至魯皆至變道變非聖人所能強也易云窮則變變則通通則久神而化之使民宜之民何嘗覺有變哉以土宜之法辨十有二土之名物以相民宅而知其利害以阜人民以蕃鳥獸以毓草木以任土事辨十有二壤之物而

知其種以教稼穡樹藝

相去聲。○此又言辨十二土壤之名物任土教稼以明安擾之實也。十二土謂十二

州名如壤墳白黑之類。物如漆絲鹽繡之類。相視宅居阜盛也。相

度民居使之趨利避害則居安生阜而動物蕃殖物穡凡有事於

地者皆可任也。土謂庶土壤謂殺土辨而知其宜種以教民稼穡

得藝此又任土之要也。○疏曰十二土註謂分野十二邦上繫十

二次也。十二次者星紀、鬼、越也。玄枵、奎也。娵、胃也。降婁、魯也。大

梁、趙也。實沈、晉也。鶉首、秦也。鶉火、周也。鶉尾、楚也。壽星、鄭也。大火

宋也。析木、燕也。蒼大有十二次日月之所歸地有十二上王公之

所國也。劉氏曰十有二土者即十二州也。職方氏九州從時王之

制以正名而大司徒十二州因上古之法以立以上均之法辨五

教也。愚按周初尚無秦鄭註疏不如劉說為合。以上均之法辨五

物九等制天下之地征以作民職以令地貢以斂財賦以均齊天

下之政。此又言辨五物九等以均政賦亦上文之意也。均平也。見

土均職。此總理之也。五物謂五地所宜之物九等即禹貢

上中下各三等之田地征者貢賦之總名也。物等既辨而九職九

貢九賦隨之此乃所以制地征而裕民足國之道也。詳見周師縣

師以土圭之法測土深正日景以求地中。日南則景短多暑日北

則景長多寒日東則景夕多風日西則景朝多陰日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉制其畿方千里而封樹之景有影字○此以下三節又卽測土正景以申掌土制畿之意也土圭長尺五寸見攷工記玉人土脈謂其土日景之深也正者景正與圭等也封樹封上列樹以表之也則土之法於夏至日中時立八尺之表以圭量其日景其地近南者日景短於圭近北者日景長於圭近東者日中景已如夕近西者日中景尙如朝惟日中時景長一尺五寸正如其圭乃爲地中則天地之道於焉所合四時之序於焉交通風雨之節於焉嘉會陰陽之氣於焉協和然後物阜民安可建國而爲四方之極也此制王都與王畿也○其法置八尺之表凡五於潁川陽城置一表爲中表中表南千里又置一表北千里又置一表東千里又置一表西千里又置一表日南則景短多暑者據南表而言晝漏半表北得尺四寸景而短於尺有五寸之土圭是其地於日爲近南而多暑也日北則景長多寒者據北表而言晝漏半表北得尺六寸景而長於尺有五寸

之土主是其地於日爲近北而多寒也日東則景夕多風者據東
表面言晝漏半而日已跌如夕時之景是其地於日爲近東而多
風也日西則景朝多陰者據西表面言晝漏半而日未中如朝時
之景是其地於日爲近西而多陰也惟中表之北晝漏半景尺有
五寸故凡建邦國以土主其地而制其域諸公之地封疆方五
爲地中

百里其食者半諸侯之地封疆方四百里其食者參之一諸伯之
地封疆方三百里其食者參之一諸子之地封疆方二百里其食

者四之一諸男之地封疆方百里其食者四之一參三同○土其

凡日景約移土主一寸則差千里故建國亦以度之也或亦界也
封疆猶言制畿疆封溝而樹之省文也食謂天子所食也等以三
者爵五等命則三等也此制畿外之邦國也○潁溪鄧氏曰土主
土地制域非司空事乎屬地官何也司徒主地土民徒也國大役
大平贊王命百官司徒主其治帥以至司馬主政司空主事陳其
辟鄉師從受而攷焉司馬屬其植而受其要軍旅亦如之則官有
職攷也乃制域制宅之法經不具盛具於冬官今亡矣朱子曰五
等諸侯之地與孟子王制三等封國之數各不同且如孟子公侯

皆方百里。攷之史傳，周公封魯，太公封齊，皆不止百里也。唐氏曰：學者見司徒五等之封，疑與武城分土維三。及孟子百里、七十里、五十里之說，異因謂周禮非周公之制，是未之攷耳。左氏云：成國半天子之軍，諸侯之大者三軍可也。而魯公誓三軍於費，云魯人三郊三遂，猶鄉也。則大國三軍出於三鄉三遂，猶天子六軍出於六鄉六遂也。若謂大國不過百里，則百里之地，提封萬井，山林川澤三分去一，爲六千六百餘井，止五萬四千夫，有奇司徒起徒母過家一人，卽盡用其夫，尙不及其三鄉三遂七萬五千人。之數也。大國三軍之數，不取舉國之全數，止取於三鄉三遂，而今取百里舉國之全數，尙不及其三鄉三遂之數，則百里不足爲大國明甚。而七十里、五十里，亦可知矣。然則孟子之說，非與？曰：孟子言其畧，以意通之可也。爲國者有出軍之實數，有制賦之成數。王六軍，凡七萬五千人；大國三軍，三萬七千五百人；次國二軍，小國一軍，以是爲差。此出軍之實數，出於國中四郊者也。天子萬乘，凡百萬人，諸侯千乘，凡十萬人，此制賦之成數，出於舉國之中者也。自軍言之，方百里而具三軍，方七十里約二軍，方五十里約一軍。推而上之，方百四十里有奇，而具六軍，自賦言之，則方千里具萬乘，方三百十里有奇，具千乘矣。魯頌云：奄有龜蒙，奄有龜蒙，奄有龜蒙，此山川在封疆之驗。又云：居常與許，復周公之宇，魯論云：額與在邦域之中矣。此土田附庸皆在封疆之驗也。魯地方七百里，出革車千乘，况

五百里以降乎成王廣魯七百里以康周公非制所拘齊有賜履
衛有封畛土畧韓有奄受百國亦如之周禮封縣之數與武城孟
子蓋相表裏矣註曰其食或半或三之一或四之一者凡土均均
邦國輕重之等必足其禮俗喪紀祭祀之用乃貢其餘大國貢重
正之也小國貢輕字之也疏曰天子封公之地其國稅天子食其
半封侯伯者食其三分之一封子男者食四分之一卽大宰九貢
是也愚按其食之義諸儒或以爲公侯伯子男所自食故大司馬
食者三之二食者半食者三之一及司勳三之一食自當以註疏
爲正也但如此則除天子所食之外公之自取者半爲二百五十
里而侯自取三之二反爲二百六十六里有奇其於義亦有難通
者豈食者半與食三之二亦舉其大槩之詞而凡造都鄙制其地
公侯所自取者固相同與餘詳夏官職方氏

域而封溝之以其室數制之不易之地家百晦一易之地家二百
晦再易之地家三百晦

晦畝同○造猶作也都鄙卽字夫所謂羣
公邑而言也詳見大宰室猶家也易謂更也田行畝歲種無更換
是爲不易之上地田一百畝種百畝空百畝每歲更換一種是爲
一易之中地田三百畝種一百畝空二百畝三歲再更換然後一
種是爲再易之下地邦國亦制田都鄙亦分里互文也此制畿內

之郡邑也。○鄭司農曰：不易之地，其歲種地，美故家百畝，一易之地，薄休一歲，乃復種。故家二百畝，再易之地，又薄休二歲，乃復種。故家三百畝，恩按經文及先鄭之說，蓋休不種之地，總為一區，以秋官薙氏之法化之，故其地之薄者，亦美而可種也。而莊栗劉氏乃謂田之一易者，開一隴而為一畝，其再易者，開二隴而為一畝，隴不耕種，故遂人又謂之萊也。夫其以易地訓萊，則是而以開隴訓易，則非。考所稱開一隴，以為畝者，乃治田之通法，初非休而易之義。漢食貨志云：武帝時，趙過為搜粟都尉，修后稷之法，為代田，一畝三畦，歲代處之，廣尺，深尺，為畦，播種其中，苗生，萊已上，稍耕，隴草，墾其上，以附苗根，故其詩云：或耘或耔，黍稷薿薿，和耕草也。耕附根也。每耨輒附根，比盛暑，隴盡根，深，耐風與旱，故假假而盛也。食貨志之文如此，則魏氏所解開一隴而為畝者，乃古代田之制，雖歲種不易之地，亦然也。而乃以代種即為易，而其不種之隴，即為萊也。何哉？夫不種之隴，關於所治田之內，而萊則總在所治田之外，其不得以古法開隴之訓，誤為畝官易種之田，經義固明。然則司徒不易之地，其不同於遂人上地之田，又何也？本職云：一易之地，家二百畝，即遂人中地，田百畝，萊百畝也。本職云：再易之地，家三百畝，即遂人下地，田百畝，萊二百畝也。本職云：再易之地，家百畝，而遂人則云：上地，田百畝，萊五十畝，數獨不符。蓋本職乃從百畝二百畝三百畝之成數，而為省文，其實初無異制也。大同

馬云凡令賦上地食者三之二。中地食者半。下地食者三之一。夫田有稅而萊無稅。故食有三等。爲鄉遂都鄙之通例。而司馬之令賦以凡槩之也。中地田百畝爲治萊百畝。不治惟其田閒一食而更種。故謂之一易。而於二百畝之中稅其百畝。故謂之其食者半。再易之下地田百畝爲治萊二百畝。皆不治。惟其田閒二歲而更種。故謂之再易。而於三百畝之中稅其百畝。故謂食者三之一。上地亦有萊而稱不易之地者。其田百畝爲治萊五十畝。不治雖有不治。而其所治百畝之中。或前歲種而今復種。又或今種而明歲復種。自其連歲種者名之。故謂之不易。而於百五十畝之中稅其百畝。故謂食者三之二。經義明著如此。則以開一龍二龍之例。訓爲一易再易之地者。其失無疑。而率分爲有萊無萊。乃分地職莫之異制也。其失又何疑哉。餘詳述人大司馬二職。乃分地職莫地守制地貢而頒職事焉。以爲地法而待政令。莫讀作定。○此申上文均政賦之意。也。地職謂若農圃之屬。地守謂若山澤數牧之屬。統言之皆九職也。地貢卽九職之貢。頒之言布。分布職事。若鄉遂之吏都邑之長虞衡之官之屬。使各以爲法守而待上貢賦之政令也。○疏曰。地貢者以九職任之。卽以其物徵之。若三農生九穀。則稅九穀。園圃等草木則稅草木。以荒政十有二聚萬民。一曰散利。二曰薄征。三非諸侯九貢也。

曰緩刑四曰弛力五曰舍禁六曰去幾七曰青禮八曰殺哀九曰

幕樂十曰多昏十有一曰索鬼神十有二曰除盜賊今古釋字去上聲幾讀同

音首殺去聲幕作濤索音色○此以下又以明安擾之意也案猶保也散利給以種食薄征減其租稅緩刑以歲囚犯法者多弛力以民饑堪役者少舍山澤之禁以同民利去道里之譴以便民移吉禮則損而不過凶禮則抑而不伸幕樂令閉而不作多昏令合而不離索祭鬼神以祈民麻除去盜賊以遏民害凡此皆以保案之使不流散也○疏曰弛力謂息其役均人職曹年則公旬用三日中年則公旬用二日無年則公旬用一日是也去歲謂免其稅司關職國凶札則無門關之征計幾是也東萊呂氏曰成周大司徒以荒政十有二聚萬民當時以三十年之通制國川有九年之蓄遇歲不登天下各有廩藏賑發濟民而已王政既衰秦飢乞糴於晉魯飢乞糴於齊九年之制已壞其後如魏李愷平糴曹年錢收四出賑飢亦三代後之良策也漢武詔移江南下巴蜀之粟致之江陵唐西都不登幸東都至有逐糧天子之名蓋移民移粟之所謂苟術而漢以來又謂之善政矣漢耿壽昌為常平倉其後或置或罷至宋乃為定制仁宗時韓魏公又請罷常平官之出募人承佃為農惠余慶曆嘉祐承之自常平廣惠變而為青苗百

姓遂不聊生元祐間舊制雖復章惇繼之又壞論荒政者不可不
詳攷也愚按司關賦國凶札則無門閭之征猶養而此云去幾何
也蓋幾不止門閭如掌節凡通達於天下者必有節無節者有幾
之類其事非一凶札時門閭雖猶幾其餘則禁防蓋疎矣或曰饑
而不征饑饉以保息六養萬民一曰慈幼二曰養老三曰振窮四
猶不饑也

曰恤貧五曰寬疾六曰安富

保安息休也慈幼註謂如產子三人與之母二人與之儼之類是也養老

如七十者賜粟八十以上者賜帛之類是也窮於遇而無告者振而救之如王制四民皆有常儼是也貧於財而無養者恤而給之如孟子補不足助不給是也疾者寬之不以力役相加富者安之不以暴政相擾凡此皆以休養之使不困苦也○丘氏曰救荒之政如取瘠保息之政如調理潛溪鄧氏曰於此見先王之制欲萬民各得其所後世虐斂獨者不足言卽以勸富強爲政去教意遠矣平仲王氏曰按產子三人與母二人與儼註借以釋慈幼之意非先王之政也月令季春安萌芽養幼少存諸孤王政之可見者是矣以本俗六安萬民一曰媿宮室二曰族墳墓三曰聯兄弟四

曰聯師儒五曰聯朋友六曰同衣服

媿美同○本俗者民俗不離其本也媿註謂約穆也堅也

族之言類生相近死相迥也聯兄弟猶言兄弟既翁或曰兄弟謂昏姻也師儒朋友見大宰九兩疏謂同師曰朋同志曰友也同衣服給言無異川也蓋首官室終衣服以守其分墳墓若兄弟以篤其情師儒若朋友以厚其義凡此皆以安固之使不浮蕩也○鄒氏曰保息本俗於八統九兩其事不同何也曰生民有道大宰執之為民治司徒掌之為民教也八統九兩振其蒙覆并包乎保息本俗則惇仁正月之吉始和布教於邦國都鄙乃縣教象之法而率育之也

於象魏使萬民觀教象挾日而敏之音見天官冢宰○此總言教典之和布於始而因首言其

布教於萬民也教即教象乃施教法於邦國都鄙使之各以教其之法五物十二教之屬

所治民此承上文而言其布教於邦國都鄙也言教其所治民而不及百官者冢宰主治百官而司徒主教萬民也云各以

教者諸侯教邦國鄭大夫教都鄙皆各率屬以教之矣令五家為比使之相保五比為閭使

之相愛四閭為族使之相葬五族為黨使之相救五黨為州使之

相闢五州為鄉使之相賓今平聲比音避闕音周○此承上文而首即六鄉以明教之意也比猶次也近

也保任受容也比相近則情相任間相侶則誼相容族相聚則變相助黨相合則惠相親州相處則安相濟邦相向則義相禮不言六達者大小司徒之職統言之則總掌天下而偏言之則其掌六卿猶遂官之掌六達也○鄧氏曰布法施教首比閭族黨州鄉何也教自下起也家和而鄉治鄉和而國治國和而天下治始聯而比之既協而和之王治之大教也故保受非救贖貧滿之仁庫之義導之禮樂頒職事十有二於邦國都鄙使以登萬民一曰稼穡而要於化也

二曰樹藝三曰作材四曰阜蕃五曰飭材六曰通材七曰化材八

曰斂材九曰生材十曰學藝十有一曰世事十有二曰服事此又即邦

國都鄙以明教之事也終成也九以上與大宰九職相表裏學藝謂講習道藝如禮樂射御書數之類世事謂世守術業如農圃醫卜祝史之類服事謂服勤公事如府史胥徒之類教先以十二職者有職事而後有德行正德與厚生相因也○疏曰九職大宰既掌之司徒又頒之者大宰總知其事司以鄉三物教萬民而賓與徒是主民之官親自頒行義各有當也

之一曰六德知仁聖義忠和二曰六行孝友睦婣任恤三曰六藝

樂射御書數

知行並去聲射音因○此卽鄉三物以明教之本也

之而統之則司徒也。蘇於心曰。德知以明之仁。以體之聖。以通之義。以宜之忠。以盡之和。以平之是也。體於身曰行。孝於父母。友於兄弟。睦於宗族。綢於姻黨。任於朋友。恤於貧窮。是也。見於事曰藝。五禮六樂五射五御六書九數是也。詳見保氏。以鄉八

刑糾萬民。一曰不孝之刑。二曰不睦之刑。三曰不姻之刑。四曰不

弟之刑。五曰不任之刑。六曰不恤之刑。七曰造言之刑。八曰亂民

之刑。

此又卽鄉八刑以申六行之意也。不弟卽不友也。疏謂上言

言卽王制言爲而辨以疑衆之類。亂民卽王制亂名敗作亂政之

作。教刑是也。非刑也。其附刑者。鄉之十矣。疏曰。六德六藝不設刑

獨六行設刑者。按師氏保氏德藝在身而巳。行施於人。故刑以防

之。造言亂民爲害非淺。故六行外加二刑也。平仲王氏曰。六德

無刑。聖王不以甚美者強民也。六藝則其末也。六行不備。斯刑之

矣。柯氏曰。刑以彌教。其依禮而立者。與六行之教內則曲禮少儀

之屬也。教之不從。然後以刑一之。古者制刑必徵於禮。行法者以

禮議刑是謂表裏之義也愚按成德隱而難見制行顯而可知六
行即六德之緒餘見於外者故八刑不及德也藝則五禮六樂下
文更申而教之射御以下亦漸俟之耳以五禮防萬民之僞而教之中以六樂防萬

民之情而教之和

此又即五禮六樂以申六藝之意也五禮吉用

也大禮與天地同節故以飭其詐僞使行得其中大樂與天地同
和故以消其情欲使心一於和○何氏曰六藝之教禮樂在其中
矣此又重言之者教民莫大於禮樂故也魏氏曰僞者外有所為
喪其真者也情者中有所感離其性者也禮所以節其僞使不偏
樂所以養其情使不淫也愚按上文自習其藝而言凡萬民之不
也此教之中和則即以全其德而藝成與德成合矣

服教而有獄訟者與有地治者聽而斷之其附於刑者歸於士服

教通指十二教以下而言成罪曰獄告爭曰聽有地治者謂鄉遂

師鄉遂大夫之屬鄉官也士謂士師之屬獄官也附屬也鄉八刑

為教刑附於刑者為官刑與者獄官與之鄉有鄉祀五帝奉牛牲

官歸之也此又總言以結之亦鄉八刑之意也

祀五帝奉牛牲羞其肆享先王亦如之肆先鄭如字註讀作士喪禮四影之聲亦
作肆讀文也今按先鄭音是○奉謂奉牲

以前也。若進也。亦將也。肆之言陳。卽詩或肆或將之肆。謂陳師於
也。始告殺率以奉之。繼陳全烝若豚解之屬。皆羞以將之也。此
以下言聯職之事。此見天官。徐官並放之。○疏曰。肆先鄭云。陳骨
體也。蓋以肆爲四音讀之。謂陳牲體於俎上。卽折節爲二十一體
是也。後鄭云。肆解骨體也。蓋以肆爲摘音讀之。謂解爲七體。卽士
喪禮四鬯夫蹄殊肩解是也。按禮運其俎。謂解而解之。其肆明
殺謂體解而解之。祭先豚解後體解。此率牲以奉卽蓋其肆明
豚解也。又按國語。禘郊有全烝則先全烝。後豚解。若其餘宗廟無
全烝則先豚解。後體解。故云爾也。愚按本經及詩義並當如先鄭
作肆陳之肆。但所陳該全烝體薦之屬。不得專以爲陳骨體耳。若
如註轉肆爲鬯。無論其說已曲。卽祀五帝。大賓客。令野修道委積
享先王之全烝。不反漏乎。餘見夏官小司。徒達人分。大喪帥六鄉之
令。平聲。委積。並去聲。○修治也。大小司徒達人分。大喪帥六鄉之
令之。而達師野廬氏。巡比之也。委積。令道人。也。大喪帥六鄉之

衆庶。歸其六引而治其政令。大軍旅。大田役。以旗致萬民而治其
徒庶之政令。若國有大故。則致萬民於王門。令無節者不行於天
下。爲首視。○屬繫也。引謂引柩之索也。帛盡熊虎曰旗。致猶司馬
致民之致。致之旗下。而後致於司馬。若司空也。治政令猶達人

掌其政治禁令大故謂因寇戎而致喪失也。致民王門以衛國也。無節不行以防奸也。凡言帥者即致凡言致者不帥。○疏曰六卿主六引六遂主六統在相曰統見親體也行道曰引見用力也。仲王氏曰大軍大田皆司馬事而致民屬之司徒何也。聖王之世無兵事也。自未致以前徒衆皆民其保息本俗而賓興之皆教軍田既竣仍隸之司徒聖世無兵事也。大荒大札則令邦國移民通財舍禁弛力薄征緩刑。令平聲舍古釋字。○大札就有餘通財通有餘以助不足也。歲終則令教官正治而致事正歲令於教官曰各供爾職修乃事以聽王命其有不正則國有常刑。教官通謂教魏氏曰治官之屬大宰不自令小宰令之若五官則自必令之也。此又言考教頒教於官府也。說並見天官。○王氏曰地官主土與民故以土地之屬人民之數爲大綱土會以知地生物宜土均以平土土圭以分土皆治地之法也。十二職以植民生本俗以安之保息以養之荒政以聚之十二教以達民性三物以興之八刑以糾之皆治民之法也。地以博厚爲德易君子以厚德載物則禮地官庠序田里卒伍市廛虞衡之制皆寬裕廣博不使一夫之不獲非後世所及也。或問朱子曰司徒教數五教而地官言教者甚畧

言山林陵麓之事却甚詳何也曰也須是教他自取食有衣煮五
方之民各得其方去教他若不恁地教如何施但見其中潛
教也不畧自鄉大夫以下各教以德行道藝而書考之如族師
書其孝弟睦姻問省書其敬敏任恤凡屬民讀法之類皆是

小司徒之職掌建邦之教法以稽國中及四郊都鄙之夫家凡比

之數以辨其貴賤老幼廢疾凡征役之施舍與其祭祀飲食喪紀

之禁令

比音彼下並同○此序小司徒中大夫二人之職也稽攷

也國中四郊謂六鄉六遂猶秋官掌國中而各掌其鄉掌

四郊而各掌其遂也都鄙謂都家縣鄙猶秋官掌野而各掌其縣

掌都家而各掌其方也不言邦國者侯國土之下文大比則受邦

國之比要矣人家猶言男女比校也林氏謂校其任九職之數也

貴謂列爵於朝賤謂服職於下老幼則力穀廢疾則體壞祭祀飲

食共其施見鄉大夫以五蓋稽九比之數以收法而辨其征役之

施合者法外之仁辨其祭祀飲食喪紀之禁令者法中之禮此猶

大司徒之總掌天下也○疏曰九比先鄉謂九夫為井而後鄉謂

出九賦之人數者以國中及四郊並為溝洫無非田之法也鄭解

諸文皆以貴為鄉大夫賤為士獨此以賤為占會販賣者以其解

大宰九賦中幣餘之賦實為此解也愚按井制通乎天下而賦末

亦明言致鄉鄰之夫屋先鄭之說本不盡失但不如林氏以九比爲九職之民其義尤該耳如註所說則愚於大宰九賦已辨其失矣况又謬以解本職之九比哉賤者謂庶人在官卽鄉大夫職所謂服公事者註說亦非也乃頒比法於六鄉

之大夫使各登其鄉之衆寡六畜車輦辨其物以歲時入其數以

施政教行徵令及三年則大比大比則受邦國之比要

此法卽九比之法登

之言載載於下而稽於上也衆寡謂民數物猶類也三者各爲一類也施政教謂課農桑行射鄉之類行徵令謂簡兵器起徒役之類此猶大司徒之專令六鄉也大比謂大閱民物之數比要民物之簿書也詳見天官司書言邦國不言都鄙約舉之詞大比六鄉四郊見職末此又卽天下民物之數而總之也○明齋王氏曰其詳藏於侯國其總數則登於天府王國歲時入其數侯國三年入其要者國內乃會萬民之卒伍而用之五人爲伍五伍爲兩四兩

爲卒五卒爲旅五旅爲師五師爲軍以起軍旅以作田役以此追

胥以令貢賦

會音怪職內同胥如字令平聲○會計也若則爲比則族黨州鄉出則爲伍兩卒旅師軍辨卒伍者約詞

也。追逋，胥伺也。軍旅以討罪，田獵以閱衆，役作以興事，追胥以禦
寇，貢賦以輸公。此承上言制軍任用之數，蓋言六鄉而六遂亦如
之。乃均土地以稽人民，而周知其數。上地家七人，可任也者，家三
人中地家六人，可任也者，二家五人，下地家五人，可任也者，家二
人，均平周徧任用也。凡一家受田百畝，七口以上，授以上地，其可
授以下地，可用者每家三人，六口授以中地，可用者二家共五人，五口以下
六鄉而言也。○註曰：有夫有婦，然後爲家。自二人至於十爲九等，
耕五六七者，舉中以該上下也。其可任者，每家六婦，比起徒役，毋
女及男子之老弱，數當過半，故其三等大數如此。比起徒役，毋
過家一人，以其餘爲族。惟田與追胥，竭作凡用衆庶，則掌其政教
與其戒禁，聽其辭訟，施其賞罰，誅其犯命者，凡國之大事，致民大
故致餘子。○註：盡也。作，猶起也。凡起役作，每家惟用一人爲正卒，餘
皆羨卒，不用其盡用者，惟閱衆與禦寇而已。凡用衆庶，
總上文之詞，政教以率之，戒禁以飭之，聽辭訟以辨之，施賞罰以
督之，誅犯命者以警之也。凡國之大事，謂其常大故，謂其變，卿大

夫之衆于日餘子致之者今之守衛王宮猶追胥場作之意也此
 又承上申言用之之法亦專自六鄉而言也○疏曰此謂六鄉之
 內以上中下劑致賦一人爲正卒其餘皆爲羨若六遂雖受上地
 中地惟以下劑致賦一正卒一羨卒而已饒遠故也後鄭章氏曰
 司徒可任者如此其美司馬法出土與徒如彼其少蓋古人兵不
 盡用司徒所任者非實數也後世反此晉作州兵魯作丘甲齊臨
 淄七萬戶戶三男卒以二十一萬曹操謂崔琰按戶可得三十萬
 宋是皆實數調發惟孔明治蜀兵籍十二萬用人萬番四萬爲更
 代庶得尉官之意也葉氏曰天子大軍大國三軍次國二軍小國
 一軍此制軍之等也萬二千五百家爲鄉一軍之數亦萬二千五
 百人家起一人爲軍則六鄉爲六軍六遂亦如之合六鄉六遂可
 十二軍而僅制爲六軍可見先王不盡民力也莊渠魏氏曰土地
 之闕人民之數皆大司徒所建然大司徒所掌詳於土地之闕事
 大而簡小司徒所掌詳於人民之數事細而煩也愚按周家授田
 之制貴與馬氏謂有三等不同以大司徒遂人則田肥者少授瘠
 者多授小司徒則口衆者授肥寡者授瘠孟子王制則家以百畝
 爲率而上農食冬下農食少也今致家率百畝田之肥少瘠多凡
 以合乎百畝而已口之衆肥寡瘠則人與地相宜食與口足給即
 孟子王制之意也乃經土地而井牧其田野九夫爲井四井爲邑
 然則三者亦一也

田爲丘四丘爲甸四甸爲縣四縣爲都以任地事而令貢賦凡

貢賦之事

此又言經地定賦之大綱亦言六鄉而六遂及縣鄙都

家並如之也井牧司農謂春秋傳井沃衍牧隰隰之井牧也地不皆井若牧隰井若牧以例庶土又稱九夫爲井以下舉井以例牧也野卽帶國經野及令田野之財用之野散文之通稱也井方一里田九百畝書爲九區八夫耕其旁之八區其中區爲公田八夫助耕之稱九夫者舉九區形制而言在都鄙之屬則有公田而合作均收在鄉遂則無公田九區皆授民令貢其什一而已故稱九夫也自邑至都凡一千零二十四井通計九千二百一十六夫蓋以六者計數任賦非以六者畫形制井觀遂師所謂經牧其田野周知其數而任之者可見其必皆以四計者凡賦稅以軍賦爲重四丘所出適符乘馬之數其十二牛之數亦三其四而一丘所出之一馬三牛其數亦四故因以起數也地事謂九職農圃山澤之屬貢賦以下通謂八貢九賦之屬若有故則軍賦也不詳井制見遂人○林氏曰周時皆用井田凡井田皆用徹法孟子言鄉田同井是鄉皆用井也有若告魯哀公以行徹是邦國井皆用徹也九夫爲井井九百畝井必皆平土皆上地也按左傳楚爲掩爲司馬子木使庀賦乃書土地之數度山林鳩數澤游京陵表淳南數疆浚規假濞町原防牧隰隰井衍沃蓋山林之地九夫爲

度九度當一井。畿澤之地九夫爲鳩。八鳩當一井。京陵之地九夫
 爲辨。七辨當一井。淳鹵之地九夫爲表。六表當一井。鹹鹵之地九
 夫爲數。五數當一井。隈瀦之地九夫爲規。四規當一井。原防之地
 九夫爲町。三町當一井。隱皐之地九夫爲牧。二牧當一井。衍沃之
 地則九夫爲井矣。因地之所寓而爲之計度可以知井田之數也。
 或問朱子曰。小司徒井牧其田野。註謂采邑制井田異於鄉遂及
 公邑。重立國。小司徒爲經之匠人爲之溝洫也。四丘爲甸。方八里
 出田稅。四旁加一里不出稅。令治洫。故匠人云方十里爲成。成間
 有洫也。四甸爲縣。四縣爲都。方四十里。四都方八十里。出田稅。四
 旁加十里不出稅。令治澮。故匠人云方百里爲一同。同間有澮也。
 井田之法備於一同。而此止於都者。采地三等。食皆四之一。大都
 百里。實凡四都。小都五十里。實凡四縣。采邑二十五里。實凡四甸。
 皆入其一於王也。鄭註如此。不識旁加之說。是否。曰。如此方得與
 匠人數相合。然亦不見憑據處。今且大槩依他如此說耳。葉氏曰。
 經牧一也。小司徒言井邑。遂人言溝洫。非鄉遂異制也。井邑定田
 畝多少以出稅。故言四井四邑之屬。溝洫定水道大小以興利。故
 言十夫百夫之屬。鄉言井邑則遂之田賦如之。遂言溝洫則鄉之
 水利亦如之。互文以見義也。愚按以旁加合於匠人。朱子亦未之
 許。然葉諸說畧足破之矣。然其病總在不淺味其全義之離合而
 徒惑於一字之同異。故有是病也。夫遂人與匠人之職。其一言十

夫一言九夫似異而攷其制井地之法實同小司徒與匠人之職其皆言九夫似同而攷其出車賦之法與制井地之法實異則小司徒與匠人之不可合而鄭氏強爲之合猶遂人與匠人之不宜分而鄭氏強爲之分也今且歷以其膠分者言之攷司馬法夫三爲屋屋三爲井井方一里井十爲通通十爲成成方十里成十爲終終十爲同同方百里同十爲封封十爲畿畿方千里此通言王畿之地界也而井制則始於畝百爲夫至成十爲終而傳矣畝百爲夫夫三爲屋故遂人云夫間有遂遂上有徑也屋三爲井井九夫而遂人稱十夫包五溝五涂而言舉成數也故又云十夫有溝溝上有畛也井十爲通十井凡百夫故又云百夫有澮澮上有道也成十爲也通十爲成凡百井千夫故又云千夫有澮澮上有道也成十爲終凡千井萬夫故又云萬夫有川川上有路也井制至於終而五溝五涂皆備矣自此至於畿其井地溝涂之制皆如之故又總云以達於畿也而鄭註不審匠人成間有澮同間有澮爲繫舉之詞而謂匠人乃萬夫有澮九萬夫有澮是至百里猶有澮無川而與遂人五溝五涂之制備於成十爲終者乃大異也則豈所云以達於畿者乎一謬也據其說謂遂人之十夫有溝鄰遂之制而匠人之九夫爲井都鄙之制也夫鄉遂與都鄙第有公田無公田爲異而井制則一矣溝澮之屬凡以備旱潦也朱子答子約謂鄉遂與都鄙其制只是一般夾添鄭氏薛氏馬氏陳氏凌儀王氏皆言之

矣乃以遂人之百夫有澮千夫有澮而率謂匠人乃萬夫有澮九萬夫有澮則又豈鄉遂與都鄙其天時地利亦有異乎尤一謬也且三等公邑介於三等采地尤非鄉遂比若爲二法則其後有以公邑封賜如封鄭邑秦賜溫原之屬者將遂盡敗經界而與之乎抑否乎尤一謬也就令無封賜而三等井田中通間以三等溝澮豈成經界乎尤一謬也因謬分遂致謬合謂此小司徒與匠人皆言九夫爲井也然九夫爲井以下其甸都之數與匠人成同之數全不合遂率謂甸都之四旁諸夫令不出稅而治澮若澮故有減於成同之數也抑思一甸之六十四井視一成之百井既闕其數十之三有奇矣而大都之四千零九十五井視一同之萬井且幾闕其數十之九也是尙可率以合之乎尤一謬也夫匠人爲溝澮制必經久後則修治之耳以六十四井之田而歲免其四旁三十六井之田以治澮固已異矣况積至大都以四千九十六井之田而歲免其五千九百零四井之田以治其澮若澮此豈理之所可通乎尤一謬也按五溝廣以丈尺計五涂亦如之遂徑溝畛其地才居一井中百分之一即十井之澮涂百井之澮道千井之川路其地似廣而散之各井要亦無多不過每十夫包以一大而足矣以司馬法及李悝之教推之所謂去地三之一者乃通謂山林川澤及城邑塗巷之屬也若一澮一澮遞去地三之一而又以山澤城邑塗巷去其三分之一則爲澮地也何幾而況井地之不易一易再易

又有井二井三井之地而爲一井者哉。尤一謬也。且井制傳於一終司馬法一終長百里廣十里以方言之則長廣三十一里有奇也。乃謂制備於一同之百里則勝地方五十里而孟子何以勸行井田。卽裁長補短爲之而滑川制且不備亦何以正經界乎。尤一謬也。然則註謬至是當尋其義而不當徇其形亦明矣。今因葉氏之說綜攷地官之屬大司徒之五家爲比遂人之五家爲鄰皆以五起數者此言鄉若遂邑居之制也。小司徒之五人爲伍以五起數者此則言其軍伍之制也。其四丘爲甸以四起數者此通言鄉遂達於都鄙田賦之制也。遂人之十夫有溝舉十之成數以起數匠人之九夫爲井舉九之本數以起數者此通言鄉遂達於都鄙井田之制而一詳言其近一約言其廣也。各義之著如此卽欲率爲分合殆不得矣。蓋井邑丘甸縣都用其名以知其數猶今稱都爲里甲之屬不得臆爲采邑之井制且本職經土地而井牧其田野之屬與遂師經牧其田野一條義正相配而縣師總掌郊里甸縣都鄙田賦凡公邑之域皆以是丘甸之法徵其軍賦又安得專爲采邑之井制而盡失聖經之本義哉。餘詳遂人匠人稍人大司馬乃分地域而辨其守施其職而平其政之屬也。地域通謂國中及四郊都鄙之域守職猶言地守地職政猶言凡小祭祀奉牛地貢凡此皆大司徒總制之而小司徒專理之也。

牲彘其肆小賓客令野修道委積

此以下並與大司徒同而大小異也

大軍旅帥其

聚庶小軍旅巡役治其政令大喪帥邦役治其政教

巡當作田文誤也大司徒

大軍旅田役治其徒庶之政令此則大者第帥之治其小者而已六鄉為邦役小司徒帥之若六遂為野役遂人帥之也凡建

邦國立其社稷正其畿疆之封

此見大司徒職此蓋贊之也

凡民訟以地比正之

地訟以圖正之

正平也謂民俗之紛爭以地之比隣平之地土之淆亂以地之圖籍平之即小宰八成所謂比居版

圖也歲終則攷其屬官之治成而誅賞令羣吏正要會而致事正歲

則帥其屬而觀教象之法徇以木鐸曰不用法者國有常刑令羣

吏憲禁令修法糾職以待邦治

羣吏即謂屬官之羣吏也修法防虧廢也糾職防緩散也待邦治者

猶小宰待乃事大司徒待取令也

及大比六鄉四郊之吏平教治正政事攷夫屋

及其聚寡六畜兵器以待政令

吏謂比長都長以上教治如飲射讀法之類政事如師田行役之類

夫屋註謂司馬法夫三爲屋也餘見下天官小宰及大司徒○莊渠
魏氏曰教治之優劣政事之得失九等之民有勤惰五畝之宅有
修廢百畝之田有荒熟及戶口有聚寡六畜有登耗器械有備乏
皆閭計爲比要國家有事則用之也平仲王氏曰按司徒掌教典
以擾民而教未有不先養者食哉惟時爲咨牧首務大司徒之職
教養均小司徒佐之尤詳於養王道彰明較著也魏氏之徒以稽
國中及四郊都鄙之夫家九比之數皆
小司空文而謂此職當有圖文非也

鄉師之職各掌其所治鄉之教而聽其治

所治之治平聲○此序鄉師下大夫四人之職

而先約舉之也凡鄉官皆言教治與政令而本職多言政令不詳
教治者鄉大夫以下教而治之鄉師專聽之而已鄉有六而鄉師
四人各掌之者傳謂以國比之法以時稽其夫家衆寡辨其老幼
每二人合掌三鄉也
賁賤廢疾馬牛之物辨其可任者與其施舍者掌其戒令糾禁聽
其獄訟國比之法卽九比之法頒於六鄉者義見小司徒此又辨夫家馬牛之物以詳之也大役則帥民徒
而至治其政令既役則受州里之役要以攷司空之辟以逆其役

事治平聲陸音璧○大役謂若築城郭作隄防之類帥而至者受
於州長而致於司空也役要謂遣役之本數里猶閭也辟法程
也司空主役故將本數攷其凡邦事令作秩叙之事通大小而言
功程以鈎攷之令無濫失也凡邦事謂凡營作
也令者魏氏謂令鄉吏也秩廩
秩也叙功叙也詳見天官宮伯
大祭祀羞牛牲其茅菹菹音租○
於司徒也茅菹以藉酒詳
見甸師易藉用白茅是也
大軍旅會同正治其徒役與其輦輦
其犯命者大喪用役則帥其民而至遂治之及葬執蘇以與匠師
御隱而治役及窆執斧以泣匠師
葉音菊蘇桃報反註作翻音桃
其所出及所任也駕馬曰輦人挽曰輦輦註作翻者有葆幢謂之
輦執以待柩而導役雜記匠人執輦以御柩是也定下棺也執斧
亦助其用也家人執斧以泣是也一云示威也匠師司空官名猶
司徒鄉師宗伯肆師之類其職主歸隱若定禮天子定用四碑前
後各一碑皆重轆轤繫緯兩畔各一碑皆卑轆轤繫緯以千人凡
背碑負緯擊鼓以節縱舍而匠師主之故鄉師執斧以臨之也凡
四時之田前期出田法於州里簡其鼓鐸旗物兵器修其卒伍及

期以司徒之大旗致衆庶而陳之以旗物辨鄉邑而治其政令刑

禁巡其前後之屯而戮其犯命者斷其爭禽之訟

四時之田大司馬春蒐夏苗秋

獮冬狩也出出示也簡選也兵以鼓進以金退以旗物指揮以兵器擊刺故選之也修治也稱卒伍約舉之也致以大旗則熊虎之

旗辨以旗物則各從其旗旗之類

凡四時之徵令有常者以木鐸

徇於市朝

朝音潮○鄉官屬民讀法及田役之類常徵也令修封疆戒容止之類常令也徇市以令民庶徇朝以令官府

以歲時巡國及野而賙萬民之難阨以王命施惠

國及野通鄉遂

而言也司教歲時有天患民病以節巡國中郊野而以王命施惠

遣人掌鄉里之委積以恤民之難阨二職蓋相表裏矣鄉師兼掌

遂者以鄉統遂且委積居其間也○疏曰凡言歲時皆是四時惟

此歲時巡國及野註謂隨其事之時者以職則萬民之難阨故也

歲終則攷六鄉之治以詔廢置正歲稽其鄉器比其吉凶二服閭

其祭器族其喪器縣其射器州其賓器鄉其吉凶禮樂之器若國

大比則攷教察辭。稽器展事。以詔誅賞。

詔者告冢宰若王也。鄉器即下文各服審也。註曰吉

服祭之服。凶服弔之服。祭器簋簠簠豆之屬。喪器夷槃素俎。楊豆

之屬。此數者。比長閭胥族師主集爲之。以其爲民所相供也。射器

弓矢。楅中之屬。賓審尊俎之屬。此二者。燕正州長主集爲之。以其

爲州長之習射。鄉大夫之賓賢供也。吉曰禮樂統上文而言。鄉大

夫主集爲之。以其下或有故不供也。展之言省。

攷其從違。察其誠僞。稽其良莠。省其修廢也。

鄉老之職。

此序鄉老二鄉則公一人之職。而今闕也。或疑周禮立六官不載三公之職。殆未可謂之闕。然官名鄉老而列

於序官。則職宜序矣。鄉大夫職稱鄉老及鄉大夫之

屬。禮賓賢能。其職互見。而本職不及也。蓋闕文與。

鄉大夫之職。各掌其鄉之政教禁令。

此序鄉大夫每鄉鄉一人之職。而先總舉之也。政與教解

並見下禁令。

正月之吉。受教法於司徒。退而頒之於其鄉吏。使各

以教其所治。以攷其德行。察其道藝。

教法謂十二教以下之法。鄉吏謂其屬州長以下。德行即

六德六行。道藝即六藝也。此言教也。○鄭氏曰。德與行並言。欲內

外兼舉。道與藝並言。欲精粗一貫也。教化爲賓與本。故先攷之。察

之愚按鄉大夫受教法以頒其屬者為正月之吉則大司徒之和布教法縣而使觀則頒而使教者明皆正月之吉無疑也而舊以正月和布為建子之月乃縣教象正歲觀象法為建寅之月可乎觀象亦建子之月但月內觀之而非必月吉觀之故稱正歲而不稱正月以歲時登其夫家之眾寡辨其可任者國中自七尺以及之吉耳

六十野自六尺以及六十有五皆征之其舍者國中貴者賢者能

者服公事者老者疾者皆舍以歲時入其書

小司徒頒法兼畜養此不言者省文也國

中司六鄉之屬野謂六遂之屬七尺謂年二十六尺謂年十五國中與征早舍以地近而役多野早征晚舍以力遠而役少鄉大夫掌鄉而兼及野者罔言之耳緣貴賢能勞之屬國中為多故又表以國中書必歲時入者凡貴賤至老疾數莫定也此言政也○黃氏曰國中橫渠謂鄉門以內通為國孟子云臣聞鄉三年則大

謂之內是也政令皆自鄉出故鄉官多兼野法言之

比攷其德行道藝而興賢者能者鄉老及鄉大夫帥其吏與其眾

以禮禮賓之厥明鄉老及鄉大夫羣吏獻賢能之書於王王再

拜受之登於天府內史貳之退而以鄉射之禮五物詢眾庶一曰
和二曰容三曰主皮四曰和容五曰興舞此謂使民興賢出使長

之使民興能入使治之

長上聲○興賢能猶所謂舉賢良茂才言

定數之詞禮賓之者以鄉飲之禮寵為賓也天府之寶藏之府內
史掌策命之官書其職者將以詔王爵祿也退猶歸也物猶事也
詢謀也既獻於王即合民於鄉射詢以五事而儲材以待舉也此
謂以下總承上文德足長民使升為朝官才足治事使居為鄉吏
也此又申言教也○朱子語類問周禮德行道藝道字當如何解
曰舊嘗思之未甚曉者來道字只是曉得那道理而已大而天地
萬物之理以至古今治亂興亡之事變聖賢之典策凡一事一物
之理皆曉得所以然謂之道且如禮樂射御書數禮樂之文却是
祝史所享至其理如所謂天高地地下萬物散殊而禮制行流而不
息合同而化而樂興焉須是知道者方知得德是有德行是有行
藝是有藝道是却得那德行藝之理註謂德行是賢道藝是能蓋
曉得許多事物之理所以屬能也後漢王氏曰儀禮鄉飲酒禮主
人就先生而謀賓介主人謂鄉大夫也先生鄉中致仕者賓介處
士之賢者古者致仕大夫名曰父師士名曰少師常知鄉人之賢

者是以鄉大夫貢士於王就而謀之賢者爲賓其次爲介又其次爲賓賓而與之飲以興之欲民之見化知尚賢尊長也葉氏曰周人重農而實不以農待農六鄉六遂皆農也鄉大夫大比賓興遂大夫大比興昨居則聯夫家之數出則預闔族之書故民數殺數必拜受而藏於天府受賢能之書亦如之井田之行不惟兵農不分士農亦不分此爲良法也丘氏曰周家作成人材之法何詳且伯也五家爲比比有長始爲之勸和親禁奇袤猶未有可書也五比之閭師乃書其教敏任恤然六行中可書者二而已四閭之族師乃書其孝令睦姻六行中可書者又凡四至五族之黨正乃全書其德行道藝矣然猶未攷之也五黨之州長從而攷之猶未實與之也五州之鄉大夫始實興之至其明日則進書天府而內史又書之矣自是又論其秀升於司徒曰選士司徒又論其秀而升之學曰俊士皆造之而免其征徭猶未也大樂正又論造士之秀者升諸司馬曰進士司馬又辨論官材論其賢者以告於王而定其論論定然後官之任官然後爵之位定然後祿之其詳慎如此凡以官爵皆天位天祿不敢輕以授人也註曰和載四德容包六行也主皮和容典舞則六藝之射與體樂與當射之時民必觀焉因詢之孔子射於矍相之圃觀者如堵墻使子路嘗射及公罔之裘序點揚觴而語是也愚按註說射之五物甚大但此在與賢能之後方思合民儲材恐未合遽繩以備德耳攷馬融論語射不主

皮註云射有五善一曰和志二曰和容三曰主皮四曰和頌五曰
與舞蓋專以射淺言之也首和卽和志言其平心志也次容卽和
容言其正威儀也三主皮言其審正體也四和容卽和頌古頌容
通言其比音節也五與舞言其中舞蹈也易氏謂五物爲德之發
見乎射者意亦如此其說似爲得之歲終則令六鄉之吏皆會政致事正歲令羣吏

攷法於司徒以退各慝之於其所治

政事必會而致之分言者互文也法卽教法也鄉大夫於

正月之吉受於司徒此頒之使攷其法

是亦攷法於司徒也此兼申政與教也國大詢於衆庶則各帥其

鄉之衆寡而致於朝國有大故則令民各守其閭以待政令以旌

節輔令則達之

朝音潮○朝謂外朝也小司寇掌外朝之政以致萬民而詢焉故於此致之也令謂徵令文書也惟

以道路之節傳之乃達卽大司徒

無節者不得行也此又申言政也

州長各掌其州之教治政令之法

此序州長每州中大夫一人之職而總舉之也教言治政言令

也互文正月之吉各屬其州之民而讀法以攷其德行道藝而勸之

以糾其過惡而戒之若以歲時祭祀州社則屬其民而讀法亦如

之春秋以禮會民而射於州序屬音燭凡屬民之屬放此○屬謂合聚讀謂讀法謂教法戒以威

訓勸以賓興社即司徒所立之社歲時謂春秋報如者如其勸戒也序學名會亦聚也射者習藝且觀德也此皆言教也○陳君

舉曰春正州長讀法則五黨之民咸在州而黨正亦復讀之四孟

黨正讀法則五族之民咸在黨而族師復月讀之一日之間既於

州又於黨又於族不知當時何以分別耶王與之曰春正州長讀

於州次而黨正想除春正就讀於此其三孟則讀於黨又次而族

師想除四孟就讀於此比州之大祭祀大喪皆蒞其事若國作民

其餘八月則讀於族也

而師田行役之事則帥而致之掌其戒令與其實罰州之大祭祀如社稷之祭

或州境之山川古蹟也大喪謂鄉老鄉大夫之喪蒞臨也致者致於鄉師而因以致司徒也此言政也歲終則會其

州之政令正歲則讀教法如初三年大比則大攷州里以贊鄉大

夫廢興正月之吉讀法正歲又讀者歲始申嚴之也繼歲終而言不數正月之吉而數正歲者凡歲終與正歲多連文言正

周禮 卷三 手 寅清曉

月之吉則不該正歲言正歲則該正月之吉也不黨正歲正月之吉與正歲並放此廢興即卿大夫與賢能之興此兼言政與教也

黨正各掌其黨之政令教治

此序黨正每黨下大夫一人之職而總舉之也

及四時之孟

月吉日則屬民而讀邦法以糾戒之春秋祭禘亦如之國索鬼神而祭祀則以禮屬民而飲酒於序以正齒位壹命齒於鄉里再命

齒於父族三命而不齒

樂音誦索音色○及猶至也四孟謂周正之四孟言糾戒明不致勸也祭即祭法所

謂祭樂左傳日月星辰之神則雩雪風雨之不時於是祭之山川之神則水旱疫癘之不時於是祭之是也索鬼神謂蜡祭郊特牲季冬合聚萬物而索繫之是也正齒以序年正位以序爵一命爲下士猶以年與鄉里相次亦與庶人在官同祿之意也再命爲中士則惟與父族相次而鄉里不敢與齒矣三命爲上士雖父族亦不得齒故鄉飲之禮特於尊東立別席以爲侯而尊之也此言敬也○平仲王氏曰按通典周制月令建巳大雩五方上帝其壇名曰雩祭命樂正習盛樂舞皇舞春秋傳云龍見而雩卽此之春祭是也秋月祭雩禮以求雨稻人云其其雩飲司巫云帥巫而舞雩則此之秋祭祭是也禮記鄉飲酒義疏曰飲賓之禮一則鄉大

夫賓賢能而飲二則鄉大夫詢民習射而飲三則州長習射而飲四則黨正蜡祭而飲總皆謂之鄉飲酒鄉則三年始一飲鄉大夫為主州則一年春秋再飲州長為主黨則一年始一飲黨正為主主人朱子語類問黨正一命齒於鄉里再命齒於父族三命不齒據如此雖說鄉黨莫如齒到得爵尊後又不復序何也曰古人貴貴長長並行而不悖他雖說不序亦不相遜自別殿一位如人凡其黨之祭祀喪紀昏冠飲酒教其禮事掌其戒禁凡

作民而師田行役則以其法治其政事

冠去聲○此以下皆兼言教與政也法謂什伍鄉比

之法政事猶州長戒令賞罰之意蓋州長統帥之而黨正先聞治之也

歲終則會其黨政帥其吏而

致事正歲屬民讀法而書其德行道藝以歲時蒞校比及大比亦

如之

行此並去聲○其吏謂族師也上言四時之孟月則正歲在其中矣又言之者猶言州長正歲讀法之意也上言糾戒此

則言書其德行道藝者糾戒則孟月所同書乃春正月所獨也蒞亦臨也族師以邦比之法校夫家而此臨校之也

族師各掌其族之戒令政事

此序族師每族上士一人之職而總舉之也言政事不言教法者戒令中

亦有月吉則屬民而讀邦法書其孝弟睦姻有學者春秋祭酺亦

如之酺音步○月吉謂每月之吉有學謂六藝也不脩善德行道

也○疏曰按州長春秋習射燕正十月農功畢皆有飲酒之禮官

物爲之今族里故不得官物爲禮也禮器周族酺六尸曾子云周

禮其猶醴與鄭註合錢飲酒爲醴族酺相酌似之明堂禮乃命國

醴是也蓋以不得官酒故須合錢耳王氏曰古禮民不得羣飲故

漢文賜民大酺五日謂之特典此春秋祭以邦比之法帥四閭之

酺蓋社祭畢民得相飲因以書其行也

吏以時屬民而校登其族之夫家衆寡辨其貴賤老幼廢疾可任

者及其六畜車輦五家爲比十家爲聯五人爲伍十人爲聯四閭

爲族八閭爲聯使之相保相受刑罰慶賞相及相共以受邦職以

役國事以相葬埋比去聲○吏卽謂閭胥也聯合也邦法止五家

之二族爲聯猶二比爲聯之意也居則相保以守來則相受以容

刑罰則相及以黨慶賞則相共以勸羣居樂業以受邦職遇事勸

功以役國事。通力均財以相葬埋。此皆言戰而保受之屬亦教之也。○明齊王氏曰。邦比之法。問胥而下。由族師而定。黨正而上。族師而行。放於此。詳言此法。柯氏曰。治民之道。無序則體不行。不和則樂不興。先王以禮樂治天下。既等之以立序。又合之以導和。故師田行役之時。行伍以定。旗物以整。號令以行。而其間同力合作。令不煩而事畢。舉者以聯。素定故也。若作民而師田行役。則合其卒伍。簡其兵器。以鼓鐸旗物。帥而至。掌其治令。戒

禁刑罰。

卒伍欲聚。故合之。兵器欲精。故簡之。鼓鐸旗物。見鼓人及

鄉遂吏皆有責。然帥且治者。鄉則惟百家之族。師二千五百家之州長。以及於小司徒。遂則惟百家之鄉長。二千五百家之縣正。以及於遂人。而其間五百家之黨正。鄉師。萬二千五百家之閭胥。里宰。五家之師。僅治而不帥。至其鄉遂大夫。與二十五家之閭胥。里宰。五家之比長。隣長。又惟掌平時之教法。而不與其事。則何也。蓋自官吏言。有行。扞必有居守。而自民徒言。不互為。統則散。必通為。致則紛。故惟族師。鄉長。及其州長。縣正。帥而至。而餘第治之。或歲終。則會政。并不治也。帥治。始於族。鄉者。以百人之卒。於是成也。歲終。則會政。

致事。

見前。

閭師各掌其閭之徵令

此序閭胥每閭中士一人之職而統舉之也掌徵令謂主行閭師徵賦之政令猶里

宰待有司之政徵斂其財賦也不言教治者以歲時各數其閭之

以徵令爲重若讀法則因聚衆以行之而已

衆寡辨其施舍數上聲下如字○此言政也以上職師四閭之吏者推之不言六畜車禁亦省文

凡春秋

之祭祀役政喪紀之數聚衆庶既比則讀法書其徵斂任恤者比

事掌其比釁撻罰之事

釁音航○祭祀謂州社黨祭族祭之屬役政謂田役及州射黨飲之屬喪紀謂各喪

紀及族相葬埋之屬斂黃氏謂其事之有數者是也比校也德行

先以徵斂者斂則不懈斂則有功也六行不備者明任恤爲尤切

矣釁兇露也謂罰之以酒也撻則扑之而已無有聚衆而不教無

有善而不錄無有過而不懲此皆言教也○凌儀王氏曰學記家

有塾黨有庠衛有序國有學周禮二十五家爲閭同共一巷巷首

有門門邊有塾書傳云古者七十而致仕歸其鄉里大夫爲父師

士爲小師新穀已入餘子皆入學距冬至四十五日始出學平明

上老坐於右塾庶老坐於左塾餘子畢出然後皆歸父亦如之此

所謂家有塾也陳氏禮書曰閭胥屬民無常睦族屬以月吉與

春秋祭黨正屬以四孟之月吉與春秋祭州長屬以正月之吉與

春秋祭然後鄉大夫三年大比之以卑者其職煩尊者其事簡也由黨正而下有所謂有所費州長則有所讀無所書而有所攷鄉大夫則攷而與之無所讀故敏任樞易知者也故問師書之孝弟睦姻有學難知者也故族師書之德行則非特考弟之屬也道藝則非特有學也故黨正書之書止於黨正攷在州長與在鄉大夫卑者其責輕尊者其任重也凡此攷之有其術養之有其漸而其升在學也一年視離經辨志三年視敬業樂羣五年視博習親師七年視論學取友謂之小成九年知類通達遍立而不反謂之大成此又中年代校之法也大胥掌學士之版春合舞秋合聲頒次其所學而辨異之諸子掌國子之倅春合諸樂秋合諸射攷其藝而進退之此又比年攷校之法也學之攷校如此鄉之攷察又如彼掌非一人積非一日此人人莫不奮勵以趨上之所造者也

比長各掌其比之治五家相受相和親有舉奇袤則相及比去聲舉古罪比長各掌其比之治五家相受相和親有舉奇袤則相及

宇奇音雞袤斜同○此序比長五家下士一人之職也受者有故相寄托也奇袤猶惡也及猶今言連坐也相受則不相排擠相和親則不相乖爭凡以樂善也相及則不相容隱乃以徙於國中及懲惡也不言政教者罔胥以上主之此遵治之而已徙於國中及郊則從而受之若徙於他則爲之旌節而行之若無授無節則唯

國土內之

內納同○國土獄城也內置也自郊徙於國自國徙於

遠故也若無二者則非奸宄即盜賊矣故置國土加詰責焉皆樂
善懲惡之意也○梁氏曰比長職至卑也而鄉法必如此相受相
和親而善俗興有罪奇袤相及而邪道息無授無節必治而奸徒
無所藏也業以安生以遂非聖人慮周而慮當曷致是哉葉氏曰
先王使民各安其土而有相親相近之意是以司徒令民五家爲
比隣各相保受孟子云鄉田同井出人相友守望相助疾病相扶
持其即比長之相受以下而鄰長之相糾以下與亦以見成周時
井牧鄉隣無非安土敦仁之民也然比長隣長又有若徙於他則
從而授之之屬胡爲也蓋司空度地居民隣地邑民居必三相得
而生耗不齊必有不使其居者不從其徙將何所容漢人競徙寬
地者聽唐人自狹鄉徙寬鄉者亦聽皆此意也平仲王氏曰秦法
令民什伍而相收司連坐及舍人無驗者罪之論者謂其慘刻少
恩今比長奇袤相及且無節者納之國土不類是耶蓋王制所異
者此心耳一孤矢難以殺人堯舜以生人明道謂必有關雉麟趾
之意然後可行周官之法信夫莊渠魏氏曰天下之治必從其抵
故民制起於此閭族黨兵制起於伍兩卒族學校貢舉之制其起
於鄉舉里選亦如之苟治無根柢
而求太平是累層臺而弗爲基也

周禮卷之四

姜兆錫輯義

地官司徒序職下

封人掌設王之社壝爲畿封而樹之凡封國設其社稷之壝封其

四疆造都邑之封城者亦如之

此序封人中下士十二人之職也壝封卽大司徒制其畿疆而封溝

之設其社稷之壝而樹之田主是也封四疆謂國四面之封疆封城謂大都小都家邑之封城明壝封之制達於上下矣此正言封也

今社稷之職

謂將祭社稷令其下各供乃職也郊特牲云惟爲社事畢出里惟爲社田國人畢作惟爲社丘乘供

桑盤所以報本反始也凡祭祀飾其牛牲設其楅衡置其絛其

水粢歌舞牲及毛炮之豚凡喪紀賓客軍旅大盟則飾其牛牲

音楅

福絛糾同○飾使之潔楅衡若衡使之馴楅設於角以防觸衝設於鼻以繫繩絛卽繩也謂繩形如牙重也水以滌之桑以藉之也君牽牲入廟而歌舞之以告博碩肥腍也燔豚去其毛而炮之以備珍羞也喪紀有奠牛賓客有牢禮積膳牛軍旅有犒牛會盟有嚴

書牛皆宜潔故飾之此又因祭牲推之也○鄭氏曰社稷土穀神也。有德者配焉詩載是以春祈良耜以秋報而宗伯大災又爲之類祭以此蓋其神與天時相爲休咎與歲事相爲豐耗故設官掌其祀也。明齋王氏曰人君能得人和保其社稷然後鬼神享祭故以立社稷封疆之員而贊牲事者言孝在於能守土也。周公垂教之意深矣。愚按設王社不及稷者省文也。立社則稷從矣。大司徒先歲封而後社稷此先社稷而後歲封者從職所重也。

鼓人掌教六鼓四金之音聲以節聲樂以和軍旅以正田役

此序鼓人

中士六人之職而總舉之也教謂教鄉遂之民也樂勝則流故言節師克在和故言和事倫必廣故言正以下文推之聲樂蓋謂祭祀若金奏與互文也教爲鼓而辨其聲用以雷鼓鼓神祀以靈鼓鼓社祭以

路鼓鼓鬼享以鼗鼓鼓軍事以鞀鼓鼓役事以晉鼓鼓金奏

鼓音

音高○雷鼓之屬制未詳註曰雷鼓八面靈鼓六面路鼓四面鼗鼓以下皆兩面也鼗鼓長八尺鞀鼓長丈二尺晉鼓長六尺六寸雷言其奮發靈言其靈和路言其博大也鼗大也兵者固之大事故欲人緩緩也役戒勿亟故欲緩晉進也金奏樂乃作故欲進也

此以上六鼓也。○疏曰：大司樂靈鼓以祭澤中之方丘，而此以靈鼓鼓社祭者，但是天神，無問大小，皆用雷鼓，是地而皆靈鼓，人鬼皆路鼓，郊特牲云：社祭土神，地之道也，社是地之次祭，故舉社以表地而也。長樂陳氏曰：雷，天聲也；靈，地德也；路，人道也。鼓人救日月，則以雷鼓詔王鼓，亦天事故也；其氏攻猛獸，則以靈鼓，鼓之亦地事故也；司馬振旅，則王執路鼓，大僕則建路鼓於大寢門外，以達窮者與達令，亦人事事故也。愚按：金奏通謂祭饗射之屬，之所以用，以春官諸樂職推之，可見蓋祭祀等或不用樂，或樂非金奏，皆有所鼓，此則凡金奏作以金鈔和鼓，以金鐃節鼓，以金鏡止鼓，以而鼓之，故曰以節聲樂。以金鈔和鼓，以金鐃節鼓，以金鏡止鼓，以金鐃通鼓。鐃，音亮，鐃音濁，鐃音亮。○鐃，鐃于也，闕如錐頭，大上小下，鳴以和鼓，國語鳴以鐃于是也。鐃，鉦也，形如小鐃，鳴以節鼓，司馬職軍行鳴鐃是也。鐃，小鉦如鈴，無舌，有秉，鳴以止鼓，司馬職鳴鐃且卻是也。鐃，大鈴也，振以通鼓，司馬職司馬振鐃是也。此以上四金也。○陳氏樂書曰：六鼓四金，必掌以鼓人者，鼓為君也。鼓之有金，猶律之有呂，鐃聲淳，鐃聲濁，鐃聲高，鐃聲明，淳則陰與陽和，故以和鼓，濁則承陽而節之，故以節鼓，高則陰勝於陽，故退而止，明則陰與陽通，故作而通也。凡祭祀百物之神，鼓兵舞，收舞者，凡軍旅夜鼓，警軍動，則鼓其衆，田役亦如之。

輶音弗。輶音威。○百物之神通謂百神。兵舞以千戚。輶舞以采。給二者皆擊鼓以應舞節也。輶鼓守鼓也。軍戒在夜擊以警衆。軍動在旦擊以進衆也。○疏曰。上文神祀社祭鬼。享不及小神。此更廣見百物小神也。舞師山川用兵舞。社稷用輶舞。今百物小神等若能捍蔽而義近山川者。舞以兵能發育而義近社稷者。舞以輶。凡以形容其功德也。救日月則詔王鼓大喪則詔大僕鼓。大僕之大音泰。○日月兩條當教變。故告王伐鼓。救祀以下皆言聯聯之事。而救日月則六聯之外所謂凡事皆有聯也。

舞師掌教兵舞。帥而舞山川之祭祀。教輶舞。帥而舞社稷之祭祀。

教羽舞。帥而舞四方之祭祀。教皇舞。帥而舞旱暵之事。

此序舞師

下士二人之職也。兵舞輶舞見上。羽舞析白羽爲之。皇舞析五采羽爲之。兵舞爲武舞。餘皆文舞也。四方旱暵祭法四坎壇以祭四方。雩宗以祭水旱是也。○何氏曰。兵舞用於山川有捍衛之義。輶舞用於社稷有蔽除之義。羽舞用於四方有翼蔽之義。皇舞用於旱暵有調濟之義。凡野舞則皆教之。凡小祭祀則不與舞。凡祭祝之屬小

祭祀無功德可形容故不與舞也按司服章小祀註謂為四方百
物之屬而鼓人職凡祭祀百物之神鼓兵舞敔舞本職材舞舞四
方之系祀皆非不與舞也然則不與舞之卜祀蓋謂其尤小者與
○莊渠魏氏曰或以鼓人舞師應屬春官非也大司樂所教舞於
學官若鼓舞二職則民間祭祀以及軍役通用之樂也愚按舞師
所教皆知野事也至鼓人天動地示人鬼及金奏之屬皆以教鄉
民何耶蓋鄉民雖不若國子之教亦須備識其端其秀者亦自升
於國況其間祭祀之屬又或邑有先君之廟是亦天地人之次祭
而晉鼓路鼓又田獵所有事耶觀大喪舞師不與春官之樂官厥
器而惟詔大僕鼓以警衆則其為教鄉民而應列於地官益明矣
除見

序官

牧人掌牧六牲而阜蕃其物以其祭祀之牲牷

牲音全○此序牧人職下士六人之

職而總舉之也
牲音體之全也

凡陽祀用騂牲毛之陰祀用黝牲毛之望祀各以

其方之色牲毛之

陽祀陰祀謂祭天南郊就陽位祭地北郊就陰位左宗廟為陽右社稷為陰也望祀即四望之

望不言五帝四類五嶽之屬省文也盛赤曰騂
微黑曰黝方色東青南赤之類毛者色之純也

凡時祀之牲必用

牲物凡外祭毀事用尤可也

尤音怡○時記所謂以歲時序其祭祀也稱凡者通謂山川百物之屬物

即毛物但純即用之不論色也凡外祭謂表祭及行祀山川之屬

毀事謂毀除殃災若禱事候禱之屬尤雜也此以上皆言物色而

下同言供也○鄭氏曰外

祭其事達毀祭其事畢也凡祭祀其犧牲以授充人繫之凡牲

不繫者其奉之

毛純饗正曰犧繫養詳見充人

牛人掌養國之公牛以待國之政令

此序牛人中下士大

其其事牛求牛以授職人而芻之

職註讀為職今從黃氏讀如字○事職也謂方祭而享也求索

也謂既祭而釋也職人謂牧人充人及司門各職也凡祭祀牛人

授牧人使牧而牧人又授充人等使繫所謂職人謂職司之人兼

三職而言也若牧人職則直云授充人繫之矣舊不明此乃破凡

職字作繫牲之機而以職人為充人率其矣故謹以黃氏正之

賓客其其牢禮積膳之牛饗食賓射其其膳羞之牛軍事其其犒

牛喪事其其奠牛

積音咨食音嗣○牢禮謂始至饋饗之牢若掌客上公餼五牢饗餼九牢侯伯餼四牢饗餼七

牢之類。積謂在道之積。若上公五積。侯伯四積之類。膳謂膏鬯。同禮之膳。若上公侯伯皆股膳。大牢是也。饗食謂饗禮。食禮賓射謂射時之燕禮。膳羞皆膳。半折俎之類。特餼餼師奠股奠也。○疏曰。喪自未葬以前無尸。凡飲食宜奠置於神前而已。故謂之奠。朝夕之奠無尊。卑皆醕醢酒。無牲體。惟小飯大斂。凡會同軍旅行役。其其兵車之牛與其牽。傍以載公任器。居前曰牽。居旁曰傍。任之言用。言供。凡祭祀其牛牲之互與其盆。祭以待事。互以懸肉。盆以盛牛也。凡祭祀其牛牲之互與其盆。祭以待事。互以懸肉。盆以盛血。祭以受肉。此因供牛而類及之也。

克人掌繫祭祀之牲牷。此序克人下士二人之職。而總舉之。祀五也。繫而養之。則牲博碩肥腍而克矣。祀五

帝則繫於牢。芻之三月。享先王亦如之。牢猶謂其。芻亦養也。繫於

月是也。○疏曰。祀五帝則畧舉五帝而已。其實昊天及地亦與四望社稷等外神皆繫之也。必有牢閑者。以防禽獸觸。豕春秋郊牛之口傷。豕鼠食其角所謂觸豕也。凡散祭祀之牲繫於國門使養之。散祭麗註謂司中司命山

川之屬繫於國門使守門者養之也見司門展牲則告牷碩牲則贊

展省也碩之言實謂以克碩告也小

宗伯省牲則克人自告體完而其碩牲則克人又為贊告體碩也此承上繫養而及之也○明齊王氏曰周禮六牲有養之者有供之者有奉之者養者初畜之知物性能得其宜者也供者將用而陳之稍知禮儀者也奉者既殺而薦之大人君子交於神明與賓客也小不以侵大大不以司小雖畜牧必曲盡其道如此

載師掌任土之法以物地事授地職而待其政令

此序載師上中士六人之職而

總舉之也任土者任之使無曠土也物猶言物色地事即九職生九穀毓草木之類地職即其三農圖圖之類政令即八貢及九賦也

以廛里任國中之地以場圃任園地以宅田士田賈田任近郊

之地以官田牛田賞田牧田任遠郊之地以公邑之田任甸地以

家邑之田任稍地以小都之田任縣地以大都之田任疆地

賈音古稍

去聲下同長疆同○國中之地任廛里以居氓庶也園地任場圃以登木稼植果也去國五十里為近郊之地任宅田以居農任

士田以祿士任賈田以食在官之賈也去國百里為遠郊之地任官田以食在官之府吏胥徒任牛田以給牛人之牧任實田以頒實地任牧田以給牧人之牧也去國二百里為甸地任公邑之田為公家之邑去國三百里為稍地任家邑之田為大夫之邑去國四百里為縣地任小都之田為鄉之邑去國五百里為甸地任大都之田為公之邑而其間稍縣都之開闢亦任公邑之田為公家之邑不言者有文也此言凡任地國宅無征園廛二十而一近郊物產校戰以任土之法也

十一遠郊二十而三何稍縣都皆無過十二唯漆林之征二十而

五凡宅不毛者有里布凡田不耕者出屋粟凡民無職事者出夫

家之征以時徵其賦征稅也國宅無征謂官吏所居室也園即園

一田賦視園廛以上重矣然近郊多役故十分而取一遠郊少役

故二十分而取三何稍縣都開其間之公邑也地土遠故十分取

二至漆林利厚故二十分取五征最重以抑未也宅不毛者宅旁

不種桑麻也詳見下職屋謂夫三為屋也罰之使出一里二十五

家之布以勸織使出一屋三家之粟以勸耕也職事即九職之事

夫征謂一夫之田稅家征謂一家之力役罰之皆以勸職也凡此

乃言其所待之政令也。○黃氏曰：國中什一使自賦，役繁稅輕，遠郊二十而三，役稍簡矣。自此益遠，益簡，稅漸增至十二而止。蓋自甸而往，通行十一之法，賦役相乘除而爲什二與浚儀王氏曰：漆以飾用而已，舜造漆器，臣咸諫防奢也。漆林重征，亦以抑使返樸也。黃與馬氏曰：周家立法以警游惰，載師所謂里布屋粟，夫家之征，益以困之也。閭師所謂無牲無盛，無綈不帛不裘，蓋以辱之也。其示計一也。然孟子言厚無夫里之布，則知戰國時以成周罰游惰者爲常征，是無罪而受罰也。甚至介甫選舉例以征坊郭之民，可乎？橫渠張子曰：夫家之征，疑卽小司徒所謂無過家一人者，謂之夫。其餘夫竭作或一家五人或三人或二人，謂之家。夫家當如此說，鄭註謂令出一夫百畝之稅，則無田而與受田者等也。愚按語孟所論徹法取民之制，皆無過什一。而此乃自二十而三以至十二，是周禮爲大桀小桀也。今推註及黃氏之說，論孟什一專指粟米之征，而本職什一以外，則通軍役之屬，殆與今制人丁及工役協濟銀畧相似，故量地與役而約舉之如此，豈有背於什一者而皆之哉？何公邑也，稍爲家邑，縣爲小都，都爲大都，皆采邑而莊皆謂之公邑，例以十二者，周世三公不備官，又大夫以上有采邑，十則士田而已，則三等采邑之外皆公邑也。王制云：縣內諸侯，祿則外諸侯，賦則內諸侯，世封如周召者，乃有之耳。故自其爲封邑邑名有後，當無過什一。若其不爲封邑者，雖稍縣置猶甸也，則地

建而統言十二矣蓋役約有三田獵之屬爲政役無遠近皆有之
營作之役爲工役惟近者爲多征伐之屬爲軍役六鄉若六遂生
之不足則取甸稍縣都又不足則取邦國也
周禮脉絡融貫尋其義理則得矣學者詳之

閭師掌國中及四郊之人民六畜之數以任其力以待其政令以

時徵其賦此序閭師中士二人之職也民畜之數小司徒將師之

者謂司會司書凡任民任農以耕事貢九穀任圃以樹事貢草木

任工以飭材事貢器物任商以市事貢貨賄任牧以畜事貢鳥獸

任嬪以女事貢布帛任衛以山事貢其物任虞以澤事貢其物凡

無職者出夫布凡庶民不畜者祭無牲不耕者祭無盛不樹者無

稊不蠶者不帛不績者不衰音休去聲盛音成衰音崔○鳥獸猶

言六牲布帛所謂二事八貢皆本物夫布則賦泉也故但言出而已九者與家宰九職相表裏此分虞
衡爲二而不及臣妾者盡物賤畧之與以妾人及掌茶諸職推之

可見也。不自耕耨，故祭不用牲粢。不自樹，故葬不用槨。不自蠶織，故衣不用帛。喪不用衰，凡又以恥而勵之矣。○王氏曰：載師任土，自國及疆，掌其大綱。閭師任民，自三農至無常職，掌其細目。二者相爲經緯。疏曰：註謂無職者，出夫布在九賦中。劉葵問：八貢不遍九賦，今云出夫布在九賦中，豈八貢者復出八賦與？此所出布爲九乎？鄭答曰：今不言其餘出夫布，獨言此者，明無職之人在九賦中，其出夫布則在九賦中也。朱子曰：載師云：凡宅不毛者，有里布。田不耕者，出屋粟。凡民無職事者，出夫家之征。閭師則云：凡民無職者，出夫布。前重後輕，何也？前以特士大夫之有土者，後方是庶民也。前宅不毛，田不耕者，爲其爲亭臺池沼園圃之屬也。凡民無職事者，又是其家所養浮泛之人也。愚按：朱子於載師宅不毛，田不耕者，屬之十大夫，蓋以有田宅而不耕，桑且不利民，而其罰已重。又疑非僅有力者不耕也，故其下民無職事者，並繫之其家，而罰亦重。至閭師民無職者，則庶民初非其止，而罰亦輕。二職人殊法異如此，而責與馬氏乃欲融而爲一，何哉？所以然者，載師言民無職事者，明無常職而絕無所事事也，故其罰重。此條無職者，本於九職明雖無常職而轉移執事，卽其職也，故令以其直出此而已。然後知二職之別而朱說之不可易也。學者詳之。

縣師掌邦國都鄙稍甸郊里之地域而辨其夫家人民田萊之收

及其六畜車輦之積三年大比則以攷羣吏而以詔廢置稍畜比並去解

○此序縣師上中士六人之職而總舉之也都謂大都小都之采地稍謂家之采地鄉通謂其間公邑之縣鄙也三等采地之餘皆有縣鄙言都鄙稍者約文也都鄙稍為邦都邦縣宰削之地甸為邦甸之地郊里為國中四郊之地縣師掌公邑之官甸地乃其專掌而總云掌邦國都鄙稍甸郊里之地賦者邦國之地有諸侯都稍之地有公卿大夫郊里之地有鄉遂各官而其間各餘地之公邑皆縣師掌之也田萊詳見遂人謂田賦也夫家人民及若將有其六畜車輦謂兵賦也詔者詔司徒達於冢宰以達王也若將有軍旅會同田役之戒則受法於司馬以作其衆庶及馬牛車輦會其車人之卒伍使皆備旗鼓兵器以帥而至會如字下音怪○會計也車人之卒伍者

每車一乘甲士三人步卒七十二人故名也此言兵賦也○莊曰其職掌邦國以及四郊之內之兵賦是所主數周天下也莊梁魏氏曰縣師掌天下之兵賦不屬之司馬而屬之司徒者古者寓兵於農無事則屬之司徒此經制也有事而後屬之司馬此權制也是故司馬調兵必據司徒之屬也愚按註及魏氏俱言縣師總掌天下之兵賦今攷乃總掌天下凡公邑之兵賦初非諸侯之邦國

公卿大夫之都稍鄉遂官之郊里其兵賦皆掌之縣師也義師職以公邑之田任甸地而諸地莫不有公邑凡公邑之掌於縣師猶鄉遂都家邦國之名掌於其主矣鄉遂官皆掌兵賦不言受法於司馬獨縣師稍人都家司馬則言受法於司馬與正於國司馬公法而縣師及都家司馬權雖重而爵卑故言也凡造都邑量其地辨其物而制其域
量手聲○都邑猶王之為都之都通謂郊甸稍鄉邦之公邑也物謂地所有也猶原師辨其名物之物也量其地辨其生物而因以歲時徵野之賦貢
甸稍都邦之公邑也此兵賦田賦之本也
此言田賦也

適人掌邦之委積以待施惠委積並去聲○此序適人中下士六待者待鄉師司救之屬以王命施之也○註曰委積者廩人倉人計九穀之數凡國川以其餘供之所謂餘法用也職內以餘財待邦之移用
亦如此
 鄉里之委積以恤民之鰥阨門閭之委積以養老孤郊里之委積以待賓客野鄙之委積以待勦旅縣都之委積以待凶

荒。此歷言委積以待施惠之目也。鄉里鄉里兩百里內遠郊
之地野闢兩二百里內之甸地縣都兩三百里內之稍地四百
里內之縣地五百里內之疆地門閭兩十二國門十二關也。鄉里
自鄉閭言故以待鄉閭。郊里自郊閭言故以待賓客。野鄙以濟遠
近之屬。旅縣都以賑中外之困。荒老孤非正夫餘夫受田里者比
故於門閭養之也。恤籍阨當及六遂而委積惟在鄉里者以賓客
委積在郊里。屬旅委積在野鄙也。待凶荒當自鄉遂及甸稍縣都
凡公邑而季積惟在縣都者鄉遂凡縣阨必恤。凶荒可知其餘凡
公邑則縣都統之矣。籍阨謂困阨者老孤謂無子無父者。賓客謂
來朝聘者。屬旅謂游寓者。凶荒謂饑饉者。○王氏曰恤民之難阨
則司牧所謂歲時有天患民病以節返國中郊野而以土
命施惠者也。國野以鄉里爲中故恤民之難阨者以之。凡賓客

會同師役掌其道路之委積凡國野之道十里有廩廩有飲食三

十里有宿宿有路室路室有委五十里有市市有候館候館有積

國野自國中達野外也。路猶大也。十里有小舍而稍設飲食以濟
之。三十里則有宿寢爲寬微之室而設委五十里則有市易爲迎
候之館而設積此又申言賓客之委積以及師役也。○明齋王氏
曰按會同師役道路之委積此國之大用而大府不言故廩人凡

邦有會同師役則治其糧與其食倉人凡國家之大事供道路穀積飲食之具與此所掌互相督領平日各隨道路收貯卒然有用不勞飛輓而濟畿外之法亦然是以凡委積之事巡而比之以時雖千里征伐若衽席之上行師也

頒之○柯氏曰遺人之掌凡藉既凶荒之賑恤老孤之畜養賓客之資送皆取之而足至諸侯會同聘問軍旅之興徒衆之作路皆有供何其裕也如此後世一遇凶荒師役上下交困民不安其生蓋由兵與民既判力盡於養兵而生寡食衆故也則王政可不講與

均人掌均地政均地職均人民牛馬車輦之力政政職內並同征

○此序均人中下士六人之職也地政即謂地守地職之征詳見大小司徒此言財賦也人民任興作牛馬車輦任轉輸此言力役

也○疏曰此均人職均鄉遂及公邑對土均職均邦國都鄙而言也凡均力政以歲上下豐年則公

旬用三日焉中年則公旬用二日焉無年則公旬用一日焉凶札

則無力政無財賦不收地守地職不均地政三年大比則大均註旬

積如詩箭臂原罔之費費均同鄭謬積如字。人食四鬴為豐年則公家旬用三日食三鬴為中年則用二日食二鬴為無年則用一日。若凶荒疾疫則免也。此申言力役也。而其時既無力役亦無財賦故不收地守地職之征而不必平按地征之法。此申言財賦也大均以人民有登耗牛馬車輦有饒減故也。此又申力役及財賦之意也。○韋氏曰三代役法莫詳於周周禮伍兩卒旅軍師此兵役也田畷追胥竭作此徒役也大役率民徒而至此工役也在官為府史胥徒此胥役也司徒因地善惡而均役族師按民衆寡以起役鄉大夫辨年老少以從役均人論歲豐凶以復役此役之法也疏曰註讀旬為均者王制既云用民歲不過三日明不得解旬為十日故破從均也今易書均或作旬與均俱有均平之義也鄭氏謬曰周禮一書以用民之力事為至大故屢言之今均人視歲上下為節不過三日二日一日奚為其然余嘗論是說自前漢始文帝集諸儒刺六經作王制以為用民之力歲不過三日自是學者不敢違康成覺其不通遂改旬為均謂公事均用三日余嘗笑其鑿古者龍見而畢務火見而致用水昏正而戕日而至而畢故衛文楚宮之作仰占定星之方中詩人以謂得其時制則知力役興於農隙之時也旬用三日則一月九日冬凡二十七日矣豐年食餘用不為虐也旬用二日冬凡一十八日中年食少故減三之一旬用一日冬凡九日無年食少故減三之二如以為歲

不過三日豈經意乎愚按註以王制而被旬爲均誠有如鄭氏謗之議抑謗所引春秋傳及衛文之詩乃以體力役與於農隙之時非謂役事盡於宮室之屬也以宮室之屬而興工役則過三日或疑其踰制若兼田獵追胥之屬而徵徒役則年非中下而議減於旬用三日之制莫之能減矣又何得以漢儒之王制而被旬爲均以從之乎陳禮者幸以全經求之

師氏掌以嫺詔王

嫺美同○此序師氏中大夫一人上士以三德

教國子一曰至德以爲道本二曰敏德以爲行本三曰孝德以知

逆惡

行去聲下並同○此以下言其造國子也國子詳見王制但本職以貢游子弟言而不及民之俊秀耳註謂公卿大夫士

之子而世子亦齒焉是也苟不至德至道不凝故以至德爲道本力行近乎仁故以敏德爲行本孝則犯上作亂者鮮故以孝德知逆惡此皆以在心爲德者言之也○葉氏曰文王世子云師也者教之事而論諸德者也保也者謹其身而輔翼之而歸諸道者也此二者世子所賴以成德者也今師保氏教國子不明言世子而鄭氏謂世子亦齒焉何也按文王世子周公相成王抗世子之法於伯禽使與成王居欲令知君臣父子長幼之義教三行一曰孝也則師保等官嚴法於國子乃所以教其世子與

行以親父母二曰友行以尊賢良三曰順行以事師長長上聲○

愛他人者為悖德故尚孝行為仁友事此仁賢者故尚友行事師無隱無犯故尚順行此又以施之為行者言之也○朱子曰至德者心所得於天之理誠意正心以求其至也道則天人性命之微事物當然之則修身齊家治國平天下之術也敏德者強志力行蓄德廣業之事行則理之所當為有可見之跡也孝德者尊祖愛親不忘其所由生之本知逆惡則以得於已者為實深固有以真知彼之逆惡而自不忍為也此三者雖各以其材品之高下資質之所宜而教之然亦未有專務其一而可以為成人者是以列而言之以見其相須為用不可偏廢之意也蓋不知至德則敏德者散漫無歸而不免乎篤學力行而不知道之譏然不務敏德而一於至則又無以廣業而有空虛之弊不知敏德則孝德僅為匹夫之行而不足以通於神明然不務孝德而一於敏德則又無以立本而有存德之累此先王之教所以本末相資精粗兩盡而不偏於一偏也其又曰教三行者何也曰德也者得於心而無所勉者也行則行其所行之法而已不本之以其德則無所自得而行不能以自修不實之以其行則無所持循而德不能以自進是以既教三德而必以三行繼之也然是三者似皆孝德之推行而已至於至德敏德則無與焉蓋二者之德本無常師必協於一然後有

以獨見而自得之固非教者所得而與也唯孝德則其事為可指
故又推其類而兼為友順之目以詳教之以為學者雖或未得其
心而事亦可得而勉使其行之不已而得於心焉則進乎德而無
待於勉矣况其又能即是而充之以周於事而究其原則孰謂至
德敏德之不可至哉愚按司徒教民詳言六德六行而師氏教國
子乃約言三德三行者教國子之道與教民殊也蓋言至德則六
德具其中矣又言敏德者慮其怠也特言孝德者有國與家其於
去逆效順也切矣言三行不及睦姻任恤者其亦諸侯絕大夫降
之義與居虎門之左司王朝虎門注謂王之路寢門
與虎以明勇也居其左則氏謂立學於
門左也司猶察也不嚴斥言察王掌國中失之事以教國子弟凡
故稱王朝也此推言輔王之本也
國之貴遊子弟學焉中夫聲○中失謂中廢失禮也總言之為國
子析言之為國子弟教之言示明得失以示
之法戒也貴謂已仕遊謂未仕也言公卿大夫士之適子與其升
後之衆子皆學於此也凡民之升役則不學與此者師氏學在宮
側所以優尊其制與大司樂之教異且國故與凡祭祀賓客會同
貴遊子弟尤切也此又廣言教國子之備也
喪紀軍旅王舉則從聽治亦加之舉猶動也動則必從者舉視賓
師喪及聽治之時或有未善而

欲以美詔王也。使其屬帥四夷之隸各以其兵服守王之門外。且此亦言輔王也。踞朝在野外則守內列。其屬疏謂即其上士二人并府史胥徒也。兵弓矢之屬門謂路門朝在野外謂行宮也。內列謂幕營之在內者。凡此皆輔王之意也。云其屬即指國子而言亦兼造國子之意也。

保氏掌諫王惡而養國子以道。

此序保氏下大夫一人中士二人之職也。師氏詔嬖保氏諫惡教相

濟也。此約言其輔王也。養者從容漸漬之義也。此總言其造國子也。

乃教之六藝。一曰五禮。二曰六

樂。三曰五射。四曰五馭。五曰六書。六曰九數。

此以下詳言其造國士也。五禮吉凶軍賓

嘉也。詳見大宗伯六樂雲門大咸大韶大夏大濩大武也。詳見大司樂五射白矢參連刺注襄尺并儀也。白矢者矢貫在侯而侯背見其鐵白也。參連者前放一矢而後三矢連而去也。刺注者羽頭高鐵低刺刺然注而去也。襄尺者臣與君射不敢並立讓尺而退也。并儀者四矢貫侯狀如并也。五馭鳴和鸞逐水曲過君表舞交衛逐禽左也。鳴和鸞者和在式鸞在衡。韓詩所謂升車馬動則鳴

和應是也。遂水曲者，車行水畔，逐水勢旋曲，不墜水也。過若表者，傳所謂褐纒，旃以爲門，表舞質以爲樂，間容握驅而入，擊則不得入也。舞交衢者，車在交衢旋舞，中舞節也。逐禽左者，逆驅禽若獸，使當君左，君自左，應而射之，達於右，闕爲上殺也。六書象形會意，轉注指事假借諧聲也。象形者，如日月之類，象其形而爲之也。會意者，如武信之類，人言爲信，止戈爲武，以意會之也。轉注者，如考老之類，首文相類，而其左右轉相注也。指事者，如上下之類，人在一上爲上，人在一下爲下，指其事也。假借者，如令長之類，字非一義，借而用也。諧聲者，如江河之類，以水爲形，以工可爲聲也。九數，方田粟米差分少廣高功均輸方程贏不足旁要也。詳見九章算法。但漢法又增重差久樂句股或以句乃教之六儀。一曰祭祀，嚴替旁要也。此教以六藝乃道之所寓也。乃教之六儀。一曰祭祀之容，二曰賓客之容，三曰朝廷之容，四曰喪紀之容，五曰軍旅之容，六曰車馬之容。朝音潮。○容，卽儀也。註引少儀玉藻謂祭祀之容，齊齊皇皇，賓客之容，肅肅雍雍，朝廷之容，濟濟翼翼是也。此教以六容乃道之所發也。○鄭氏曰：保氏教養國子於道而不廢六藝六儀何也？曰：藝者道之具，儀者道之則，游於藝習於儀，而後漢於道，學者潔淨精微而不貳，由此道也。古之教者，

合道與藝而言之故其教達天今之教者離道與藝而言之故卑
者溺於技高者蕩於虛此學之大辨也柯氏曰師氏保氏教養國
子居虎門之左蓋王路寢之門東也然按周制大學曰辟雍其師
即大司樂而其學者則王之世子衆子諸侯卿大夫之適子與凡
鄉遂都鄙升於司徒邦國歲貢於王之俊造也凡教成材者皆學
於此而國子之學又自在公宮之左以時游大學而與國人齒焉
則其於國子貴之深養之至矣蓋王之教其世子將以宗廟社稷
付之爲神民主也其庶將以國若都邑建之而分理天下也公卿
大夫士之子亦將以其道輔君也師道尊嚴則有以保自然之和
禁未萌之欲而可以變化其氣質涵養其德性此師保之法所以
爲天下大本也愚按柯說得之但其論又謂師氏德行爲大學保
氏藝儀爲小學是爲二學也今以論語弟子入則孝章及禮記曲
禮少儀內則管子弟子職諸篇并閭胥室正州長鄉大夫之所書
攷之蓋六德固爲大學六儀及六藝之射御書數固爲小學而六
行及六藝之禮樂則固徹上下之道而大小學所兼也然則二凡
者之爲二學蓋亦立制之大凡如此而未可截然書爲二途與凡
祭祀賓客會同喪紀軍旅王舉則從聽治亦如之此恐王有失而從而諫之亦以
輔王也不言其居虎門司王闕謂官中巷門此亦使其屬守王閭輔王之意也○明齋
朝以下者職皆相須省文也

王氏曰按虞廷教胃子止典樂一官其教法惟直寬剛簡四德詩樂二事而已周禮天官之官正官伯地官之師氏保氏春官之大司樂夏官之司士諸子秋官之官禁其教不同何也蓋大司樂教以樂德樂語樂舞與夫春誦夏絃秋禮冬書之屬此少長在學官以教之乃教之專官也師氏教以德行保氏教以道藝此則司徒敷教而教之若宮伯糾其德行教之道藝專在王宮宿衛司士掌國子之士治諸子掌國子之倅之戒令教治則以大司馬主辨論官材故也若司寇又以刑寓教而已凡此俱非教之專官然其所以教則所謂德行樂德無異虞之四德而所謂樂語樂舞六藝六客者又非外於詩樂也葉氏曰周官三百六十屬職可謂悉而獨諫職不詳僅師氏掌以嬖詔王保氏掌諫王惡二語而已且攷二官皆守衛王宮職在教國子又不過居王左右以備顧問者也蓋冥默之中誘善格非者殆漢以至而有不待發聲徵色以爲諫者與又况周之設官分職冢宰則詔王馭臣民詔王廢置百官府司會則詔王廢置天府則詔王察羣吏之法廩人則詔王殺國用大史閏月則詔王居門小史則詔王忌諱內史則詔王聽治司士則詔王治小臣則詔王法儀長幼尊卑無非詔王之職出入起居無非詔王之時是不特一師氏詔王也以至臣民之復逆御僕達之三公孤卿之復逆小臣達之羣吏庶民之復逆御僕達之民有可誨則有外朝窮有可達則有路鼓苟有過惡豈有不得聞者哉是

又不特一保氏諫王也。國語警前詩士傳言之。屬警賾得言士師得言。商旅得言。山虞得言。寺人膳夫得言。古人不以諫名官而人得以諫。雖至春秋未泯也。自漢武置諫大夫於是。有諫官之名。史載鄭昌訟寬說。謂臣官以諫為名。不敢不言。如鮑宣論何武亦如之。夫職諫諍而後言。非其人寧不越職乎。愚故始疑周人不設諫官而終喜其諫諍之路廣。始喜漢人專設諫官而終咎其諫諍之路狹也。莊渠魏氏曰。師氏以輔王。保氏以弼王。事相因也。先王於公孤師之於師氏。保氏友之。師嚴友親。相須以成。聖德後世師友道廢。人臣唯僕僕為恭而已。此世道升降第一關係也。

司諫掌糾萬民之德而勸之朋友正其行而強之道藝。

行去聲下同。張上聲。

○此序司諫中士二人之職也。糾亦正也。張猶勉也。德成於朋友故糾而勸之。使取友以輔仁。行成於道藝故正而強之。使自強而不息。巡問而觀察之。以時書德行道藝。辨其能而可任於同事者。以

效鄉里之治。以詔廢置。以行赦宥。

巡問詢以言。觀察效以事。特書而辨能以待賞與供叙用也。此

承上糾萬民而言其成人材也。鄉里之治通謂鄉里羣吏之治詔者詔於王也。此言善吏治也。赦宥猶下職施惠之意也。此又言恤

氏命也二者皆本經問觀察而言也○魏氏曰大宰歲終攷察吏治以詔廢置法之經也王時遣使者出而訪察吏治法外意也此聖人所以明目達聰而無壅蔽之患也

司救掌萬民之衰惡過失而誅讓之以禮防禁而救之此序司救中士二人

之職也衰惡在心過失在事誅讓皆責也防禁猶制也責以言救其已然制以禮救於未然也凡民之有衰惡者

三讓而罰三罰而士加明刑恥諸嘉石役諸司空其有過失者三

讓而罰三罰而歸於圜土司明建伐也士獄官也按秋官大司寇以嘉石平罷民坐嘉石畢役諸司空不

言明刑也其以圜土聚教平民置之而施職事焉則以明刑恥之

今異文者蓋衰惡與過失雖坐嘉石置圜土其罰各異除制畧同

而本職及司寇職互有省文與衰惡有心而罪隨故暴諸嘉石

畢而役也過失無心而罪隨故暴諸圜土繼入即役也此水上惡

與過而分言之也○王氏曰聖人之惡惡也非有與於已故其讓

其罰其役與歸寬柔不遠不過使生其恥心以懼其罷而已使人

皆出於已故至殘忍過凡歲時有天應民瘼則以節巡國中及郊

中而無暇再三申教也

野而以王命施惠

患災沴也。病痛苦也。節旌節也。施惠如遣人委積醫藥養之類。上文亦以成之。此亦以推之。

也。○鄭鄴曰：鄉師以王命施惠而不持節者，其職處時起國及野以賜賑匭乃其常也。此則有天患民病之時，遣行巡視，故執節為信矣。漢唐以來遣使節賑民，蓋基於此。

調人掌司萬民之難而諧和之

難去聲。下同。○此序調人下士二人之職而總舉之也。按字書：患匭

曰難。畏懼亦曰難。掌為之諧和者，聖人吉凡過而殺傷人者，以民

成之。鳥獸亦如之。

過誤成平也。鳥獸亦謂誤殺畜產也。使人為凡之平成者，凡以罰其過誤而欲其不為難也。凡

和難。父之讐，辟諸海外；兄弟之讐，辟諸千里之外；從父兄弟之讐，

不同國；君之讐，眡父師長之讐，眡兄弟主友之讐，眡從父兄弟弗

辟，則與之瑞節，而以執之。

辟，避同。從去聲。長上聲。○此乃言未得成而為之諧和之例也。禮：父母之仇不

共戴。天兄弟之仇，不反兵而鬪。故避之等亦有遠近也。君謂國君主謂家主。師長謂從學者友，謂同學者。眡，父兄弟亦孝悌。弟

事長之義也。瑞節謂殺主也。典瑞殺主以和難。蓋王命使執而治其罪矣。○黃氏曰：殺人者或過誤殺傷罪不至死，故上之人許其和解。至其子弟之心，或未盡忘也，故又使之相避。如是而後其難可和。不然，則各奮私義，怨仇滋多，民不和矣。何氏曰：殺人者以王法誅之可也，奈何聽其子孫仇之而又使其人避之也？曰：法有經權，情有故誤。原情以定法，因法以求情也。必若逞私忿以戮無辜，則所謂不待教而誅者，又何謂和之有哉？凡殺人有反殺者，使邦國交讐之。凡殺人而義者，不同國，令勿讐讐之，則死。凡有鬪怒者，成之不可成者，則書之。先動者誅之。今平聲。○反殺謂既殺其父兄，又不避其子弟而反相殺也。使邦國交讐之者，欲執除其人而惟恐失之也。義之言宜也。宜殺者，但不同國可也。成者，恐以爭鬪致殺傷也。不可成則或先動矣。書其情實而誅責之。晉言讐之者死也。此三者凡以曲推和民止難之意也。○明帝王氏曰：殺人而後誅，被殺者不義也。若為盜殺之類，其子孫不得為讐讐，則罪其不服義而加死，則也。葉氏曰：漢唐以來，儒者多駁和難之說。五峯三山惑之尤甚，不知難者猶青黃之謂也。以調人職權於司諫司牧之後，正以消其鬪忿之風，而養其渾厚之俗，其職凡過而殺傷人者以民成之。此秋官司刺過失之當有者也。凡有鬪怒者成之。

不可成者書之先動者誅之此地官司或闕之當禁者也父兄
師長之屬被人殺害而成之使勿復得毋傷義乎故又使之相避
此則以舊文有不共戴天不反兵而國不同國之義故也蓋因避
讓而殺傷者在虞書則有有過無大青災肆赦之例在周書則有
青災道厥辜時不可殺之例避之海外猶役四裔也避之千里外
與不同中國猶屏之遠方也不從王命而避故與以殺主和難之
節而使得以自執之朝士職書於士殺之無罪是也殺人而義者
又如朝士職凡盜賊軍鄉邑及家人殺之無罪之類是也歷及其
官無非開導其和而使之不得胥戕胥虐其涵養風俗亦厚矣故
蓋記之言復讐子孫之心周禮之言和難國家之法愚按諸和民
難其目當爲五條凡和難節總爲一條蓋和難之正文其以過殺
民成一條先之者蓋因成而不爲難者以及於爲難而當和者也
反殺交讐一條註以爲其人欲除害弱敵而令其討之者得之此
言爲難而不必和者也義教勿讐一條畧如明齊之說此則言其
不得爲難無事於和者國怒成之一條以國怒與過殺傷相近故
亦令民成之蓋殺傷已見而國怒則將萌耳五條之義曲盡如此
而舊註率漏乖亂甚以聖人之仁至義
盡疑爲苟且模稜之術也不亦惑哉

媒氏掌萬民之判

此序媒氏下士二人之職而總舉之也媒之言

夫婦喪服傳夫妻判合是也。一云凡男女自成名以上皆書年月

日名焉。令男三十而娶女二十而嫁。令平聲。○成名謂子生三月

女嫁以二十為限。○家語哀公問於孔子曰。男子十六精通女子

十四而化。是則可以生民矣。禮三十有室二十有夫。豈不晚哉。孔

子曰。夫禮言其極不是過也。男子二十而冠。凡娶判妻入子者皆

書之。娶判妻入子。未詳。註云。書判妻以別未成婚者。書入子。容膝

嫁而攜子入後夫之家也。按中春之月。令會男女。於是時也。奔者

萬民不令有姪嫁後脫近是。

不禁若無故而不用令者。罰之。司男女之無夫家者而會之。中仲

令之令。去聲。○會。合也。仲春陰陽交會。令順時以禮合也。奔。指禮

不備而婚也。不禁。註謂重天時。權許之也。故謂喪亡災禍也。令。即

令會之令。有故不限以會否。即為不用令也。司。猶察也。察。嫁寡者

會之。以其不能自存也。○鄭氏曰。奔者不禁。將淫奔不禁乎。是海

淫也。曰。非也。鄭不云奔者為妾乎。奔。疾速之義也。女子必六禮備

而後行。時至聽奔。謂不備禮而昏焉可也。易歸妹以須。反歸以娣。

言當須時以歸。急歸則爲妾矣。不以爲會男女之正。又明非仲春
猶禁也。防之至也。王氏曰。按程子云。娶失節者以配身。是已失節
也。此司無夫家而會之何也。天下之人。上智寡而中材衆。非守節
之人而強使避失節之名。不能也。聖人於牧民之政。而爲此法。所
以待中人也。愚按。鄭氏發明註義。似寬而嚴。一說。奔之不禁。與令
之不用。二者同。罰意似嚴矣。但於時不禁。則將餘時遂皆不禁。
與是反。凡嫁子娶妻。入幣純帛無過五兩。純帛。作緇。兩。去聲。○嫁子。
謂女家娶妻。謂夫家禮
男女非受幣。不交。不親。故必入幣也。兩。匹也。用帛四丈。左右卷爲
兩端。如相匹然。而因五兩爲一束也。○葉氏曰。古者婚禮。納幣不
過束帛。用緇。十大夫以玄纁。侯加大璋。王加穀圭而已。禮雖詳。
而儀實畧。畧儀許禮。此婚姻所以及時而男女所以得正也。禁
遷葬者。與嫁殯者。遷葬者。離異之意也。生爲夫婦。葬而離之。與未成
夫婦。殯而合之。不宜離而離。不宜合而合。皆非
禮也。○王昭禹曰。昏。謂以合二姓之好。天地之義。受命則於祖親
迎。則於廟。三月而後。期見未廟。見而死。猶不遷於祖。不祔於皇姑。
而歸葬於女氏之黨。以示未成婦也。凡男女之陰訟。聽之於勝國。
殯而死。乃妄爲嫁娶。豈禮之意乎。之社。其附於刑者。歸之於土。陰訟。謂淫奔之訟。勝國。仁國也。必聽
於其上者。以歸娶不可聽之官府。而

其社掩其上而掩其下聽之爲例以警其爲喪國亡家之本也
附麗也麗於刑乃歸之士師也○李氏曰天地不合萬物不生有
夫婦然後上有以養下有以育生民之本於是乎在
而人主慢之非計也是以聖王設官生判合之體

司市掌市之治教政刑量度禁令以次叙分地而經市以陳肆辨

物而平市以政令禁物靡而均市以商賈阜貨而行布以量度成

價而徵債以質劑結信而止訟以賈民禁僞而除詐以刑罰禁競

而去盜以泉府同貨而斂賒

商賈賈民之賈者古成賈之賈價同
僞幣同○此序司市下大夫二人上

中下士二十八人之職也次謂市官之次即所謂思次介次也叙

謂市衆之叙即於其地之叙也分而守之故市地經也陳陳物也

肆肆陳也辨而類之故市價平也物靡謂異物也嚴而禁之故市

物均也阜盛也布泉也以商通物以賈居物故貨以盛而布以行

也徵召也債幣也多寡有量長短有度故賣者定而鬻者集也質

劑徵信行者也民或失信構訟則以結信而訟可止也賈民知物

情者也民或挾僞行詐則以禁僞而詐自除也刑罰懲暴亂者也

民或肆暴行盜則以禁暴而盜亦去也若泉府又貨所藏於官而

與民同者故市貨不售官爲教之而市貨或缺官又爲貨之焉大
此歷言治教政刑量度禁令之事以爲木職及各職之綱也

市日昃而市百族爲主朝市朝時而市商賈爲主夕市夕時而市

販夫販婦爲主凡市入則胥執鞭度守門市之羣吏平肆展成與

賈上旌於思次以令市市師泣焉而聽大治大訟胥師賈師泣於

介次而聽小治小訟則音側是同賈音古莫註續作定○日昃日

方集而市商賈爲主其市在家故朝時已出而市販夫販婦爲主

其市奔走營販故日久乃至而市此分言三市以起治市之端也

輓皮狀如受其上繫鞢爲輓中刻尺寸爲度爭往來者飭以輓爭

長短者齊以度故執以守門也羣吏謂胥師以下平肆者均肆之

齊扶展成者省貨之良樞莫賈者定賈之高下思次謂市中候樓

介次謂市亭之屬揭旌於次使人知三市之時而市師胥師賈師

乃各泣而治之也此通言衆職以中經市之意也○註曰師當爲

司聲之誤也或曰思次取見利思義之意介次取見利不苟之意

也凡萬民之期於市者辟布者量度者刑戮者各於其地之叙凡

得貨賄六畜者亦如之三日而舉之

辟故書爲辭文誤也○期約也欲決賣買也辭猶論也布

卽錢也欲決真偽高下也量欲決大小度欲決長短也戮辱也謂決出入輕重也叙卽分地也或決於上或決於下各於叙也得謂得遺物也舉取也各置故地以符其人必久無識認而後得凡治者取之也此又卽經市以申行布成價給信各條之意也

市之貨賄六畜珍異亡者使有利者使阜害者使亡靡者使微亡

通○珍異見屠人及賣師無而闕之則使有有而利之則使多示不賤用物也靡而有害必使無無害而靡必使少示不貴異物也此申禁靡均市之意也○魏氏曰古者命市納價以觀民情之好惡是故起其價以儆之正民之所好也抑其價以却之正民之所惡也凡通貨賄以聖節出入之國凶荒札喪則市無征而作布也通達

節印章也互見司關掌節二職入內出外以通民財指征錢貨以通民困也此又申阜貨行布之意也○王昭禹曰出自市達於門關入自門關達於市用聖節以防其欺也管子曰湯七年旱以莊山之金鑄幣而贖人之無餽賣子者禹九年水以歷山之金鑄幣以救人之困玉起於禺氏珠起於赤野爲其至之難故以珠玉爲上金爲中幣刀布爲下幣三幣非有補於暖飽也先王以節人

事而平天下也。東萊呂氏曰：三代之時，三年耕必有一年之食，以三十年之通制，有九年之食，所謂農桑衣食財貨之本也。漢武國用不足，錢幣乃重，唐五銖開元為得中，國初用之，自太宗以張齊賢為江南轉運，務多鑄錢，自此錢皆惡薄，南齊孔頴言：鑄錢不惜銅愛工，則私鑄不起，數散歸公，上此利之大，徒徇小利，錢凡百偽便惡薄，私鑄紛起，乃是以小利失大利，此不易之論也。

飾之禁在民者十有二，在商者十有二，在買者十有二，在工者十

有二。賈音古，下同。十二禁其數未詳，蓋王制用器不中度，布帛

得費民不得畜也。此市刑小刑憲罰，中刑徇罰，大刑扑罰，其附於

申禁偽除詐之意也。刑者歸於士。憲，對憲禁之憲，表示於眾也。徇，猶徇以木鐸之徇，聲

罰以代刑，但聲表以示警而已。扑，罰則所謂撻戮而罰之。三者皆

決於司市，惟應於五刑者，則士師治之耳。此申禁暴去盜之意也。

○鄭邦曰：司寇國刑野刑之類，無市刑也。今有三等之刑，又有士

師之刑者，奸民犯令於市，少縱不治，後將治之而無及矣。故隨其

犯而刑之，其三考之外，有犯五刑者，則歸於士而司國君過市，則

刑人赦夫人過市罰一幕世子過市罰一布命夫過市罰一蓋命

婦過市罰一帷

布音亦○國君謂諸侯也赦刑人者舊謂自不衛義無暇責人也罰幕布蓋帷者責其無以自蔽而

視聽惑也此推本言之也○魏氏曰不言王者不敢斥至尊故舉國君為況也鄧氏曰刑人赦何也司寇凡刑人於市士師協日刑殺君免之則親會其期而赦之言非是無過也愚按鄧說亦通而舊說為優凡會同師役市司帥賈師

而從治其市政掌其賣債之事

市司即司市帥賈師從之者大眾所在必有市焉故也此又推類言

之也○按司市為市官之長而賈人以下分掌焉故賈劑結信則賈人之職賈民禁偽則胥師之職量度成價則賈師之職刑罰禁暴則司其司稽之職陳肆辨物則肆長之職同貨敘賒則泉府屋人之職其餘司門司關掌節驛不專為市設而亦皆以議往來通貨賸又即所謂以重節出入之者也蓋商分四民之一故經制之密如此

質人掌成市之貨賄人民牛馬兵器珍異凡賣債者質劑焉大市

以質小市以劑

此序質人中下士六人之職也質劑大官小宰聽賈賈以質劑是也成之言平凡以物賣債者則為

平立其券也。此以質劑結信之事也。大市謂人民牛馬之屬。小市謂兵器珍異之屬。掌稽市之書契同其度量。壹其淳制。巡而攷之。犯禁者舉而罰之。然攷也。書契取于市物之券。天官小宰聽取于以書契是也。淳制音義並見內宰。犯禁謂度量淳制不同一者。故因稽契以懲之也。此以度量成價徵債之事也。○平仲王氏曰。謂公頒度量出以內宰。掌以司市以合萬民。凡治質劑者。國中一旬

郊二旬。野三旬。都三月。邦國持期。內聽。期外不聽。治猶聽也。謂借證佐持券者以

求聽而聽之也。旬十日也。國中即載師國中之地。郊即近郊遠郊之地。野即甸地都即精地縣地。置地邦國謂諸侯之地也。其地異故其期不同如此。此又以質劑止訟之事也。○王氏曰。既有質劑而復有所謂治者。人之情偽無窮。物之外飾不測。有用後始得其情者。亦有貨物多不及計檢者。故因地為期以治之。過期不治。徵民及時。正明其交易。不使訟無已時。官民俱勞也。

肆人掌斂市欵布總布。質布罰布。厘布而入於泉府。紉音次。○此序。厘人中下

士六人之職也。厘見序官。布即錢也。紉布。王氏謂胥師罰在大詐偽者之布。總布謂肆長總斂在肆諸物之布。質布。質人罰度量犯

制罰。卷四。七。頁青

禁者之布罰布胥罰有罪者之布屋布則木賦稅屋中諸物邸舍之布也方貨入於市胥師貢師各居其次經市辨物詐僞者罰之故謂之款次爲款者蓋以其樓序之旌惟名之與貨歸於肆隨物收其稅總而計之其數不一故謂之總質以質人得名屋從本名款若質皆罰也獨罰布謂之罰者款質之罰小而罰之罰大凡屠所謂大刑扑罰者故獨名罰也入於泉府以待其斂散也

者斂其皮角筋骨入於王府凡珍異之有滯者斂而入於膳府入

於

王府以治器物入於膳府以供膳蓋斂皮角筋骨賈氏謂其亦有地稅入官邦賦也斂珍異卽泉府以其征布斂之者○凌卿章氏曰孟子云市廛而不征法而不廛又云關市譏而不征而周官則國廛二十而一更有市之征布與關市之征孟子云齊梁無禁而周官則又有山林川澤虞衡之官先儒或謂孟子之說是文王治岐之初從簡易以便民至周官始增其制也夫先王之制旣征其厚不征其稅若征廛又征稅則政荒矣王氏曰廛人本稅屋市而更稅諸布何也夫取貨物稅不得取其地稅然五布入於泉府將以斂市之不售貨之滯於民川者雖取之實予之豈若後世因之以獲利者哉魏氏曰官鑄泉散於民間其斂之也不入外府而入泉府還以便民也愚按章說甚正然攷周官五布之制廛爲壘總爲征其款質罰皆法也以意通制此卽孟子廛而不征法而不廛

仁之至而義之盡者。徒法不能自行。非制之禁也。況鬻市之賦。以待王之膳服。固有等差。均節之制矣。而今彼縣夫以下十職。酒人以下八職。王府外府司藥司皮與典婦功以下十餘職。其用物又非皆取之鬻市也。則其取用者。抑微矣。而謂其有橫征重斂也。聖人豈爲之哉。

胥師各掌其次之政令。而平其貨賄。憲刑禁焉。

此序胥師二十肆

謂二十肆之火平。卽平市之平。憲亦憲罰之憲也。

察其詐僞。飾行儆懲者。而誅罰之。聽其

小治小訟而斷之。

行斷並去聲。○飾行謂事。儆懲謂物。誅罰卽屋人所請教。布此禁僞除詐之事也。小治小訟則

應大則歸

之司市矣。

賈師各掌其次之貨賄之治。辨其物而均平之。展其成而奠其賈。

然後令市。

發音定。賈同價下同。○此序賈師二十肆一人之職也。職與胥師各同。但彼主於憲禁聽治。此主於展成定價。

也。

凡天患禁貴儉者。使有恒。賈四時之珍異亦如之。

天患謂凶札恒常也。雖珍

異亦有常也。○平仲王氏曰：三代聖王養民者，周取民者，畧其餘。商賈凶荒，則法議札，喪則無征，市或森嚴，使安其業，故當其棄天患而屬民，則賈師爲之展成定價也。後世關津之吏，括克無不至，倘賈師之法行，則惟裹足不至，民坐橋而已。趙清獻在會稽，歲凶不損粟價，四方商賈輻輳，而民不飢。後世有以禁民賈糶爲奇策者，此獨拘周官而不知潤澤者也。鄧氏曰：賈師禁賈，債老者以供幼者，以養教孝教睦也。胥坊出入教讓也，正坐作教禮也。司競禁羣飲，教儉勤，教敬慈也。一市耳，而治教禮政刑畢具，道廉間故也。凡國之賈債，各帥其屬而嗣掌其月，凡師役會同亦如之。賈，舊作買。○買

債，謂官物出入也。嗣，繼也。帥，其二十餘之屬。遞掌一月，以均勞而慎職守也。

司疏掌憲市之禁令，禁其鬪鬪者，與其競亂者，出入相陵犯者，以

屬遊飲食於市者，若不可禁，則搏而戮之。

搏，言搏。○此序司馬之職也。力爭曰

鬪。口競曰鬪，不仁。口競，不靖曰亂，不讓曰陵犯，皆私惡也。以其屬遊飲，此私好也。搏，卽捕也。戮，猶下職所謂撻戮，此皆明禁暴之事也。

司稽掌巡視而察其犯禁者與其不物者而搏之

此序司稽五肆一

行也犯禁所謂不中度不中量之類不物謂凡衣服不法視聽不正及操挾不執之屬此明禁偽除詐之意也掌執市之

盜賊以徇且刑之

此則明去盜之事也○疏曰司市之刑無過小

於士矣此司稽執以徇且刑而不歸於士亦無過小盜徇扑而已

思按司稽與司職署同但迹淺而禍小故禁以司職情隱而惠大

故察以司稽禁稍提而易故主以十肆察較密而難故主以五肆

司職過於前司稽杜於後二職表裏如此先王慮之深處之至也

胥各掌其所治之政執鞭度而巡其前此序胥二肆一人之職也

所謂守門也掌其坐作出入之禁令襲其不正者凡有罪者撻戮而罰

之襲掩取也奇袤不正者先掩捕而訊之而其有罪者乃撻辱而

罰之也不明執而襲掩者以其踪跡隱秘且徒與禽張工相通

匪故然與其罪當撻罰者即司市所

謂扑罰而又即屬人罰布所自出矣肆長各掌其肆之政令陳其貨賄名相近者相遠也實相近者相

爾也而平正之

爾近也凡名同實異及名實並同者必平其實以

正其名亦所謂平肆也

斂其總布掌其戒禁

斂之以輸厘人也戒禁謂詐欺爭鬪之類

泉府掌以市之征布斂市之不售貨之滯於民用者以其賈買之

物揭而書之以待不時而買者買者各從其抵都鄙從其主國人

郊人從其有司然後予之

賈價同抵抵同予上聲○此序泉府上中下士各人之職也征布謂厘人所斂

之五布滯於民用即謂不售也不時先鄭謂急買者以其本價買而收之使民不至喪價又逐物表書其本價以待買者使官更不至多價也抵之言本謂本管也其主謂甸稍縣都之主其有司謂鄉遂之吏即所謂抵也必從之者情實其所悉也○李氏曰必從其抵乃予之恐奸民乘時販賣官爲所欺而民不沾實惠也舊民曰買於方滯之時賣之欲買之際此與常平之意同泉府以錢易貨常平以錢易粟皆以利民非謀利也然後世常平之法轉爲和糴且以他用而不以濟民則惟恐利之不美亦以聚財之法視之矣凡賒者祭祀無過旬日喪紀無過三月凡民之貸者與其有司

辨而授之以國服爲之息

十日曰旬祭事不廢業故償以三月貸借也言有司不

及主者省文也辨謂別物定價也國服爲息諸說不一先鄭訓服如羈服之服息如生息之息謂從官借本爲買以其所買之國所出爲息假令其國出絲絮則以絲絮償其國出絲葛則以絲葛償之屬也後鄭引載師職訓服如服事之服而以服事於國之稅爲息疏謂載師國曆二十而一故貸萬泉者其出息五百見息亦二

十而一近郊十一故貸萬泉者其出息一千見息亦什一之屬也

昭明王氏潛溪鄧氏訓服如服役之服息如保息之息謂今貸者爲國服役以償所貸是民得以其力濟其急而保息之也今以疏義推之二鄭近是後鄭爲優賒者以期償而無息所以矜喪祭貸者祇以國服爲息亦以矜困窮也此以上皆同貨飯賒之事也

凡國之財用取具焉歲終則會其出入而納其餘

會音怪○出入皆謂泉也買物

與賒貨皆爲出征布與賣物與償息皆爲入也納其餘謂納其本數之餘也其本數以供膳服而又納其餘於職幣以供賜予故云凡財用皆取具也此承上文推言之也○柯氏曰泉府所入國之財用取具焉王介甫執此遂謂善爲國者不取民而國用足乃置市易務出內帑錢數百萬遺之嶺南諸處以壓商賈之利又官出本貸民以取厚息豈非以一言誤之乎夫所謂財用者特九賦八

曰關市之半以待磨服也有餘則歸職幣如斯而已介甫不明此以釀宋禍而胡致室父子遂力詆周禮非聖人之書其失不亦均乎葉氏曰熙寧大臣爲市易青苗諸法奪商賈之贏而取民什二之息曰此周公泉府之法也君子爭之曰此非周公之法也周公不爲利也其人又解曰此真周公之法也然其法行而天下終大弊故今之君子真以爲聖人不理財言財者必小人矣夫泉府之法敍市之不售貨之滯於民用者各以其抵買之其賒者祭祀喪紀皆有數而以國服爲之息若此者真周公所爲也何者是時天下號爲齊民未有特富者也開閭敍散輕重之權一出於上均田而使耕築室而使居衣食之具無不畢與然而祭祀喪紀猶有所不足則不得已賒取於常數之外若是者周公不與則誰與之且其市之不售貨之滯於民用者於此而上不敍之則不仁也今天下之不齊久矣開閭敍散輕重之權無一出於上富人大賈乃始得而操之而遠嫉其自利欲爲國利周公固不行是法矣而遂謂聖人不理財是爲知周公者乎君子以不言利爲義坐視小人爲之徒從其後頌楚而議仁者固如是乎哉馬氏曰周禮一書先儒信疑者半不過病其事多煩擾耳然經制至今而備後世惟以簡易爲便而以周禮行之或至厲民階亂王莽之王田市易介甫之青苗均輸是也世儒見其如此於是益疑爲歆莽僞書愚以爲未然夫周禮者三代之法也宋飢司城子罕請於平公出公粟以貸

陳氏以家量貸而以公量收之則春秋時官於民固有賒貸未嘗
取息如青苗也且熙寧諸賢非徒病其息多也貧者願貸貸與之
而不能償則損官富者不願貸抑配與之并令保任貧者而代之
償則又損民而無所益固不若常平賒從民便之爲兩得也介甫
所任六七十少年使者四十餘輩與夫州縣小吏皆下進徇利之徒
與民常疎情而不究法雖簡樸其病民也豈用禮法頗之過乎鄧
氏曰異哉幻軀之斂貨惡商賈之牟大利而主自牟利也青苗之
貸民惡豪富之取息而自上自取息也成周之世道行教明其視國
中廖里如家人父子然其賤賒貸斂散不啻有無相通也故泉府
之法可行後世述於其本而欲一二使者行之無惑乎奪民利買
國怨爲罪咎也漢相以齊獄市爲寄慎勿擾也能無擾者可與靖
民矣愚按泉府之設與新法名同實異一損下一益下也川其價
以斂使商無滯貨民無乏用賈者與主有司辨而予之從其本價
官非自封也賒者無息其借者亦官服爲息而已所謂財散則民
聚而以義爲利者其道如此若新法真乃借六藝以文好耳程
子謂必有關雎麟趾之意乃可行周官之法聖人不見斯言矣
司門掌授管鍵以啓閉國門幾出入不物者鍵音件義同幾下二
大夫二人上中下士二十八人之職也管鑰鍵匙也正其貨賄凡
管以閉鍵以啓也不物犯禁並見司稽職此言守也

財物犯禁者舉之以其財養死政之老與其孤

正王氏讀如字或作征非○財物即

貨賄犯禁即不正死政謂死國事者老其父母孤其子也此言賦兼言禮也

祭祀之牛牲繫焉監門養

之凡歲時之門受其餘

監平聲○繫牛牲見充人監門司門之屬門謂門祭受其餘未詳先鄭謂司門受祭

此言禮也凡四方之賓客造焉則以告

以告於王為述之也此言守兼言禮也○王氏曰按

門關之設以豫備不虞而無守禁何也蓋城郭溝池之固有掌固

道路之阻有司險封疆之界有掌疆皆夏官事也若地官主守土

雖大司馬之屬出入苟無節門關之吏得問之矣後世門關鎖鑰

並屬大司馬則以諸職多廢故與釋原曰攷司門而知王政之善

也犯禁者冒利先王以義治之則司門沒其財物死政者徇義先

王以利養之則遺人養其老孤遺人之委積自司門出也此兩善

之道也愚按養老孤之財兼出於門關之征而其征乃謂所收屋

舍之稅與所舉犯禁之貨也今養死事之老孤見於司門而司關

無其文掌其征屢見於司關而司門亦無其文蓋皆互見為義從

省文也以遺人職司關職之並言征門關養老孤可見矣周衰以

後乃倡厚令之征以征不犯禁之貨而其財又初不以養老孤而以盈帑藏也嗟乎是豈周禮之咎哉

司關掌國貨之節以聯門市司貨賄之出入者掌其治禁與其征

屢此序司關上中士六人之職也國貨之節即司市通貨賄之重節而此互掌之也聯猶通也自外入者通之門與市自內出者

通之門與關也此言守也司謂察也屢猶舍也註謂關亦凡貨不有所止邸舍也徂猶稅也謂收其邸舍之稅也此言賦也凡貨不

出於關者舉其貨罰其人凡所達貨賄者則以節傳出之傳轉去聲下同

○貨不出關非避地稅必物犯禁也舉者沒其貨罰者責其人此言賦也所達謂不犯禁者節謂門關之符節傳謂文書即所謂以

傳輔之也此言守也按遺人職門關之委積以養老孤今見於司門職面司關不具其省文與然九式關市之賦以待王之膳服而

又以養老孤者何也養老孤者國凶札則無門關之征猶幾門關為舉罰而待賸服者為征罰也國凶札則無門關之征猶幾之征

即謂征屢也無征以施惠凡四方之賓客傲關則為之告有外內猶幾以防奸此言守也

之送令則以節傳出內之傲即帥為去聲出內之內同納○賓客謂朝聘者傲關猶言謁關人國語周之

秩官敵國賓至關尹以告是也有送令註謂以常事相往來也出納猶言送逆與秩官環人職掌送逆邪國之通賓客達以路節

同但環人送逆及疆此惟出納之耳此言守亦言禮也

掌節掌守邦節而辨其用以輔王命守邦國者用玉節守都鄙者

用角節此序掌節上中士六人之職也守邦節註謂天子守邦之節如珍圭以徵守以恤國荒牙璋以起軍旅以治兵守之

屬不詳言者見典瑞也輔之言佐王有命則辨用以佐信矣邦國謂庶邦之諸侯王節亦如王用玉也都鄙謂王朝之卿大夫角節

用犀兕耳此言王及凡邦國之使節山國用虎節土國用人節澤內外臣之守節也

國用龍節皆金也以英蕩輔之使去聲蕩音蕩○邦國之使節謂使於邦國之節土國平地也英飾

簠竹也山多虎澤多龍平地則人而巳皆飾金象之又門關用符竹爲節而璽以爲飾也此言王遣使於邦國之節也

節貨賄用璽節道路用旌節皆有期以反節門關謂守門關之官司門司關也貨賄謂

通貨賄之官司市也道路謂治五涂之官鄉遂大夫也制竹爲符日符節全竹不剖日管節加璽於符日璽節析羽其上日旌節按

小行人皆竹爲之不言者省文也期限反還也此凡通達於天下言門關以下之節面因言凡奉節皆限滿而還也

者必有節以傳輔之無節者有幾則不達

傳見上職輔節以方許也此又繁言凡節也○

陳氏禮書曰小行人達天下之節其虎人龍三節乃邦國使於王侯者所執掌節掌邦節以輔王命其虎人龍三節乃王朝使於邦國者所執今鄭氏總謂虎人龍之節使執以聘於王侯者蓋通詞也掌節無管節其使於都鄙特以旌節行之也小行人無璽節其所掌者使節而貨賄不與也漢竹使符銅虎符各分其半右晉京師左付郡守唐符璽節班右而藏左先王之節蓋亦如此孫氏曰使節輔以英簋內有不變之節外有可觀之文尊王命且重皇華也先王掌節之設居守依以爲重行齋執以爲信而淫朋比德一不得以逞其私蓋一物之微亦馭天下之要也愚按諸國之使節蓋王侯各藏其半而各用之掌節語其所往之邦國而小行人乃語其所出之邦國也其守節又見於春官典瑞者蓋典瑞藏之而掌節辨用之與諸節凡分玉角金竹四種而健虎人皆金節符璽旌皆竹節王侯守邦節皆玉節守都鄙爲角節舊以金玉與龍虎人符璽旌並稱爲八節者誤矣

遂人掌邦之野以土地之圖經田野造縣鄙形體之法五家爲鄰五鄰爲里四里爲鄣五鄣爲鄙五鄙爲縣五縣爲遂皆有地域溝

樹之使各掌其政令刑禁

此序送人中大夫二人之職也官名送人不稱掌邦送而稱邦野者郊外為野

六遂之縣鄙及凡縣鄙皆野也分言之則送人之屬掌六遂猶送

士掌郊而掌其送縣師之屬掌凡縣鄙對縣士掌野而掌其縣而

統言之則縣師雖掌凡縣鄙之田賦兵賦而其縣鄙溝塗之制與

其會事致事之令皆以送法行之故不言掌邦之送而言野猶小

司徒之掌六鄉而兼言縣鄙都家也經田野即體國經野之經形

大形體小體言縣鄙不言送鄉里都者舉中而言也鄉則相鄰近

里則同井里鄉則相鄰助鄰則同守禦縣言懸於送送言送於外

也各掌謂六遂之屬吏而凡縣鄙之吏亦寓焉鄉言教治而送止

言政令刑禁茲以歲時稽其人民而授之田野簡其兵器教之稼

穡人有生耗即田有予取故稽而凡治野以下劑致貼以田里安

穡人有生耗即田有予取故稽而凡治野以下劑致貼以田里安

貼以樂昏擾貼以土宜教貼稼穡以興勸利貼以時器勸貼以彊

予任貼以土均平政

貼與同樂音洛勸音助政註讀為征○變民言貼與內外也

則者懷懷無知之貌劑等也

致致役也謂役貼惟用下地家二人為率一正一羨也此寬其力

也田田謂里里居也謂出有田以耕入有室以居也此寬其業也

樂昏謂樂以昏姻也。娶順也。此順其情也。土官司徒所謂十二土之宜也。此宣其教也。與之言起也。里宰所謂合醵於醵也。此導其利也。時者因時修之也。遂大夫所謂簡稼器節長所謂數器也。此勸其事也。疆者餘夫有力之稱。予謂予以田。詩所謂侯疆孟予所謂餘夫二十五畝也。此盡其用也。上均見。辨其野之土。上地中地大司徒及土均職。平亦均也。此正其賦也。辨其野之土。上地中地下地以頒田里。上地夫一厘田百畝。萊百畝。餘夫亦如之。中地夫一厘田百畝。萊百畝。餘夫亦如之。下地夫一厘田百畝。萊二百畝。餘夫亦如之。

畝畝同。○辨土者辨其色與性。如禹貢白黑壤墳邑也。萊謂休不耕者。即司徒制都鄙所謂易也。中地田萊其二百畝。即一易之地。家二百畝。下地田萊其三百畝。即再易之地。家三百畝。惟上地田萊其百五十畝。與不易之地。家百畝。文有衍縮耳。義則一也。詳見司徒餘夫亦如之者。餘夫二十五畝。為率其三等加減之數。如正夫也。○項氏曰。田有污萊。里無上下。故里皆一厘而田則有寡多也。易氏曰。因其人之損益。為田之進退。遂師以時餐其夫家之衆寡。遂大夫以時稽之。然後遂人以歲時稽而授之田野也。愚按本職言頒六遂之屬之田。而六鄉之頒田經不見者。

陳宏甫謂鄉遂互見其義者是也。小司徒雖掌六鄉其府署却在國中。遂人雖主六遂其府署却在六鄉。以鄉士掌國中而各掌其鄉。及遂士掌四郊而各掌其遂。推之可見此所以鄉遂之屬之田制皆遂人總之。而此節頒田里及下文治溝洫皆為統詞也。大司徒制鄙鄙以明邑里之廣狹。遂人頒田里以明夫田之多少。大司馬令賦以明軍財之衆寡。觀大司馬凡令賦之制田舉遂法賦舉鄉法。而以凡總之則田制之皆同益見矣。而舊註乃於大司徒都鄙之田制誤視為六鄉之田制。且謂六鄉之土地無萊六遂則土地猶有萊以饒遠也。何未之考與。凡治野夫閒有遂遂上有徑十夫有溝溝上有

畛百夫有洫洫上有涂十夫有澮澮上有道萬夫有川川上有路

以達於畿

遂溝洫澮川以傳旱潦也。徑畛涂道路以通往來也。畝

九為井言十夫不言九夫者五溝五涂總包一夫也。遂廣深倍各二尺徑廣可容牛馬溝深廣倍遂畛廣可容大車洫廣深倍溝涂廣可容乘車一軌澮廣深倍洫道廣可容乘車二軌川廣深倍澮路廣可容乘車三軌以達於畿者言鄉遂及都鄙之屬其制皆同。陳氏謂周制井田之法通行天下無內外之異是也。獨見於遂人者包內外面言猶上文頒田里之意也。詳見小司徒及匠人職。○浚

儀王氏曰禹盡力乎溝洫溝洫畝距川遂人五溝五涂之制因於古也以水佐耕稻人掌之以水佐守司險掌之自溝洫之法弛鄭子駟爲田洫而以爲怨晉人欲使齊盡東其畝而戎車是利駟至商鞅裂阡陌呂政決川防而古制蕩然矣以歲時登

其夫家之衆寡及其六畜車犖辨其老幼廢疾與其施舍者以頒

職作事以令貢賦以令師田以起政役音義見鄭法若起野役則令各

帥其所治之民而至以遂之大旗致之其不用命者誅之野役即六遂之

役對邦役而言也凡稱野牲野職野賦之屬皆視此矣令者令縣正也致民見大司徒大旗亦謂司徒之旗凡國祭祀

共野牲令野職供野牲註謂入於牛人牧人之屬以待事也蓋閭師令民畜牧本職令其屬徵貢乃入供之矣野職

謂田野山澤之官若獸人獸人澤虞之屬令者令使入於王府觀之可見與以下文遂師職供其野牲入野職野賦於王府觀之可見凡

賓客令修野道而委積說見大小司徒但彼爲國道與其委積此爲野道與其委積耳大喪帥六

遂之役而致之掌其政令及葬帥而屬六綽及窆陳役屬音燭綽紼同○致

者致於司徒給葬事也陳列也大喪柩出則六鄉屬引以引於道而其在墓則六遂又屬緇以貫於碑至將窆乃陳其行列而背碑負緇以挽而下之也餘亦見大司徒凡事致野役而師田作野民帥而至掌其政治

禁令

上指言大喪用役此言凡役也師田通大小而言下職並放此

遂師各掌其遂之政令戒禁

此序遂師下大夫四人之職而以時先約舉之猶六鄉之鄉師也

登其夫家之衆寡六畜車輦辨其施舍與其可任者

音義備見鄉法但六鄉鄉

師稽而鄉大夫登此則遂師

經牧其田野辨其可食者周知其數

而任之以徵財征

田野之可食者猶大司馬土地食者三之二之類也經牧以辨即小司徒經土地而井牧其田

野周知其任地之數以徵財征即小司徒以井邑丘甸縣鄙之數任地事以令貢賦稅斂則其以計數定賦而非以畫形制井也益

明矣而註乃於小司徒之經牧訓為采地之井制於本職之經牧訓為遂法無井制以遂師兼掌采邑故亦為制田界與井也郭何

未之考與餘詳小司徒

作役事則聽其治訟

猶鄉師大役則帥治其政令也

巡其稼穡而後

用其民以救其時事

後教之者謂旱潦隄防非一方得辦也以縣正職推之可見

凡國祭祀

其誓戒其其野牲入野職野賦於王府

誓戒見大宰司寇各職此謂審聽以成遂民也野職

野賦謂野職所賦之物野牲供遂人以供牛人牧人之屬而野職野職野賦則受命於遂人以供玉府也說見上職及玉府

賓客

則巡其道修庀其委積

巡之言察也庀具也謂具委積於廩宿室館也與大小司徒亦互文也

大喪

使帥其屬以輿幣先道野役及窆抱磨其丘籠及蜃車之役

磨先鄭讀

如字後鄭通作磨○使之者謂司徒也其屬謂遂師所屬之士野

役謂將葬屬紼之民也窆時幕人供輿幣以張神座故使帥其屬

以窆幣爲野役先道蓋給鄉師之燕導矣抱磨未詳先鄭曰磨以

下柩也後鄭曰古字磨歷通道歷執紼者之稱天子千人背碑負

引分布稀疎故名焉遂人主陳之而遂師則抱其版校之也後儀

氏曰史記樂毅書故問反乎磨室徐廣註古字磨歷通用戰國

策新序作歷室是也愚按王氏亦從後鄭然抱版豈俟及窆之時

况千人之版豈一時所能率校而必轉變音讀以從之乎不如先

鄭說畧而意安且與鄉師及窆執斧相類也丘籠以籠盛墳土而

覆坎成丘也蜃車以車載蜃灰而和土闢墳也鄉不供獨野供之

者野爲便也餘見稍人及掌屨軍旅田獵平野民掌其禁令比叙其事而賞罰詳見

遂大夫各掌其遂之政令此序遂大夫每遂中大夫一以歲時稽

其夫家之衆寡六畜田野辨其可任者與其可施舍者以教稼穡

以稽功事掌其政令戒禁聽其治訟功事猶言職事以節長職推

職令爲邑者歲終則會衆致事會音怪下二職同○邑通謂遂之

者令自上而下會自下而上言邑里而其上視此矣○註曰不言

其遂之吏而言爲邑者客公邑及公卿大夫王子弟之采邑其政

令戒禁亦遂大夫施之也恩按載師云以公邑之旧任甸地以家

邑小都大都之田任圻地縣地甸地是公邑采邑皆邑也而下文

里宰職亦云掌比其邑之衆寡隣長職又云凡邑中之政相贊則

郊遂自稱邑也豈特公邑采邑謂之邑而已哉六遂與凡公邑之

屬皆遂大夫令之者其溝涂之制既同其縣鄙之制亦一惟六遂

也故鄉遂之制有小司徒鄉師遂人遂師閭師諸朝官以繼領之
又有鄉大夫至此長諸鄉官遂大夫至隣長諸遂官以通司之而
凡公邑自縣師稍人總掌其田賦兵賦之外並無通司職掌之官
蓋其田里之制大畧相埒故經不更言而其會政考法亦令以遂
大夫也然則其不令於縣師稍人而令於遂大夫何也凡會政致
事皆卑者主尊者主令縣師稍人其爵卑故以遂大夫尊官兼
令之

正歲簡稼器修稼政

稼器耒耜錢鈔之類
稼政修築種植之類

三歲大比則帥其

吏而興阡明其有功者屬其地治者凡為邑者以四達戒其功事

而誅賞廢興之

屬音燭○其吏謂其下各縣正也與猶鄉大夫與
賢能之興有功即所謂能也不備言其德亦降民

言謂之義明如虞書明揚之明矣屬者聚而告之也地治謂治六
遂之官猶大司徒所謂地治也但大司徒與地治者聽訟謂鄉遂
官之正長此屬地治者戒事則謂正長以下耳凡為邑者謂公邑
之吏也四達舊訓不一註謂治民之事通行者有四夫家衆寡也
六畜車菴也稼穡耕耨也旗鼓兵革也鄉氏謂攷邑事必旁達四
邑以相參也鄉氏謂自遂大夫達縣正次達鄉師次達鄉長次達
里宰以下無窮故止言四也今攷註訓頗失句理且四事雖非遂
法亦然何遂法獨以四達言耶諸說亦皆未安蓋四達者以功事

偏爲告戒之意也。近而地治者，合聚以告遠，而凡爲邑者，皆偏戒之，而誅賞廢興，以是行焉，亦猶鄉大夫主廢興，而州長以下贊且蒞之意也。○疏曰：註云，興，毗舉民賢者能者，如六鄉之爲也。蓋六鄉，鄉大夫以鄉飲禮，興賢能，獻其書於王，王拜而受之，登於天府。此文不具，變之耳。莊渠魏氏曰：漢舉賢良方正孝廉茂才，猶六鄉之賓興賢能，其舉孝弟力田，猶六遂之興毗，故三代以還，兩漢得人爲盛，後世鮮實效。由上下皆以僞蒙也。平仲王氏曰：鄉大夫興賢能於朝，遂大夫帥其吏以興毗，變言毗者，遂遠於國，教尚樸畧，遜於鄉也。愚按：鄉官言政令，必言教治，而遂官惟本職言興毗爲教治之意，其縣正至里宰皆無一言教治何也？攷王制，移鄉移郊，移遂，皆如初禮，謂如元日朝庠，習鄉，習射之屬也。則六遂固未有無庠序之教者。況司諫掌糾萬民之德，書其德行道藝，以攷鄉里之治，而司教掌萬民之過失，哀惡以節巡國中郊野，二職於鄉遂固時相糾攷以導之也。則遂與鄉之辨異也可見矣。然則鄉詳言教治，而遂詳言政令，蓋互文與。

縣正各掌其縣之政令，徵比以頒田里，以分職事，掌其治訟，趨其

稼事而賞罰之。

此去聲。趨音促。後職皆同。○此序縣正每縣下大夫一人之職，猶六鄉之州長也。禮催也。○魏氏曰：

遂大夫言政令縣正加以徵比親民故也田畧職事上有成法縣正爲之計畝度丁而分之耳稼事實與秋官之野刑上功糾力也漢制尙有田律若將用野民師田行役移執事則帥而至治其政令既役

則稽功會事而誅賞

以縣師及稍人職推之當言會同軍旅出役今不言會同者君行師從言師則會同在其

中矣移執事卽遂師移用其民也○明齋王氏曰縣正將鄉之州長也然惟作民而師田行役掌其政令賞罰與此條語意畧同至其正月之吉歲時春秋凡讀法攷行與歲終會政之屬此乃闕如則大夫之興師將安稽乎蓋縣正亦當有序以行禮而文不具猶本職言頒田里分執事而州長無之也

鄙師各掌其鄙之政令

此序鄙師每鄙上士一人之職制六鄉之黨正也

祭祀凡作民則

掌其戒令

祭祀亦黨正禁社之類凡作民亦謂會同師田行役也下職同

以時數其衆庶而察其

姦惡而誅賞歲終則會其鄙之政而致事

數上聲下職同○數計也上職賞罰以農功言

誅賞以役政言此言賞姦猶與於鄉三物誅惡猶糾於鄉八刑矣○丘氏曰察姦惡而誅賞者因民好而賞勸之非有心於賞因民

惡而誅責之非有心於誅也其終至於殺之不怨利之不庸日遷善而不知爲之孰謂遂官止課耕而已王氏曰黨正於孟月吉日春秋祭祭有讀法之禮歲終蜡祭有正齒位之飲皆於序行之

鄮師猶鄉之黨正也則鄮之會聚其衆豈無序乎亦省文也

鄮長各掌其鄮之政令

此序鄮長每鄮中士一人之職猶六鄉之族師也以時投登其夫

家比其衆寡以治其喪紀祭祀之事若作其民而用之則以旗鼓

兵革帥而至

比去聲下職同○投猶數也

若歲時簡器與有司數之凡歲時之

戒令皆聽之趨其耕耨稽其女功

有司謂其屬之里宰也聚有器通兵器若聚器矣簡則稽數則

儀總者註謂

受而行也

里宰掌比其邑之衆寡與其六畜兵器治其政令

此序里宰每里下士一人之職

猶六鄉之閭胥也邑即里邑

以歲時合耦於耜以治稼穡趨其耕耨行其秩叙

以待有司之政令而徵斂其財賦

耜計謂爲助一云如字○耦並耕也耜爲助者里宰治事之室

名註謂若今衙門之室也一為如字者蓋人所謂與職匠人所謂二相為耦也秩叙謂耦之次第也有司主財賦者若司會司書及閭師之屬○丘氏曰周家以農闢國教稼穡則有遂人巡稼穡則有遂師簡稼穡修稼政則有遂大夫既教之又巡之又簡以修之民咸勉矣猶未也鄉長又為趨其耕耨里宰若降長又以歲時令耦於耨而趨之而縣正又為趨稼事而誅賞以鼓其不勉也先王設官為農與之周旋無間如此所謂儲彼南畝田畯至喜其七月之風與明齊王氏曰人力不同苟主其強則弱者微主其弱則強者惰先王配合其等使相佐助平居用之耕耨有事用於師田因而部分之而食之多寡位之高下皆行焉平仲王氏曰微敘財賦必待有司之政令者恐重科也敘法出於司稼有司受之頒其式於掌斂之官又天官司書三歲大計羣吏而逆其微令凡稅斂掌事者受法焉蓋司稼歲酌豐凶出敘法而司書又總逆之當時上下統範惟溫取病民是慮若此

鄉長掌相糾相受凡邑中之政相贊

此序鄉長五家一人之職猶六鄉之比長也五家亦有過

相糾察即其相及之意有故相保受乃其相受之事一里中有政皆相贊助亦其相和親之意也

徙於他邑則從

而授之

此猶比長徙於國中四郊而從授也此猶比長徙於國中四郊而從授也

旅師掌聚野之勑粟屋粟閒粟而用之句以質劑致民平頒其興

積施其惠散其利而均其政令

聞音關而註作如字讀如用之三

用之三字連上為句積音忒○此序旅師中下士十二人之職也

聚猶畜也勑粟未註註謂民相助作一井中所出九夫之粟也鄭

謬據里宰職謂合耦於勑而不趨令者則罰以粟也按官名旅師

其栗稱聚明非掌徵正賦之官鄭說近是屋粟謂民有田不耕所

罰一屋三夫之粟閒粟謂民無職事所罰一夫百畝之粟也民即

謂旅民也異地謂之旅率土謂之民也質劑猶今法保結之意孫

氏謂別為籍以稽之是也與積謂典發之積以賜衣食曰惠以作

事業曰利均者無中飽無偏壅之類也此首言用粟於民即遣人

所謂野鄙之委積

凡用粟者頒而秋斂之

此承上用粟於民而因言其斂之也凡經言官

以待羈旅是也

出財物者有三有出以息者如所謂貸者以國服為之息是

也有出而入以本者如所謂賒者祭無過旬日喪無過三月及此

春頒而秋斂之是也有出而不責其入者如凡以王命施惠賜

命施惠者即遣人首條鄉里之委積以恤民之艱阨司門及司關

職稱以財養死政之老與其孤者即其次條門閭之委積以養老

職稱以財養死政之老與其孤者即其次條門閭之委積以養老

職稱以財養死政之老與其孤者即其次條門閭之委積以養老

孤大小司徒送人送師之屬稱賓客令庀其受積者卽其三條鄉里之委積以待賓客大司徒舍人司稼職所稱散利待凶荒廩人職所稱令邦移民就穀與本職所稱平糴其與積及新阡之治皆縣之者乃其四條野鄙之委積以待縣族也此皆有頒施而無倣入何獨於其中焉族而倣之乎曰恤族初非禮賓聘老字幼濟厄救灾比也彼暫止爲縣族卽若爲新阡而如有親阡則周與移民就穀者同在所恤中矣欲其本而無息是聖王之中制也

凡新阡之治皆縣之使無征役以

地之嫩惡爲之等

凡新阡新受田爲阡者阡則不終爲族矣凡治阡

種之類無征役謂復其身也上地復少下地復多是之謂等凡此亦委積以待之之意而上文均政令之屬也○平仲王氏曰按王制將從於諸侯三月不從政欲啓行而爲解也自諸侯來

從莽不從政初至而未集也古之保氏曲盡其道如此

稍人掌令丘乘之政令

乘去聲○此序稍人下士四人之職也四丘爲甸其出革車一乘故各丘乘言掌丘

乘之政令其地無所專指者本縣師職而言也縣師總掌郊甸稍都邦凡公邑之田賦兵賦而稍人奉其法以令其丘乘則其地可見矣餘見序官○王氏曰井邑丘甸縣都出兵賦之法也此但言丘乘者以丘出馬一匹四丘出馬四匹車一乘井邑之兵自此成

縣都之兵由此始。故舉以爲名也。丘氏曰：甸六十四井，井九夫，計夫凡五百七十有六矣。而所出則革車一乘，甲士三人，步卒七十人。蓋國賦家出一人爲正卒者，此徒役之大數。其甸出土卒七十五人者，此出軍調餐之數。而其餘約可調餐七次也。愚按：四丘六十四井，以上地中地下地受田之數計之，其一夫或當一夫有半之田，或當二夫之田，甚或當三夫之田。則其數固不滿五百七十六夫。而其賦革車七十五人之外，復有將重車者二十五人，凡甸出百人，其數又不止七十五夫也。則丘氏蓋亦粗舉其數而約之與。又本職舊釋爲卿大夫之采邑，蓋誤以小司徒爲都家。丘乘之制，而此掌其政令也。愚已於小司徒詳辨之矣。夫丘甸出賦之制，通乎中外。今歷以地官攷之，在鄉則治以小司徒，鄉師迄乎州長族師在遂，則治以遂人。遂師迄乎縣正，鄉長在郊甸，鄉都邦諸公邑則縣師及稍人治之，以聽於司馬。而在采邑則夏官之都家司馬掌其法，以聽於國司馬公司馬也。采邑所以不在地官者，鄉遂并公邑，其財賦與兵賦皆入公家，故在地官。而卿大夫之采邑，其財賦已入私家，獨兵賦則其權在公家耳。故不在地官而在夏官也。各職之分屬如此，乃不若。有會同師田行役之事，則以縣師攷其未末而臆之也。可乎哉。

之法作其同徒，恭輦帥而以至，治其政令，以聽於司馬。聽於司馬者，縣師以

司馬之法作其衆庶而稍人帥以聽之也同徒謂同丘甸之徒也
大喪帥廢車與其役以至掌其政令以聽於司徒
師聽於司徒者司徒使遂師先導以供其役而稍人亦帥諸公邑之車役以至而聽也舊謂廢車乃役遂人之屬供之稍人監三等采地故得并監六遂廢車之役而帥致之也按諸說似是而非稍人受法於縣師乃掌凡公邑之官其帥廢車及役以至與遂師帥廢車及役蓋各供一職也而混以數之何耶又以爲掌采邑
外不足言矣

委人掌斂野之賦斂薪芻片疏材木材片畜聚之物

此序委人中外士六人之

歷而總言之也野總謂遠郊以外甸稍之類也薪以爨燎以稍聚芻以牧養疏材可用者木材可用者片畜聚之物樂謂也以稍聚待賓客以甸聚待羈旅凡其余聚以待頒賜
稍去聲余當爲餘○此歷言其所待也稍聚稍之畜聚其地遠故以待入境之賓客甸聚甸之畜聚其地近故以待留境之羈旅凡其餘聚謂縣都之畜聚頒賜蓋特用之與以式法其祭祀之薪蒸木材賓客其其芻薪喪紀其其薪蒸木材

軍旅其其委積薪芻凡疏材

此歷言其所供也式法謂所供之數粗曰薪細曰蒸委積薪芻謂委積之

薪芻木材以供張設凡疏材

以助禾粟也○疏曰大行人委積中

有牲牢米禾薪芻之屬

委人供其薪芻故註謂委積之薪芻也疏

材是百草根實可飼馬

牛者故註謂之助禾粟其野委兵器與其野圃財用又因所共而

推言之也野委通言國野之委

野圃專言田獵之圃兵器以衛野

安財用以藩野圃○疏曰

野圃財用註謂供苑圃藩蘿之材者古

者田獵皆在圃藩

蘿以遮禽獸也凡軍旅之賓客館焉

軍旅之賓客謂侯國助王

領軍者館之亦資其用地

土均掌平土地之政以均地守以均地事以均地貢以和邦國都

鄙之政令刑禁與其施令

上政征同施施同○此序土均上中下

小司徒及均人職和謂也

政令之剛柔禮俗喪紀祭祀皆以地嫩

刑禁之寬猛施舍之緩急

皆謂和之也禮俗喪紀祭祀皆以地嫩

惡為輕重之法而行之掌其禁令

禮謂五禮之屬俗司徒所謂木

喪紀之豐約祭祀之隆殺

皆以地之美惡為等而和而行之也○

註曰禮俗謂俗所行舊禮也

君子行禮不求變俗隨其土地而制

禮俗謂俗所行舊禮也

君子行禮不求變俗隨其土地而制

禮俗謂俗所行舊禮也

君子行禮不求變俗隨其土地而制

禮俗謂俗所行舊禮也

君子行禮不求變俗隨其土地而制

禮俗謂俗所行舊禮也

君子行禮不求變俗隨其土地而制

其節禮器所云合於天時設於地財順於鬼神合於人心理萬物者此也王氏曰治天下之道取均平而已聚宰均四海司馬平邦國而地官特設均人土均二職者均平必自土地人民始也愚按均人主六鄉六遂故地守地職之外尤詳於力征地近多役故也此主都鄙邦國故不詳力征而通言地守地職地貢及政令以下數者地遠少役故也或據遂人職土均平政之文疑主鄉遂之均人專主六鄉而主邦國都鄙之土均兼主六遂失之矣夫均人土均二職皆本大司徒土均之法以施於鄉遂都鄙之屬特均人詳於力征故名均人耳豈得以遂人言土均而謂土均職之主六遂哉

草人掌土化之法以物地相其宜而爲之種相去聲種上聲○此漢也化猶變也言謂變之使美若汜勝之術也此約言土化也物地指其師物地事之物爲之種舊謂黃白宜種禾之屬也此因言地宜凡糞種辨剛用牛亦緹用牛墳壤用麋渴澤用鹿陂渴用麋

勃壤用狐埴埴用豕彊梁用黃輕梁用犬通馮音低渴作竭如字亦

職埴音處彊上聲梁音樞梁音烈○糞者二鄉謂糞汁漬之王氏謂骨灰爲汁漬之皆謂施於其種也一又謂以汁糞其地也渴猶

竭也。栗，堅也。黃，麻也。粦，輕脆也。蓋土有赤，駢而性剛者，赤，纆而細，色者，墳起而柔，無塊者，舊為澤而今渴者，木去而渴，幽者，勃壤而粉解者，粘而疏者，堅強而不疏，遺者，輕脆而不厚重者，土各不同，而其糞種化土之法，用牛羊以下為汁以漬之，亦不同也。此詳言土化而地宜亦在其中矣。○疏曰：按禹貢冀州白壤、青州白墳、兗州黑壤、徐州赤墳、墳，揚州荊州塗泥、豫州墳壤、梁州青黎、雍州黃壤，凡九等不同者，自是九州大判各為一等。此不妨一州即有此九等之類，故不同也。王氏曰：九土化之之法，用牛羊麋鹿羶豕犬之骨焚灰為汁以漬種，用黃則以其實，持汁以漬之，所用不同，而以助其種之生氣，變易地氣，使薄者厚，過者和，則所獲皆倍常也。

稻人掌稼下地，以潴畜水，以防止水，以溝瀆水，以遂均水，以列舍

水，以漚渴水，以涉揚其芟作田。列，列縣計反。○此序稻人上中下土

下地，潴，積水之陂也。防，衛潴之隄也。溝，所謂十夫有溝，瀆，和也。播也。遂，所謂一夫有遂，均，宜也。列，所謂一畝三畝，合止也。漬，所謂干夫有漬，渴，渠也。注也。艾，謂所艾之草也。引，運之水於列中。因，涉之以播去其草而治田種稻也。一云：揚者，搖動稻謂之。使田變為肥。

也此言治下地之田也○莊契韓氏曰中原地高惟下地近水者可相聖人兼盡地利防豐凶備旱潦也今中原地多荒蕪宜重農
尾之官備南方老農爲師廣興地利高庶其可養乎平沖王氏曰
按三代東南爲龍蛇之數江漢以南不通中國后稷所謂誕降嘉
種禾稷穠穠皆西北高原而已蓋聖人教民耕稼寄洩全在溝洫
禹卑宮室而盡力乎溝洫是也班孟堅西都賦鄭白之沃又食之
源堤封五萬疆場綺紛溝塍刻鏤原隰龍鱗決渠降漑荷鋤成雲
西京近古雖阡陌既開跡未盡沒猶有水田之利嗣後故道湮不
可收沃壤化爲石田而東南地方兼盡遂以天下仰給一隅可歎
也愚按稻宜下地而夏官職方氏所載惟荆揚泥塗獨宜稻雍冀
高不宜稻餘則兼之而已此稻人所以掌稼下地也不僞言遂溝
洫漁川之五溝而惟言遂溝治者蓋下地諸防卽川之意也不言
洫者其
省文與凡稼澤夏以水珍草而芟芟之澤草所生種之芒種芒種
上聲○稼澤謂種稻之澤地也於病也絕也芒種謂芒稻也夏時
水熟先以水薺於澤草次加之芟芟於是因澤草所生之地而種
以芒稻也此言早暵其其勞斂喪紀其其章事
治澤地之田也早暵其其勞斂喪紀其其章事
事則喪中以填填樂澤
也此皆備旱潦之意也

土訓掌道地圖以詔地事道地慝以辨地物而原其生以詔地求
此序上訓中下士六人之職也道說諸告慝也地圖山川原隰
之圖地事農圃虞衡之事地慝如瘠瘠之屬地物如藥石之屬凡
有所求必於地之所生兼承上文而言也○莊渠魏氏曰地氣有
偏不能無慝天常生物解之如西北多風防風獨活之屬足理風
東南多瘴魚鼈螺蛸之屬足治瘴江湖多氣楠柚之屬足被氣瘴
海多瘴檳榔之屬足去瘴王所至恐不習水土豫求物以防患非
專口腹玩好也愚按魏說得之然王者以民物爲已任所
求豈直爲其身而已哉且本職亦不結下文是符爲義也王巡守
則夾王車守同符下職同○夾之
者備左右顧問之意也

誦訓掌道方志以詔觀事掌道方慝以詔避忌以知地俗

此序誦

士六人之職也志記也方志謂所記形勝事實之蹟道之使蚤而
省之也方慝謂所傳禮俗惡長之事道之使飭而避之也以知地
俗亦兼承上文而言○註曰說四方所議久遠之事以告王觀若
魯有大庭氏之庫嘗有穀之二陵之類也唐呂溫地志圖序云見
蒼梧冷山則思舜禹恤民之艱觀窮荒大漠則悟秦漢勞師之弊
覽齊墟管輅則想威文勤王之霸觀洞庭荆門則知苗蕞悔慢之

敗王者於是明得失諸侯於王巡守則來王車見上○莊渠氏

足鑒典替斯懲勸之遠也王通諸侯二官夾備願聞王中心無爲而左右

書學左問右書也王通諸侯二官夾備願聞王中心無爲而左右

各以其職廣王耳目而開拓其心胸俾四海之大萬古之遠如指

諸掌也愚按前村人草人二職乃九職之首三農生九穀之事也

此下廣衡之屬遂以八職言之而中獨雜以土訓謂訓二職者蓋

三農生九穀者殺土也其虞衡以下八職則庶

土也庶土之所有者願以駁故以三職總發之

山虞掌山林之政令物爲之屬而爲之守禁此序山虞大山中下

六人小山下士二人之職也山虞兼掌林者山自有林且林衡受

法山虞也風遮列也有遮列則闕而難犯也守謂其地占取山物

者託地以界之然後人以守之而仲冬斬陽木仲夏斬陰木凡服

奉法爲禁也此言山有守禁也

邦斬季材以時入之服謂車之乾服也邦謂邦之乘來也季謂季

夏斬陰者堅濡謂也斬季材欲完也此言入有時也○註曰季猶

謂也平仲王氏曰車邦最勞非群材可在或謂季爲老也愚按

謂季爲群者對他物言之他物猶孟仲叔然此則季也謂爲老者

自一物言之昔猶孟仲叔今猶季也若季夏季冬承仲夏仲冬爲

義則自其一時言之耳三者皆有完義。禘當全用而質理完老則材完而可用。二季則氣完矣。味以時入之。句蓋季夏季冬爲長與令萬民時斵材有期。凡邦工入山林而掄材不禁。期日日數也。邦工謂梓人之屬掄梓也。必限以日數者恐過取而重也。惟邦工掄取則不限者恐待用而匱也。此又言入之時有期也。○平仲王氏曰入山掄材雖邦工亦以冬夏但不拘期日耳。萬民冬夏斵材復春秋之斬有日數者所以息衆紛養物力非故專利而病民也。

木不入禁。凡竊木有刑罰。言非冬夏而斬木四野則斬之不得入禁若犯禁而竊木必懲也。此又申言禁也。

也。若祭山林則爲主而修除。且蹕若大田獵則萊山田之野及弊

田植虞旗於中致禽而珥焉。珥音二○爲主註謂主辨護之供時用相禮儀也。項氏謂使之主祭也。修

除謂治壇場蹕謂嚴禁徭萊山田之野以教戰也。除萊曰萊猶記

艾草曰草弊止也。珥者謂校所取之禽耳也。田既止則立虞人之

旗令獲者皆致禽於其下。校左耳以知獲數也。詳見大司馬○賈

氏曰萊野謂於禁旁擬教場之處。芟去草萊南北二百五十步東

西可容六軍也。易氏曰大田獵者天子親行之禮萊山田之野聯

於人司馬職之萊野弊田植旗則獸人所謂令禽注於虞中是已

林衡掌巡林麓之禁令而平其守以時計林麓而賞罰之

此序林衡人林

麓下士十二人中者六人小者二人之職也平者平其守禁也若斷木材則其民所守之界計者計其守之功此亦言守禁也

受法於山虞而掌其政令

法即山虞斷材以時計檢材不焚之類此言入時也不言祭若田者既受法山虞

亦從上文矣

川衡掌巡川澤之禁令而平其守

此序川衡大川下士十二人中者六人小者二人之職也流水

曰川瀦水曰澤禁令如不伐天禁魚鱸之類此言守禁也○疏曰川衡兼巡澤者澤與川連則川衡兼掌之謂若濟水溢為萊澤則

掌濟川者以時舍其守犯禁者執而誅罰之舍之言釋誅責也猶兼禁澤矣

入禁之意也此亦言入時也○郝氏曰時謂當漁時舍其守而弛禁也四時惟夏不漁李冬則大漁王制類祭魚然後虞入川是也

祭祀賓客其川奠

川奠謂筵豆之實魚鱸屈蛤之屬

澤虞掌國澤之政令為之厲禁使其地之人守其財物

此序澤虞大澤澤中

下士十二人中者下士六人小者以時入之於王府頒其餘於鴻

不士二人之職也此亦言守禁也民入於王府如珠貝皮角之類其餘物令民自取若領之矣此亦

言入時也○疏曰上山虞林衡川衡皆不言國獨澤虞言國澤

者二虞二衡文有不同皆互見爲義也云以時入於王府

者據中所出入王府者多故特言之亦是互見其義也凡祭祀

賓客其澤物之奠喪紀其其葦蒲之事澤莫謂藎豆之實芹菲蒻

席若大田獵則萊澤野及弊田植虞旌以屬禽屬音燭○屬禽猶

旌謂熊虎旗此言旌謂析羽旌也○疏曰山虞致食謂致之虞旗

之中珥以計獲之多少也此屬禽謂百姓致禽訖虞人屬聚之別

其等每禽取二十也致與屬不同而鄭云猶致禽者欲明山虞澤

虞文皆不足互見爲義○程子曰聖人奉天理物之道在於六

府六府之任治於五官山澤虞衡各有常禁故萬物阜而財用足

今五官不修六府不治用之無節取之不時豈惟物失其性而山

林川澤暴殄天物亦已甚哉故虞衡之職宜明也易氏曰有政

令有禁令山林川澤之政令山虞掌之國澤之政令澤虞掌之林衡川

衡特巡山林川澤之禁令而已是二衡正於二虞也二虞爲物屬

守禁二衡之所謂平者平此也故山虞以時入木林令萬民時新

材而林衡斬材則受山虞之法澤虞以時入財物於王府頒其餘於萬民而川衡則以時舍其守此也愚按四職分地而互職虞之言度也故二虞皆掌政令而為之屬禁衡之言平也故二衡皆掌巡其禁令以平之觀山虞亦言林川衡亦言澤虞衡名義之責見矣

迹人掌邦田之地政為之屬禁而守之

此序迹人中下士十二人之職也邦田之地謂邦內

可田之地屬禁即大司馬所謂凡田獵者受令焉禁麇卵者與其逐以圖禁者也此亦言守禁也

毒矢射者

廣音述卵鷄上聲○令謂令以田之期與其地而天官

麇鹿子也

或曰凡獸子初生通曰麇此亦言禁也然言受令而入

時在其中矣○疏曰此謂四時常禁也若月令孟春不麇不卵及

于制國君春田不閉澤大夫不掩羣士不麇不卵彼以春時孕乳

特禁之耳月令季春饒獸之藥無出九門亦崇其春時也易氏曰

田之義有三大田虞人萊所出之野教民戰陳今見大司馬一也

其次設囿游之禁以時取獸供賓祭之用今見於囿人職二也若

迹人以其迹知禽獸所萃故謂之迹而邦田之地皆其所掌三也

愚按囿人職自別於夏官大司馬之大田而謂迹人職別於大司

馬恐不然考山虞澤虞迹人獸人與大司馬之大田皆令職聯事
山澤虞之禁野即大司馬所田之野迹人之守禁即大司馬遂園
之禁井二田也而易氏云爾者蓋迹人守井一禁當大司馬之大
田皆供職趨事而其餘時則凡可田之地皆以事獵取而未可以
計與一二

升人掌金玉錫石之地而爲之厲禁以守之此序升人中下士六

金錫約詞也石謂次玉者其地之厲禁與諸職同然迹人升人所
掌常不外山澤之地而各言厲禁者蓋山虞自材木言澤虞自財
用言迹人自鳥獸言升人自寶藏言或兼儀也若以時取之則物
各產故各舉其重而設官守與此亦言守禁也其地圖而授之巡其禁令物謂占形色也物色其地而爲圖授之
渠璣氏曰若以時取之者非有故不輕取也權萬紀言宣使銀絲
采之歲可得數百萬緡唐太宗黜之且曰朕所乏者非財也但恐
無嘉言可利民耳卿專言利以桓靈待我耶此可爲萬世法矣平
仲王氏曰升人既掌其地寧待取時而後占其形色乎蓋恐取者
託言公事越界侵漁致傷地脉兼或破塚發屋實生厲階故授以
圖令其按圖採取苟與圖不合即爲犯禁而糾之也以時取之若

禹採歷山湯採莊山之類不然殃民損德聖王不為矣愚按屬禁時巡厥寧蓋嚴然致山海經所載如祝其山吉山之玉惟揚山金庭山之黃赤金赤乏山之玉若青嶺基山之沙石皆白金之類蓋不勝舉矣而升人職數止六人耳則其不事窮搜也可見且其取之也職金受之而入金錫於為兵器之府入玉石丹青於守藏之府今玉府所掌不過備寶鎮兵器之用冠弁環佩之飾與凡喪祭燕會之供錫予之用而已則聖王亦豈惟厭饜其耳目心志以為之哉觀升人之掌者此之不可不知也

角人掌以時徵齒角凡骨物於山澤之農以當邦賦之政令當去聲下

二職同○此序角人下士二人之職也齒角骨物謂犀象兕鹿之屬當於抵也此下諸職言時徵時斂時聚時入而皆即以當其邦賦者蓋近山澤之農山澤官亦聽其以時取而舍禁與或云取於不置官守之山澤也○疏曰言農則皆有夫田出稅近山澤者即以齒角骨物之屬當地稅也此三職以外不言當賦者皆文不具也愚按以其物當農地之賦則其不兼征病民可見矣不然非禁之使不得取即科之使倍以度量受之以其邦用度量謂其長短多寡也而入耳豈聖王之制哉

羽人掌以時徵羽翮之政於山澤之農以當邦賦之政令上政征同○此

序羽人下士二人之職也。凡受羽十羽爲審，百羽爲搏，十搏爲
羽本也。可爲緩弗從前之屬。凡受羽十羽爲審，百羽爲搏，十搏爲
搏。搏徒端反。搏除轉反。○審搏搏皆羽數，束名而有大小也。鄭謬
曰：審言察其數也。搏者束百枚而可執，搏者其數多則卷而束
之也。○註曰：爾雅云：一羽謂之歲，十羽謂之經，百
羽謂之綱。其名音相近也。一羽有歲，蓋失之矣。

掌葛掌以時徵絺綌之材於山農，凡葛征徵草貢之材於澤農，以

當邦賦之政令。

此序掌葛下士二人之職也。稱絺綌之材，又稱凡
葛征者，猶云徵絺綌之材，凡葛征於山農，倒文也。

統書之爲絺綌之材，對草貢而言。葛征葛蔓生，草貢謂蒨苧之
屬，科生。○疏曰：徵絺綌之材，卽謂葛也。稱凡者，總詞也。葛出於山，
苧蒨出於澤，或云葛征或云草貢，互文也。愚按：凡葛征草貢之材，
鄭謬謂卽開師貢其物也。蓋太宰九職任萬民以廣衡，借曰山澤
之民，而其民或爲官守山林數澤，或自爲以權度受之。權度謂其
取之故以掌葛之屬，繼虞衡諸官之後也。以權度受之，輕重長短
不言，領之典婦功及
典采職者，省文也。

掌染草掌以春秋斂染草之物。

此序掌染草下士二人之職也。以
染草如藍青倩赤皂斗黑之類，以

權度受之以待時而頒之頒於桑人也

掌炭掌灰物炭物之徵令以時入之此序掌炭下士二人之職也灰者石灰煙煤之類炭者木

炭也○疏曰二者山澤所出以權量受之以其邦之用凡炭灰之

事以以供勦聖泔練炭以供烹煎燕

掌茶掌以時聚茶以其喪事此序掌茶下士二人之職也茶茅莠

壤藉之以禦濕既夕徵野疏材之物以待邦事凡畜聚之物野疏

卉草根實之屬徵謂徵入於委人也又廣稱凡畜聚之物亦倒文

猶言徵野疏材之物凡畜聚之物以待邦事也以大宰九職推之

此蓋臣妾所聚斂而掌茶與委人諸職掌之與

掌廩掌斂互物廩物以其閭閻之廩閭音因○此序掌廩下士二

局也鼃人之互物通謂魚鼃龜蜃及廣蛇之屬而此互物謂之蚌蛤止是應而餘不及者以廩自在其下而龜鼃蛇之屬又皆無灰

民其且非皆奇而有也牧百獸乃繫詞耳王氏之聚註也宜哉祭祀與紀賓客其其生獸死獸之物生獸死獸見獸人獸人所共或有所餘則困人牧之其或不足則困人又供之也

場人掌國之場圃而樹之果蓏珍異之物以時斂而藏之此序場人每場

下士二人之職也樹種也民之場圃載師任以徵之國之場圃場人樹以教之果蓏栗之屬麻瓜瓠之屬珍異謂其貴者皆以時收治而藏之凡祭祀賓客其其果蓏享亦如之享魏氏謂月享及月朔薦新是也

廩人掌九穀之數以待國之匪頒賜和食匪頒作分稍去聲食音嗣此序廩人下

大夫一人上中下士二十八人之職也匪頒作分者註謂以穀分頒於道人之職諸委積也疏謂匪如作篋則穀非能所盛且道人委積廬宿在道之屬於分頒義合也賜謂臣賜謂民也稍食謂工役之食如宮正內宰養人藏之類若公卿大夫以下自有三等采地及官田士田之屬故不及也○易氏曰疏謂倉人掌穀廩人掌米蓋廩如御廩常稟之類明堂位稱米廩者是也以廩名官而掌九穀之數者以掌米兼掌九穀之數也愚按匪頒賜即大宰職之匪頒好用及大府藏之匪頒賜予也但大府所云家削之賦以

待匪頒幣餘之賦以待賜予自九賦之以歲之上下數邦用以知財賄而言此此所云則自九穀而言耳

足否以詔穀用以治年之凶豐凡萬民之食食者人四鬴上也人

三鬴中也人二鬴下也若食不能人二鬴則令邦移民就穀詔王

殺邦用上聲數上聲鬴釜同殺去聲○上下即豐凶凶視下尤

升也四鬴二鬴二鬴注皆謂一月所食也食四鬴爲年之上三鬴

爲中二鬴爲下又不足二則爲凶年民荒民也穀穀地也此言民

用也穀減也如膳夫不舉司服素服之類此言邦用也○楊謹仲

曰古量非後世比東氏爲量方尺深尺其實一鬴乃六斗四升今

量深一尺方二尺止容五斗今量五倍於古矣以中歲均之人月

食三鬴則日六升四合漢量猶然趙充國言試賢引萬騎出張

掖以一馬自負三十日糧計人食八升王莽蓋十萬衆齎三百日

糧出關嚴尤計一人日食六升三百日用十八斛以此攷之周之

中歲人日食六升上凡邦有會同師役之事則治其糧與其食大

歲人八升不爲過矣接註作振盛音成○行審曰糧謂糗也居膳曰

祭祀則其其接盛食謂米也接註讀如一振再祭之振謂將所收

籍田之米藏於神倉者以授春人使精粢爲大祭祀之粢盛也
不言小祭祀授穀使春而已○易氏曰會同師役之所饗者糧也
大宰以九式均節財用初不及其式而小宰之七事比會同軍旅
田役之戒具今官府供其財用其所共者具於賓客工事幣帛芻
秣匪頒諸式而糧無式也蓋軍宰制國用以九賦待九式而萬民
之貢獨以充府庫會同師役之類其糧皆取具於此此謂人掌道
路之委積倉人供道路之穀積飲食之具則人治其糧與其食凡
其在道及止居之費無不備也

舍人掌平宮中之政分其財守以法掌其出入

此序舍人上中士六人之職也舍人

官正宮伯次舍之舍平之言均皆均稍食均秣之意也財即謂穀也
也以穀分送宮正內宰使守而頒之王宮與后宮也出謂山自守
者入謂入自舍人凡祭祀其簠簋實之陳之賓客亦如之其其禮車米宮

米芻禾喪紀其飯米熬穀

飯上聲○外方內圓曰簠實稻稷外圓內方曰簋實黍稷供者受之館人而因

實以陳之也宮米陳於中庭車米芻禾陳於門外供其禮則受春
人委人之屬而供之矣飯米以實口見糧弓熬穀以錯壤見喪大
記以歲時縣種稷之種以供王后之春獻種縣懸同種音童稷音
六種上聲下同○禮

后帥六宮獻種於王見內
宰職縣之使風氣燥也
掌米粟之出入辨其物歲終則會計其

政粟即穀也禹貢四百里粟五百里米是也舊訓粟爲稷者非凡宮中米若粟之出入各以其物別爲書以待會也

倉人掌粟入之藏辨九穀之物以待邦用此序倉人中下士十二人之職也若穀

不足則止餘法用有餘則藏之以待凶而頒之不足謂年穀有餘則年豐凶則無年

矣餘法用如遺人各委積之廩廩人倉人以其餘藏之以待頒惟

年歉則無藏無頒也○平仲王氏曰周公理財惟量入爲出復每

事節養則不惟無浮費且有餘財後世反量出爲入直以取民之

數意爲加賦而覆亡至矣自古國弱不足亡國貧猶不足亡惟民

貴則亡也凡國之大事其道路之穀積食飲之具大事註謂喪戎也○

與戎註不言祀者祀無過近
郊之內無在道供糧之事也

司祿此序司祿中下士十二人之職註蓋以爲掌班祿而今闕也
○薛平仲曰場人已登穀則倉廩官當爲儲蓄備也而以舍
人次廩人以司祿次倉人者舍人主宮中官府之次舍其稍食育
宜均故次之若穀祿之制自公卿以至士庶其受田賦祿又非一

稍食者比也。故又次之。愚按司祿次廩人倉人之間。職司穀祿。當指米穀而言。然攷班祿之制。凡五等六等之臣。皆祿以地。如司徒之制。邦國及畿師之作土田官。田與家邑小都大都之田。皆非頒給穀祿之謂也。經惟校人職有等。以夫之祿之文。而其所謂祿者。皆不可見。此薛氏兼指校田賦祿而言。與但侯邦采邑之祿以地者。其微斂皆不同。以王官或士田官田之屬。凡後世代耕者。司祿主爲徵斂而給。之耳。亦未知果否也。

司稼掌巡邦野之稼。而辨種稂之種。周知其名。與其所宜地。以爲

法。而縣於邑閭。

縣。懸同。○此序司稼下士八人之職也。邦野。辨言邦之野。謂鄉遂也。對文則六鄉爲國中。六遂爲四

郊。散文則通名野矣。先種後熟曰稼。後種先熟曰稂。名。卽稻黍稷麥菽之類。宜地。卽荆揚宜稻。雍冀宜黍稷之類。巡野。觀

稼。以年之上下出斂法。

出者。以斂法出示於民也。豐年以正斂之。歉則減凶則止。○朱子曰。鄉遂雖用貢法。

然巡野觀稼。以年之上下出斂法。則亦未嘗校數歲之中。以爲常也。愚按朱說善矣。而王與之乃謂助法無斂。此爲民斂之。如常平倉義倉之法也。如其說。豈倉人所謂有餘則藏之者。以官物爲官若民藏而用之。而司稼所謂以年之上下出斂法者。乃以民財爲

民飯而用之與然如此則上年飯下年不當飯而本文槩云以年之上下出飯法王說蓋非也且鄉遂自用貢法其以為非復有所飯於民者掌均萬民之食而調其急而平其與均食謂均四國三亦失矣發而無偏乃以調危急而無困也○王氏曰後世倉廩之官知為飯儲而已周公於倉人廩人而下特設司稼周知地所宜種為耕法以示民又巡年之上下為飯法以示吏且又周其急平其與焉此所以異後世也

春人掌其米物

此序春人奄二人之職而總言之也

祭祀其其蠶盛之米賓客其其

牢禮之米凡饗食其其食米

登案同盛音成下職同○蠶盛之米廩人供米穀

使春以俱饗人也牢禮食米則供舍人饗人矣

掌凡米事

上文列言之此推言之也以下二職觀之推亦供王及后之大

食及供內外朝寗食之類之米而錯互其文與

饗人掌凡祭祀其盛

此序饗人奄二人之職而首即祭祀言之也

其王及后之六食

食

謂六食謂六穀之飯也此特言膳也

凡賓客其其簠簋之實饗食亦如之

簠簋之實謂致

殯饗之簋盛此又
言賓客凡饗食也

棄人掌其外內朝亢食者之食若饗者老孤子士庶子其其食

潮亢戎上聲下兩食字音嗣○此序棄人奄入人之職也外朝謂
庫門外之朝也內朝謂應門內之朝所謂治朝也亢者
治文書之人若今尙書之屬諸直上者也士庶子卿大夫之
子弟宿衛王宮者士其適子庶子其支庶也此列言之也
祭祀之犬犬畜於秋官犬人陪祭則入於棄人也郝氏曰馬牛羊
人於充人草食曰芻也犬入於棄人數食曰豢也此
言之也